



# लोलु डॉल्य

बिमला ऐमा (मिसरी)







Compliments from  
Virender Rana



my dear  
friend



# लोलु डॉल्य्

बिमला ऐमा (मिसरी)



# लोलु डॉल्य्

( व्यनॅच्च, लीलायि, गज़लु तु नज़्मु तु चुपॅच्च )

बिमला ऐमा (मिसरी)



# सॉरी अधिकार छि रँछरिथ


नाव	:	लोलु डॉल्य
रचनायि	:	बिमला ऐमा (मिसरी)
नज़रि सॉनी तु		
शब्द नागरी कौशुर	:	पी०एन०कौल “सायिल”
कुल सफु	:	184
कुल किताब	:	500
कम्प्यूटर कम्पोजिंग	:	साधना कौल (पृथ्वीन एड सन्ज जोम/दिल)
छापन वॅरी	:	2013
म्वल	:	125/- स्वपयि सिर्फ
छाप खानु	:	रैणा आर्ट प्रंटॉरस # 9419141499
किताब कति मेलि	:	H.No. 72, Sector-E, Bharat Nagar, Talab Tillo, Jammu Tele. : 0191-2554595 (M) : 9419197646 : 9088697646

G.M. College of Education  
Raipur, Bantalab  
Jammu.

Acc No. 5713 (CD)  
Dated 17/10/2023



# अर्पन



स्व० जानकी नाथ मिसरी तु सोमावँती मिसरी



स्व० राज लक्ष्मी ऐमा तु त्रिलोकी नाथ ऐमा

पनुन्यन मॉलिस तु माजि स्व० जानकी नाथ मिसरी तु सोमावँती मिसरी

तु

पनुनि हशि माजी तु हेहरु बाबस स्व० राज लक्ष्मी ऐमा तु टी०एन० ऐमा

सॉबन्यन चरणु कमलन पनुनि श्रद्धायि सान अर्पण।

यिहुन्दि ऑशीर्वाद किन्त्यु बु कांह मॅन्जिल तु मकाम प्रावान छस!

बिमला ( बिमु )



# काँशुर पँरिव लीखिव यिथु पाँल्ह्य

**काँशिस्त्र अछर :-** क,ख,ग,च,च,छ,छ,ज,ज,ट,ठ,ड,त,थ, द, न, प,फ,ब,म  
य,र,ल,व,श,स,ह,क्ष,त्र,ज्ञ ।

**काँशिस्त्र स्वर :-** अ,आ,अँ,ऑ,इ,ई,अु,अु,उ,ऊ,अं,ए, ऐ, ओ, ओ,व्व,य

**स्वर मात्रा वरताव**

अ	मूल स्वर	अख (एक), अज (आज), मस (बाल), बर, (द्वार), कन (कान), पर (पढ़ो)
आ	।	आश (आशा), आव (आया), सास (हज़ार), नाव (नाम), माम (मामा) दान (चूल्हा)
अँ	-	अँछ (आंख), गँर (घड़ी), चँर (चिडिया), मँछ (मक्खी) बँड (बडी), नँर (भुजा)
ऑ	।	ऑल (इलाची), ऑठ (आठ), माँज (माता), दाँन (अनार) माँश (भैंस), लॉर (खीरा)
इ	ि	यि (यह), यिम (ये), छि (हैं), ज़िठ (बडी) ति (और, भी) यिछ (ऐसी) छिठ (छींट) यिछ (ऐसी) छिठ (छींट)
ई	ी	ईद (ईद), शीन (बर्फ), सीर (ईंट), टीन (पीपा), तील (तेल) मीच (नाप) रीथ (रीति)
अु	ु	चु (तुम), बु (मैं), तु (और), सुच (दर्जी) रुख (रेखा), टुख (दौड) कुन (नीव) जु (दो)
अु	ु	जुज (दौ दौ), चुन (चूरा), तुर (सर्दी), कुर (कूर), कमथ (मूल्य) तुंछ (कान की बाली) सुत्थ (साथ)
उ	ु	हु (वह) सु (हु), छु (है), कुल (पेड), बुठ (होंठ), गुर (घोडा) कुठ (कमरा) फुट (फुट, टूटा)
ऊ	ू	नून (नमक), कूर (कन्या), नूल (नेवला), गूर (ग्वाला), चूर (चोर) दून (धुनिया) कूट (खम्बा)
ए	े	चेर (देर), हेर (सीढ़ी), जेठ (जेष्ट) तेल, (तिल), चेन (महसूस) चेर (खूबानी) पेछ (पेचिस)
ऐ	े	त्रे (तीन), शे (छः), मे (मुझे), चे (तुमको), बेनि (बहन)

वेठ (मोटी) बेयि (दुबारा) खेयि (खायेगा, खायेगी)



ओ	।	ओल (घोसली), मील (पिता), चार (चार), ब्रो (बिल्ला) को (काना) सोन (हमारा), टोट (प्यारा) लोव (नर्म)
ओ	ो	होट (गल्ला), वोछ (बछडा), होस (हाथी), कोठ (घुटना) मो (मोटा) तोन (पतला) दोल (आँचल)
व्व	व	व्वठ (छलांग), व्वद (दूध), ब्वद (बुधि), म्वल (मूल्य) क्व (नहर) स्वख (सुख) प्वफ (पोफी) द्वस (दीवार) ग्वर (गुरु)
य-	य-	द्यान (ध्यान) द्यल (छिलका) ब्याख (दूसरा) ब्योल (बीज) म्योन (मेरा) ग्यव (घी), छ्यठ (झूठन) प्यंद (गेंद)
-य	च	म्यॉन्य (मेरी), चॅल्य (भागे), वॉरय (बारी) फेस्च (कतरे) हॅल (टेढ़े), नॉल्य (नाली), कॅन्य (पत्थर) नॅदय (गढे)
अं	-	दंद (दांत) मंज (में) स्यंद (सिंधु) वांदुर (वानर) वंदु (जाडा) दां (बैल) कंज (ओखल)
र	/	ग्रख (उबाल) क्रख (चीख), ग्रंद (गिनती), ग्रक्ख (निगलना) प्रो (गोरा) श्रूच (पवित्र) द्रोत (द्रांती)
र	र	चॉरय (चुने) छॅरय (खाली) गॅरय (सिंघाडे), जॅरय (बहरे) सॉर (सारे) यपॉरय (यहाँ से), अलमॉरय (अलमारी)

**याद थॅविव:-** नावन, (संज्ञायन) खास नावन, संस्कृत शब्दन, तु हिन्दी शब्दन  
सुत्य छि असली अछर वर्तावुन्य - यिथु पॉठ्य जनः  
कृष्ण, भगवान, शिवशंकर, लक्ष्मी, क्षण, मूक्ष, ज्ञान, रॉज्ञाना !

पी०एन० कौल 'सायिल



## रचनायि व्यस्तार

शुमार व्यनथ / लीलायि / गज़ल / नज़्म / तु चुपेंद्य सफु

(ग्वड कथ) शाबाश पी.एन.कौल 'सायिल'

(पनुन्य कथ) अख रछा वनहा बु ति 'बिमला ऐमा'

ग्वडन्युक बोग (व्यनैच तु लीलायि)

दोयुम बोग ( गज़ल तु नज़्म)

त्रेयिम बोग ( चुपेंद्य )

## ग्वडन्युक बाग (व्यनच तु लीलायि)

20. महा गणेशस
21. करार कूत आम हा भगवानय
24. हा दयावानु म्यानि भगवानय
26. तस ग्वरु दीवस छस पादन प्यवान
28. तप कर सूहम ज़प कर सूहम
30. बब भगवानस ज़ारुपारु
31. आयस शरण
33. लगुहय बलायि गोपीनाथ
35. बबा दया कर बँखत्यन मुचर बर
37. लोत पॉट्य होवनम पनुनुय तीज़
39. म्योन यितय सालय सालय लो
41. वर्शुन कोरनम पनुनि लोलु सुत्य
43. आयसय येलि येलि बेक्षाये
45. यि रिशतु मा गव व्वन्य प्राणि प्रोनय
46. यँचकॉल्य सु आव गरु म्योन
49. श्री राम युथ नसॉ म्योन रटख मलालु
50. वेसिये लालु आमय बेयि दुबारु
52. सु म्योन बोज़िहे छेसस सवॉली
54. जय श्रु रामॉय
56. त्वहि मा सॉ श्याम लालय वुछवोन
58. मारुमते मै लोल आम



61. बु छारुने नेरुहय तँथ्य वते  
 63. छसय प्रारान बु आरुहते  
 65. श्र राम यि कथ व्वन्य पलि पावतम  
 67. चैय म्यानि सीरुच छय खबर  
 68. अज्ञान यनय बूजुम कनय  
 71. मे सतुगवर पनुन गोछ मनस मंज आसुन  
 72. सदा शिवस व्यनथ  
 75. शिवनाथस व्यनथ  
 77. तम्बलॉविथ ग्वड मेय रोय हॉविथ  
 78. मे दिलबरस सोजम डालि डाले  
 80. मे पान सखरोवमय सरि शामय  
 82. तँमिय बे आरन तूल लोलुय छोन

**दोयुम बोग ( गजल तु नज्म )**

86. यि क्युथ रंग बदल्योमुत यथ जहानस  
 88. बॉल्य यितय म्योन गरु सॉलिये लो  
 89. यी पज्या  
 91. पनुन पान आलुवय बो  
 92. प्रारुवुन्य थँवनस इन्तिजारस  
 93. कूत डलकाव लोगनम क्याह वनय  
 95. बु लगय बलायि मतु रोशतम  
 97. यारन यारन अँम्य टॉक्य यारन  
 100. म्वख्तु हारन पन छ्यनन  
 101. कॉल्य मा गछन गरु खॉल्य  
 103. येलि भावु चर्यन पखु आयम  
 105. मे लोलु रोयस प्यालु बँरिमस  
 106. तस इन्तिजार रोज्या  
 108. सीर हय रावान वति प्यठ प्यवान  
 110. सु नय दिलदार छुये



113. कर्म लोखाय छुय नमस्कार
115. ओही पोत्रस
117. नखि डखि अख अँकिस छि ताबेदार
119. गरु अचुनस ओही नेचविस
120. असि छि लालस अज मॉन्जेराथ
122. मालिन्यन शॉद्य काहनेथुर
125. मेखलायि सालस यिनस
127. चु बजाह रोजतय वॉरिवे
129. मै मॉज व्वन्य यि बाग फोलुराव
131. मे क्युत त्युथ खरीदार वुछतन
133. बु हय यिमय साल चुनुये
134. फ्रट्य वॉलिंजि गोम डुबडॉस
136. सु हय छुम चवान सरि शामय
138. तला मालि यिय बेयि वनतम
140. बु यनय द्रायस पनुने गरय
143. गाडु छो गाडु मा हैयिव
145. तानु तानु पानुवॉन्य
147. यार हय आम
148. बेयि करुहव अख लोलु मुलाकात
150. दग (नज़्म)
153. वटुस्य गॉमत्य् खाब
154. क्याह त्रुवुम क्याह प्रुवुम (नज़्म)
155. संशय (नज़्म)
158. अँस्य क्याजि छिय वनान तिम गँयि कोतये
160. मै माजि पनुनि मठि मठि दित्यनम
162. लोलु ब्वछि (नज़्म)
163. नारु त्यंगुल (नज़्म)
165. यकुत छुय जान



## गवड कथ

### शाबाश

शाबॉशी दिनस छु तेली मन पचान येलि सु कॉन्सि व्यथुवनिस  
तु ह्यमँच वॉलिस कामयाँबी हुन्जि वति हुन्ध वतु पँद्य छारनस कुन  
तनु मनु जखान जूरान वुछान छु। शाबाश छु तँमिस काररवा तु  
हेछनुक गर्ज आसन वॉल्य सुन्द व्यपन बानु तु व्यचन त्राय थवन  
वॉलिस दिनु यिवान युस पनुनि नेमनि नेमिनि तु दिली मिर्जी किन्य  
हेछिनावन वॉल्य सुन्द तगनगँरी बगौर श्वदिव्यचारु श्रद्धा छु थावान।  
व्यचुन व्यपुन तु बावुन हेछिनावुन छु दशवुन्य दस्यन खॉतरु ज़रूरी।  
यिछुय बावन तु हेछिनावन वॉलिस गछि पँज यछा आसुन्य तु तिछुय  
गछि हेछन वॉलिस पछ तु कामना आसुन्य। योततान्य शाबॉशी  
प्रावनुक तोलुक छु। हेछन वालिस तु लेखन वॉलिस गछि श्रपथ तु  
खास ब्युतुर आसुन।

रूद व्यन्य शाबशस कुन गछुन शाबशि सुत्य बोश खसुन, तथ  
ति छु हद। अगर शाबशसुय कुन गँछिथ पनुनि हनि निशी डोल।  
तम्युक ति गछि ह्यस आसुन — नतय दोपुन — “ख्वजन दोपनम  
फँटखय” — तेलि करि पानस कित्य हेछिनुक्य तु काड कडुनुक्य  
दरवाज़ा बंद। यि छे सँही कथ जि प्वख्तु छु प्वख्तये तु खाम गव  
खामुय। प्वख्तु गव पास तु सु छु बछि ताव चॉल्यथुय नार द्राव स्वन  
बनान। त्रामस योदवय स्वन मुलुमायि वॅर्य जि चकि नेरि त्रामुय।

असलियत छे कहवचि प्यठुय ननान। म्योन मतलब छु खॉली  
वाहवाहस तु शाबशस प्यठ गछि नु व्यठ कडुन्य। खुद मियां मिठू  
बनुन गव ना त्युथय युथ सॉन्य अपज़ी साधु तु महात्मा छि करान।  
कृतिस कालस बेकलन लुख। तति गछि नज़रि तल थवुन। येलि  
कांह पनुन्य कय तु हिया बराबर करान रोजि। पनुन मुकाम प्राँविथ



बनि तैन्नु मुद प्रथ वार अख वारना सु प्रथ कथ अख चमत्कार  
 असली क्रियावानन, विद्वानन, कवियन, तु कलाकारन हुन्द यवहय  
 कौला जि मज़ार बल तान्य छि हज़ार बलायि।

बहर हाल छे 'बिमला ऐमा' अख पॅरमुच लीछमुच संसॉर्य  
 व्यवहारन मंज़ तजरुबुकार लेखन व्यद तु बावन हुंदि बावनुच गाटुजॉरी  
 तु फनकारानु वॉकफियत थवन वाजन्य तु व्यथुवुन्य लिखॉर्य। ओहन्द  
 शौक छु दाद दिनु लायक। ग्वडुनिचे रचनायि सोम्बरन वॅडुन सनु  
 २००९ ईस्वीयस मंज़ बाज़र - अथ मंज़ ऑस्य आराधनायि व्यनॅच  
 गज़लु तु नज़्मव अलावु कैह वाख ति शॉमिल। भाव ऑस्य लुकु  
 मिज़ाज़स मुवॉफिक। लुकव करि अमिचि रचनायि पसन्द। परनवाल्त्यव  
 हुन्जि म्वलुवनि सुत्य हुयव बिमलाजियि फेक्यन माज़। पनुनि मेहनॅच  
 हुंद रुत फल डींशिथ बड्योस हौसलु ति तु ब्रॉह पकनुक चाव ति।

पनुन यि शौक बदस्तूर कॉयिम थॉविथ कोर अज़ पनुन्य यि  
 शारु सोम्बरन छॉपिथ परनवाल्त्यनताम वातनावनुच दोयिम पहल।  
 यथ मंज़ बिमला जियि समाजकिस फर्दस फर्दस ताम वातनुच हदु  
 रोस कूशिश करमुच। आम लुक तर्जन तु अवॉमी मिज़ाज़ रुजहान  
 मदि नज़र थॅविव ज़नतु तिमनुय हुन्ज मनु बावथ वॅरमुच। युस  
 अख खास तु ओहन्द पनुन यछुन छि प्रॅखलावान। यि छु अवाम  
 दौस्त बननुक प्य छु दिवान। लिखॉर्य छु समाजुक बोड नुमाँयिन्दु  
 छु आसान। सु छु अवामुक गमखार तु दिलदार आसान। सु छु  
 लूकन हुन्द तर्जमान। सु छु पोज़ चुक्यदर। सु छु गॉफिलन हुंद  
 राहनुमा। यिमु रचनायि छे अथ बुनयॉज़ तु अथ मेयारस प्यठ स्यठाहस  
 हदस ताम वुतरान। यवसु यिमन रचनायन हुंज खूबी छि टाकारु  
 पॉक्य बावान छि।



यि सोम्बरन छे बागि बैरुच, तु शुबिदार। प्रेयिवुन्य तु मोजूआतव  
किन्य स्वंजलि हुंघव रंगव सुत्य शेरनु पॉरनु आमच। म्वल छुस  
मुनॉसिब। छपॉय बेतरि ति ख्वशयिवुन्य। अथ छु नाव “लोलु  
डॉल्य”। अदु युथ नाव छुस त्युथुय छुस मवाद ति। यि छे वाक्य  
लोलु डॉली।

मे छे आश जिं यि शारु सोम्बरन प्रावि कॅशरिस गरस गरस मंज़  
पनुन्य जाय। अमिक्य वचन चालि बॉथ तु रचनायि खसन नट्यन  
तु तास्यन। अमिचि नाना रॅन्य रचनायि खसन ज़ेवि ज़ेवि तु बिमलाजी  
नेरि शर तु तमाह। अवॉमी हलकन मंज़ सपदि यि बडु मकबूल।  
यथ सोम्बरनि छि त्रे बॉग्य। ग्वडनिकिस बॉगिस मंज़ छि आराधनायि,  
व्यनॅच तु लीलायि, दोयमिस बॉगिस मंज़ छि गज़ल, बॉथ तु नज़्मु  
तु त्रेयमिस बॉगिस मंज़ छि चुपॅद्य शॉमिल।

शार छि आम बोल चाल ति ज़बॉन्य मंज़ तु आय ति छुस  
कॉशरिकुय।

वुछ तव यि कैह ग्वडु शार :— ( बोग - १ )

१. यनय चु आहम मे यथ मनस मंज़
२. ज़फ कर सूहमस थफ कर सूहमस
३. लोत पॉट्य होवनम पनुनुय तीज़
४. म्योन यितम सालय सालय लो
५. श्री राम युथ नसॉ म्योन रटख मलालु
६. त्वहि मा सॉ शाम लालुय वुछिवोन
७. छसय प्रारान बु आरु हते
८. च़ेय म्यानि सीरुच छय खबर



९. सुय दयानय छु सर्व शक्ति मानये

१०. त्रकरि परमानस वठ त्रोव तँमिये

११. मे दिलबरस सोज़ु डालि डाले

१. (नज़्म) क्याह त्रोवुम क्याह प्रोवुम — (बोग - २)

२. (गज़ल) यि क्युत रंग बदल्योमुत यथ जहानस

३. (") बॉल्य यितम म्योन गरु सालिये लो

४. (") यी पज़्या

५. (") कॉल्य मा गछन गरु खॉल्य

६. (") सु नय दिलदार छुये

७. (") असि छि लालस अज़ मांज़े राथ

८. (") मे क्युत त्युथ खरीदार वुछतन

९. (नज़्म) दग

१०. (नज़्म) संशय

१. युस ग्वरु दीवस पतुपतु लारे — ( चुपँद्य, बोग - ३ )

होशुक पम्पोश फवल्यस मनु वारे

तस निश दीव अदु पानय हारे

दर्शुन दियस पँतिमे प्यारे



२. मोहँ ममतायि वुम्बरा ज़ेठेयम

न मूद मन तय नय आशा

कायायि कौंचाह त्राव्यम तनय

मनुय नो आम वशस ज़ांह





बाकुय बाकुय पॅरिव पानय। बु कर बिमला जियि ओही जि  
ब्रअरंह ब्रौह पॅक्य पॅक्य प्रॉविन थदि थॅद्य मॅन्जिल तु मकाम, दय  
थॅविनस शुर्यन बॉचन ह्यथ वारु वति।

रुत कांछनवोल  
पृथ्वीनाथ कौल 'सायिल'  
१३८ / ४ / ४ शारिका विहार,  
रूपनगर-जोम— १८००१३





## अख रछा वनहा बुति

दपान छिना जि युपिस शुप बुथि, कथ छे व्यचारुन्य लायक अमासना यिथिस सँहलाबस क्याह ज़न करि शुप सँहलाब रुक्या सान अमि किन्य न तस येतिथुय वथ बासि तँत्तथुय छु न्यबर नेरनुक संज़ करान, तु वतु छांडान, बस यवहय हाल मे पानस तेलि गछान, येलि मे हंगु मंगय बिहिथ बिहिथुय अँन्दरिम्य लोलु तँत्य नाद तु अमार ज़ेवि प्यठ खसान छि यिमु बु वछस मंज़ दफन गछनु ब्रोंह कागज़ वर्कन प्यठ लीखिथ छुनुन्य यछान छस।

परन वॉल्यन आसि खबर जि येमि ब्रोंठ कॅड मे पनुन्य ग्वडनिच शारु सोम्बरन “नोव सोज़” बाज़र।यवसु त्वहि ब्रोंह वॅनि वॅर मे मई २००९ मंज़ छापु करनॉविथ पेश। अदु परन वाल्यव वॅर मे स्यठाह हौसलु अफज़ॉयी, तु यि किताब आयि लूकन स्यठाह पसन्द, अथ मंज़ ऑस अलुपलु शीथ रचनायि, यिमन मंज़ व्यनॅच तु आराधनायि, नज़म, गज़ल तु बेयि हथ शथ चुपॅद्य ति शॉमिल छि, यि ‘नोव सोज़’ बाज़रस मंज़ यिनु पतु बुलॉवहस बु कॅहन मुशॉयिरन मंज़ मे परि अलग अलग नज़्मु तु लीलायि, यिम लूकुव तु दॉनीश्वरव स्यठाह पसन्द करि। तु मे थॅव मश्क जॉरी। येम्युक तस यि द्राव जि मे बडयव शौक तु हौसलु। अज़ छस त्वहि बु ब्रोंहकनि यि दोयम शार सोम्बरन “लोलु डॉल्य” पेश करान।

नोव सोज़ बाज़र प्यनु पतु आयि मे कॅह टी०वी०चैनल वॉल्य ति इन्टरव्यू हेनि। यिम इन्टरव्यू सपदेयि डी.डी कौशीर तु जे.के.चैनल प्यठु वक्त वक्त टेली तु मे वॉच कॅशीर प्यठ पनुन्यन हकन, हमसायन



हुन्दि तरफ़ मुबारक बाँदी हुन्द् फोन, बु छस प्रोफेसर अमरनाथ दर साँबुन स्यठाह धन्यवाद करुन यछान यिमव म्यानि किताबि हुन्ज़न कैह केंचन रचनायन अंग्रेजी अनुवाद कोर।

बु छस स्वर्गीय जवाहर मनवटी जियस स्वर्ग मंज़ जाय कांछान, तिमव ति ओस “नोव सोज़स” तबसुर कोरमुत तु कैह रचनायि अंग्रेजियस मंज़ फिरिमचु।

बु छस यि कथ स्यठाह फख्र सान यछान बावुन्य ज़ि यि दोयिम किताब “लोलु डॉल्फ” लेखनुच प्रेरणा दिच मे डाक्टर के.एल.चौधरी जियन, यिमव अमि मंज़ु कैह अंग्रेजियस मंज़ लीखिथ ‘मिलच्चार’ मैगज़ीनस सोज़। मे आयि मम्बई प्यठु ऑशनावुन हुन्द् फोन ति। डाक्टर के.एल.चौधरी जी छि मे ल्वकट बेनि मानान तिथय वॅन्ड्य यिथु वॅन्ड्य मे पनुन्य बाँय भूषण जी छि। डा० साँबन वॅर मे नसीहत ज़ि कलमस गछि नु थख द्युन, बस लेखान रोज़। भगवान थॅव्यनख बोड आय। अँस्य कॉशिरुय बट गॅयि वतु व्यलॉय तु पनुनि माजि ज़ेवि निशु गॅयि छ्यनु तु सुतीय तॅमि अदबी मीरासु निशि ति। बु छस पनुनि माजि ज़ेवि यछान पोछर द्युन तु यि कैह लीखिथ छस ह्यकान, सु छस कूशिश करान कॉशरिस मंज़ुय लेखुन तु लूकन ताम वाँतुनावन ति। लेखन वोल् छु लेखान रोज़ान,

बु छस पनुनिस साँमियस श्री शिभन जी ऐमा तु पनुन्यन शुश्चन तु शुर्चन हुन्धन शुर्चन ‘आशवासनस’ ‘तनिष्कस’ ‘शिवस’ ‘रुशुल’ तनीशायि तु मानिकस आँही करान। बु छस छस श्री पृथ्वीनाथ कौल ‘सायिल’ साबुन यिम बु पनुन्य वतु हावक्य छसन मानान वछि वॉल्लिंजि धन्यवाद करान। ब क्याह कर तिछ हिशि



शकासिये च हुन्ध तीरफ, सु गव सियेयस चांग हावुन, यिम मे  
हमेशि ब्रौह पकुनुच ह्यमथ छि दिवान तु वथ हावान । दय थँव्यनख  
वारवति !

बु छस पनुन्यन सारिनुय रुत कांछान वाल्यन धन्यवाद  
करान, यिम पजि मनु यि 'लोलु डॉल्य' कडुनुक आग्रह ऑस्य  
करान ।

यि किताब छस बु पनुनि मॉलयिस, माजि स्वर्गीय जानकी  
नाथ मिस्त्री तु सोमावती मिस्त्री, तु पनुनि हशि माजि तु हेहरु  
बाबस श्रीमती राज लक्ष्मी ऐमा तु त्रिलोकी नाथ. ऐमा साँबसन्धन  
चरणु कमलन अर्पण करानस मंज स्यठाह फख्र महसूस करान ।  
दय थँविन तिमन स्वर्ग लूकस मंज जाय तु असि रुजिन  
सहायतस ।

**बिमला ऐमा ( मिसरी )**

**'बिम्'**



# गवडन्युक बोग

(व्यनॅच तु लीलायि)

## महा गणेशस व्यनथ

अँस्य् छि आमुत्य् गणपत जियि गणपतयार,  
पूर्ण कर कामना, गछि च्यथ ब्यदार।  
बँखुत्य् गौमुत्य् चौन्य् सौरी हुशियार॥  
पूर्ण कर कामना, गछि च्यथ ब्यदार॥०॥

शक्ति हुन्दि यछायि पोत्रो ज़ार बोज़,  
असि छख कँर्मच लार गरि वारु बोज़।  
वापस यिमहव सौरी चोनुय द्वार॥  
पूर्ण कर कामना, गछि च्यथ ब्यदार॥०॥

माजि शक्ती हुन्द चु सीवाकार,  
द्युतमुत छुय महादीवन बोड आधिकार।  
छँकरनु आयि अँस्य् लार, अँडय दार॥  
पूर्ण कर कामना, गछि च्यथ ब्यदार॥०॥

नौल्य् छय लाल मालु चु नौगेन्द्रहार,  
यँन्द्रराजस मद वोथ गव सु लाचार।  
ऋदि सेदि ह्यथ दितु भवुसरु तार॥  
पूर्ण कर कामना, गछि च्यथ ब्यदार॥०॥



गॅणिशिबलु वॉचस चॉनिस दर्बारस,

वॉलिंग आयि फटनस कथ प्रारस ।

प्रथ तीर्थस चॉनिस कोरुम नमस्कार ॥

पूर्ण कर कामना, गछि च्यथ ब्यदार ॥०॥

बॅस्य बॅस्य अॅनिमय चे कित्य लॅड्य तु पूर्य,

रोद्रुगणन हुंद चु सरकार पूरि पूर ।

ज़ार “बिमस” नितन पनुन गणपतयार ॥

पूर्ण कर कामना, गछि च्यथ ब्यदार ॥०॥

अॅस्य छि आमुत्य् गणपत जियो गणपतयार ।

पूर्ण कर कामना गछि च्यथ ब्यदार ॥



## करार कूत आम हा भगवानय

यनय चु ऑहम मे यथ मनस मंज़,

करार कूत आम हा भगवानय ।

बीठुस बु डंजे हा पनुनि लंजे ॥

करार कूत आम हा भगवानय ॥०॥

कवु छस लँजिमुच बु यथ जंजालस,  
बु गीर गौमुच मंज मोह जालस ।  
यनय बु द्रायस सु पर्द चँटिथुय ॥  
करार कूत आम हा भगवानय ॥०॥

मे चानि लोलु जौंग द्युत मोहँ जंगुलस,  
छुनिम न्यबर व्वठ अपोर बालस ।  
चै दाद द्युतथम लोलस मे लोलय ॥  
करार कूत आम हा भगवानय ॥०॥

छम होशि करिमचु मे पोशि मालय,  
तिम पोश चँस्यमुत्थ छिम बँगु बँगय ।  
यनय तिम पादि कमलन चै लौगिमय ॥  
करार कूत आम हा भगवानय ॥०॥

यनय मे दोहदिश चै श्रान कोरुमय,  
ड्यकस क्वंगु द्योक चन्दुन तनि मोलमय ।  
कनव मे बूजुम सु साज चोनुय ॥  
करार कूत आम हा भगवानय ॥०॥

दिवान छुख बँखत्पुन खुलु डुलय,  
कासान छुहख जीवतुक्य अरुसरय ।  
यनय बु पाद चौन्य लोगुस हा छलनय ॥  
करार कूत आम हा भगवानय ॥०॥



यनय मे ज़ोनुम छु लोल सौरुय,  
लोलुय छे मॉज तय लोलुय छु मोलुय।  
मे फोल यि कुसमथ अमि लोलु गाशय॥  
करार कूत आम हा भगवानय॥०॥

यनय चे लोत पॉठ्य कनुतॅल्य वोनथम,  
छुम मज़ु भूगुन प्रथ कर्म भूगस।  
मे वछि वॉलिंजि हलम चे दोरुमय॥  
करार कूत आम हा भगवानय॥०॥

बॅखती येम्य चॉन्य अभिमान त्रोवुय,  
तॅमिय संसारुक हा सु सॉर प्रोवुय।  
यनु “बिमन” ग्वरुसुय नावस पान पुशुरनय॥  
करार कूत आम हा भगवानय॥०॥

यनय चु ऑहम मे यथ मनस मंज़।  
करार कूत आम हा भगवानय॥



## हा दयावान् म्यानि भगवानय

सोरुय रोटमुत छुय अथन मंज पानय,

हा दयावान् म्यानि भगवानय ।

चानि लोलु पान कुत्य छि मारानय ॥

हा दयावान् म्यानि भगवानय ॥०॥

क्याज़ि छुम वॅकत्य वॅकत्य अकोतुय मे गोमुत,

येनि बदल तथ छुम वोनुन रल्योमुत ।

चु मा छुख सीरन निशि अन्ज़ानय ॥

हा दयावान् म्यानि भगवानय ॥०॥

चूरि छेपि कोताह म्वखतय जस्चोमय,

पन छ्च्योन म्वखतु मालि म्वखतु पॅकत्य हरेमय ।

मालन किथु जरय छसय बु अन्ज़ानय ॥

हा दयावान् म्यानि भगवानय ॥०॥

कावस वनेयोम छुख चु ह्योर खसानय,

म्योन लोल लालस कनन गछतु करानय ।

तॅम्य हा तोरु वोननम बुडुन हेछ पानय ॥

हा दयावान् म्यानि भगवानय ॥०॥



भक्ति भावु म्वखतु कुनुनि द्रायस बाज़रस,  
पतु पतु आम पय लोगुम ब्रमु वॉजी।  
चुय छुहम मे लोलस पोज़ खरीदारय॥  
हा दयावान म्यानि भगवानय॥०॥

च्यतु बोम्बरस छाम्बुर मे कासतम,  
दिहि अभिमानु निशि मेय ब्वन वालतम।  
कर्मस खुरय कांगुर चु कासानय॥  
हा दयावान म्यानि भगवानय॥०॥

पोज़ लोल युस बरान कुलि जहानस,  
प्रथु कॉन्सि फुलया यछान छुख बागस।  
तसहा छुख नखि डखि पानु रोज़ानय॥  
हा दयावान म्यानि भगवानय॥०॥

मतु वुछतु “बिमलायि” यथ प्रॉग्ग कुन,  
चुय छुख दयालू वुछतस हालस कुन।  
संतोषु सान थवतस ह्यस परिवारसय॥  
हा दयावान म्यानि भगवानय॥०॥



## तस ग्वरु दीवस छस पादन प्यवान

येम्य ग्वरु दीवन मे ब्रम चॅलरोवनम,  
तस ग्वरु दीवस छस पादन प्यवान ।  
सोपनु मॅन्ज्य येम्य मे म्वख पनुन होवनम ॥  
तस ग्वरु दीवस छस पादन प्यवान ॥०॥

वेहॅ नारस गासु नार दिवनोवनम,  
च्यथ करुनोवनम शिवसुन्द द्यान ।  
शिव सुन्ज्जन वतन पोश वथुरावनॉवनस ॥  
तस ग्वरु दीवस छस पादन प्यवान ॥०॥

सोपनु वति यी यी ज्ञान हेछिनॉवनस,  
प्रोखटुय ती पनुन दर्शुन करुनॉवनस ।  
द्यान करुन येम्य ज्ञॉनियन हेछिनॉवनस ॥  
तस ग्वरु दीवस छस पादन प्यवान ॥०॥

पादि कमलन तसुन्ध्यन छस नमानय,  
लोलु छेसस रत्नदीप आलुवानय ।  
सूहम शब्दुच येम्य मश्क लेखुनॉवस ॥  
तस ग्वरु दीवस छस पादन प्यवान ॥०॥



मनु मॅन्ज्य शिवनाथुन दर्शुन करुनॉवनस,

हॅटिस वासुक नॉल्य त्रे नेत्र ड्यकस।

बृष्भ, गौरी, गणेश, सुत्यू आसान यस॥

तस ग्वरु दीवस छस पादन प्यवान॥०॥

तंग ऑसुस ऑमुच संसॉर्य लोह लंगरस,

मरि अनिगटि मंज न्यबर वॅडनस।

बॅखत्यन युस रछान तल दामानस॥

तस ग्वरु दीवस छस पादन प्यवान॥०॥

मोह मायायि हुन्द मस छु छॅकानय,

मायायि मंज निरमाया लबानय।

युस ज्ञानुवान छुम टोठ भगवानस॥

तस ग्वरु दीवस छस पादन प्यवान॥०॥

रुत ओस “बिमलायि” क्याहताम कोरुमुत,

लोलु दर्शुन द्युतनस तवु रॉथ क्युथ।

हेछिनॉवनस हु कुस तु बु कुस येम्य॥

तस ग्वरु दीवस छस पादन प्यवान॥०॥



## तप कर सूहमस जप कर सूहमस

ह्योत मे लोलु वादा पनुनिस ग्वरु दीवस,  
मे वनतम बु किथु पॉठ्य तरय भवसरस ।  
वोनुनम सन्तनसुत्प न्यथ बेह समागमस ॥

तप कर सूहमस जप कर सूहमस ॥०॥

चु मतय थावतु कन लूकु हावु-बावस,  
लोलु शेछ सोजुम अथि वावस तु कावस ।  
व्रत चुति देंरिजि प्रथ पुणिम तय मावस ॥

तप कर सूहमस जप कर सूहमस ॥०॥

सुय नय छुय दूर छुय मंज जर्जु जरस,  
दुपु दीपु कनि प्राण आलुनावतु तस ।  
लोलु अशिवानि गोड द्युन न्यथ गछि तस ॥

तप कर सूहमस जप कर सूहमस ॥०॥

कडतन दीहि न्यबर गॅमुच यवसु छय भ्रमस,  
थावुन आवुर सुत्प सतस सतसंगस ।  
रंगनु यिख चु पानय शु कृष्ण रंगस ॥

तप कर सूहमस जप कर सूहमस ॥०॥



नॉल्य त्राव लोलु म्वख्तु मालु श्रु कृष्णस,

करुन याद प्रथ विजि मंज समागमस ।

परम शामस सुत्य सुती सूहमस ॥

तप कर सूहमस जप कर सूहमस ॥०॥

मोहँ निशि डालतम चु मंग ईशानस,

मदु प्यठु वालतम मंगु दयावानस ।

गाशि तारुख वुछान प्यठ आसमानस ॥

तप कर सूहमस जप कर सूहमस ॥०॥

यलु त्राव ज्ञानु नेत्र थव चु ठँहँरावस,

अछ दँलिस तल तस शरण गछ सॉमियस ।

“बिमय” दँलिथ नेरख यी चे आनन्द रस ॥

तप कर सूहमस जप कर सूहमस ॥०॥

ह्योत मे लोलु वादा पनुनिस ग्वरु दीवस,

मे वनतम बु किथु पॉठ्य तरय भवसरस ॥



## बब भगवानस ज़ारपार

बुछतु छी बबजी आमत्य, सॉरी, अज़ चोन दरबार ॥  
अनिगटु बॅखत्यन कास दितु व्वन्य असि भवुसरु तार ॥०॥

वावस नाव छि लॅजिमुच बोट लाग रजि रठतु चार ॥  
अनिगटु बॅखत्यन कास दितु व्वन्य असि भवुसरु तार ॥०॥

चुय छुख नखि डखि गाशु तारुख तय वतु हावुख ॥  
अॅस्य छि वतिप्यठ पेमुत्य अथ कथि करसा चुय व्यचार ॥  
अनिगटु बॅखत्यन कास दितु व्वन्य असि भवुसरु तार ॥०॥

नाद छिय करान लोलु फॅर्ययाद ज़ॉरी कन चुय दार,  
अॅस्य छिय आमत्य छॅकरावनय यीतनय सोन आर ॥  
म्वख हाव छुख चुय गमखार असि छु चोनुय इन्तिज़ार ॥  
अनिगटु बॅखत्यन कास दितु व्वन्य असि भवुसरु तार ॥०॥

तंबुलावान छि नफसुन्य बांबुर अॅसि दयि नाव मॅशरोव,  
ओन छुस असि प्योमुत मंज़ माँदानस नज़रा त्राव ॥  
लोत पौठ्य मेति अख ज़ीरा दितु व्वन्य करुम हुशियार ॥  
अनिगटु बॅखत्यन कास दितु व्वन्य असि भवुसरु तार ॥०॥



अँन्य छय “बिमला” बब जी हतु बजु वतु तस छय,  
थदि छस ज़ागान पतु पतु वासना मनि कामन।  
फँटमुच सँनिस कुरिस छसय चकि मंजय मे खार।।  
अनिगटु बँखत्यन कास दितु व्वन्य असि भवुसरु तार।।०।।



## आयसय शरण

श्रु गोपीनाथ बब भगवानय,  
आयिसय शरण परन प्यमय  
करतम दया दृष्टी कुनि वरय  
आयिसय शरण परन प्यमय।।०।।

छांडनि क्याज़ि फेरय गरु गरय,  
थफ वँरिथ चानतम बबु पनुन गरय।  
मुचरावतम यूग ज्ञानुक बरय।।  
आयिसय शरण परन प्यमय।।०।।

तोतु ज़न छुम अडुकोल मे गोमुत,  
जानानु छुम च़ेय सुत्य् म्यूलमुत।  
हैछिनावतम श्वज़र यूगीश्वरय।।

आयिसय शरण परन प्यमय।।०।।

मँशरावतम खारतु लोलस मे भाव ।  
वासना श्रूच करतम म्वख्तु जरय ॥  
आयिसय शरण परन प्यमय ॥० ॥

बबु म्याने चु छुख दया सागर,  
अवय वुजुनावतम लोलु आगर ।  
छुख सर्व शक्तिमान म्यानि ग्वरय ॥  
आयिसय शरण परन प्यमय ॥० ॥

छुख रछान पानय चुय बँखत्यन,  
सायि करान मंज त्रटन तु वुजुमलन ।  
कासतम ज्यनु मरुनुक्य अरुसरय ॥  
आयिसय शरण परन प्यमय ॥० ॥

करुनावुम श्रान यूग यारुबलय,  
छलुनावुम मल ज्ञानु यारुबलय ।  
च्वशवुन्य तरफन बास मे ग्वरु वरय ॥  
आयिसय शरण परन प्यमय ॥० ॥

बालु पानय चे निश ऑसुय यिवान,  
शुस्य भावय शीरिनि पॅल्यन प्रारान ।  
अनुग्रेहँ बनोंवथस बु निर्मलय ॥  
आयिसय शरण परन प्यमय ॥० ॥



येलि ओसुख रोज़ान चन्दपोरे,  
ऑस्य वातान चै निश दोरि दोरि।  
“बिमस” लोल आमुत यूग सागरय॥  
आयिसय शरण परन प्यमय॥०॥



## लगुहय बलायि गोपीनाथ

कुसू आम ज़ंगि तय वुछिनम साथ,  
लगुहय बलायि गोपीनाथ।  
लोलु बुथि कुस सना कस्यम कथबाथ॥  
लगुहय बलायि गोपीनाथ॥०॥

चैय मन लोगथम यात्रायन,  
व्वटि अकि वॉचुस बिन्द्राबन।  
गूपियन सुत्प गिन्दुवुन गोपीनाथ॥  
लगुहय बलायि गोपीनाथ॥०॥

नेषबोज़ि वुछमख येलि ब्रोंठुकने,  
तनय छसथ ललुवान मनु ख्वने।  
अकि लटि यियिहे बेयि सुय साथ॥  
लगुहय बलायि गोपीनाथ॥०॥

च्युतु वीतरिस अज्ज दुनन दिवथम,  
पनुन पान च़ेय ब्रौठुकनि ड्युँठुम ।  
च्यथ दूनिथ नँन्य कँडमय ज़ाथ ॥  
लगुहय बलायि गोपीनाथ ॥०॥

ग्वरु दीवु बेहतुसा मे निश अख साथ,  
लोल छुम गन्योमुत चुय दितम साथ ।  
चुय छुहम कृष्ण तय चुय शिवनाथ ॥  
लगुहय बलायि गोपीनाथ ॥०॥

बबजी रोटमुत छुमय दामानय,  
ज़गतस त्रोवुथ शीतल सायिबानय ।  
अथु रँटिथ वातुनावतम केदारनाथ ॥  
लगुहय बलायि गोपीनाथ ॥०॥

दोनि हुन्ज़ भस्महन मलुनॉवथस,  
म्वख होवथम स्वख प्रावनॉवथस ।  
वोनुथ 'बिमस' नँमिथ रोज़ चुय सातु साथ ॥  
लगुहय बलायि गोपीनाथ ॥०॥





## बबा दया कर बैखत्यन मुचर बर

बबा दया कर बैखत्यन मुचर बर। असि गछि य्वहय वर॥

बबा दया कर बैखत्यन मुचर बर॥०॥

युस करि चोन द्यान सुबुहन तु शामन,

युस बरि लय चान्यन शतु नामन॥

सुय बोलुनावुन हरी हर॥

बबा दया कर बैखत्यन मुचर बर॥०॥

वर्धन ममतायि हुन्द चटुनावतम,

ग्वरु स्मरणि अभ्यास करनावतम।

चुय छुख संत यूगीश्वर॥

बबा दया कर बैखत्यन मुचर बर॥०॥

मनुकिस ऑनस खय चॅलुरावतम,

सन्तोषुक फल मेति ख्यावनावतम।

बैखत्यन गछि य्वहय वर॥

बबा दया कर बैखत्यन मुचर बर॥०॥

स्वरूप आत्मुक मेति प्रज्ञनावतम,

मोहॅ नेन्दरि मंज मन वुजनावतम।

यिनु तय गछनुक्य कासुम अरुसर॥

बबा दया कर बैखत्यन मुचर बर॥०॥

कर्म कुलिनय हल्य छिम द्रामुत्य,

मुस्य छिम आमुत्य बैर्य बैरिथुय ।

मंगुनय यिथुना प्यनम पथर ॥

बबा दया कर बैखत्यन मुचर बर ॥०॥

शिरडी धामय ठँहराव कोरथम,

राम तु रहीम यिकुवट होवथम ।

चानि कृपायि अँस्य तरव भवसुर ॥

बबा दया कर बैखत्यन मुचर बर ॥०॥

काह वचन बोझहा कन दार्य दौरी,

लोलु पर चॉन्य वचन ओश हॉर्य हॉरी ।

छा खबर मोत कर कस्यम अकुय दुरु ॥

बबा दया कर बैखत्यन मुचर बर ॥०॥

द्यान पनुन करुनाव सुबहन तु शामन,

ओम साई, श्री साई परुनावतम ।

मरनु विजि युथँनसाँ द्यानु निशि व्यसुमर ॥

बबा दया कर बैखत्यन मुचर बर ॥०॥

सत संगस मंज पान बोडरावतम,

शिरडी धामुक लोल गँनिरावतम ।

बायजा माई हुंज बैखती बुति करु ॥

बबा दया कर बैखत्यन मुचर बर ॥०॥



कर्म धर्मुक ब्योल खबर करु मे वोवमुत,  
दयायि नज़रि शान्त शबनम त्रोवमत ।  
प्वख्तु लोल करतम 'बिमु' लागि म्वख्तु लर ॥  
बबा दया कर बँखत्पुन मुचर बर ॥० ॥



## लोत पॉट्य होवनम पनुनुय तीज़

मे मनु ग्वफायि कॅम्प रॅत्नदीप ज़ोलुनम,  
लोत पॉट्य होवनम पनुनुय तीज़ ।  
मन अज्ञान तय हूध ज़ोलमय ॥  
लोत पॉट्य होवनम पनुनुय तीज़ ॥० ॥

दुय तय दोगन्यार सोरुय होरनम,  
स्वख तय सम्पदायि मुर बोरनम ।  
कमि हीतु लोलु वर्शुन माजि कोरनम ॥  
लोत पॉट्य होवनम पनुनुय तीज़ ॥० ॥

हृदयस मंज़ बसुवुन रुफ होवनम,  
पापन तु शापन नाश कोरनम ।  
असुवुन तु गिन्दुवुन म्वख तॅम्प होवनम ॥  
लोत पॉट्य होवनम पनुनुय तीज़ ॥० ॥

नखु रोटिथ लोलुच वथ होवनम,  
दरिद्रस मनु द्वखस नाश कोरनम ।  
लक्ष्मी नारायण क्षीर सागर होवनम ॥  
लोत पॉट्य होवनम पनुनुय तीज़ ॥०॥

धाराणयि मंज़ ध्यान तमि दारनोवनम,  
सत् व्यचार मनुसुय व्वतलोवनम ।  
साक्षात्कार शिवस सूत्य् करुनोवनम ॥  
लोत पॉट्य होवनम पनुनुय तीज़ ॥०॥

मन पानस अँन्ध् अँन्ध् गथ करुनोवनम,  
येन्द्रेय शेरन शुमार ह्योतनम ।  
लरि लरि पॉविथ शोमुरॉविथ ॥  
लोत पॉट्य होवनम पनुनुय तीज़ ॥०॥

ज़ीठिस मँन्ज़िलस वथ छोटुरॉवनम,  
गटु ज़ोल तय अन्धकार तमि कोसनम ।  
मायि हचि माजि लोलु ओश वथुरोवनम ॥  
लोत पॉट्य होवनम पनुनुय तीज़ ॥०॥

कहुन्य कटुकाल जामु नालु कँडिनम,  
व्वज़ुली जामु ज़रकॉर्य लॉगिनम ।  
राधा कृष्णुन रास हेछिनोवनम ॥  
लोत पॉट्य होवनम पनुनुय तीज़ ॥०॥



जयनु मरनुकुय फ्रटु फ्रट कोडनम,  
त्रेशवय मल अभिमानुक्य हॅरिनम।  
सर्व आनन्द तु मंगल “बिमस” होवनम॥  
लोत पॉक्य होवनम पनुनुय तीज़॥०॥



## म्योन यितय सालय सालय लो

चे छय मॉज म्यॉन्न् द्रुय,म्योन यितु सालय।  
बु हय बरय खिर खंडु थालय लो।  
नॉल्प् तति लागय व्वज़ुजि पोशि मालय॥  
म्योन यितय सालय,सालय लो॥०॥

तुलमुलि बिहिथ छखय वुछतु कमि हालय,  
बॅखत्प तूर्य वातान लोलु चानि छिय।  
अष्ट कूनु नागस बावय दूदु प्यालय॥  
म्योन यितय सालय,सालय लो॥०॥

लोल सख छु आमुत,होल गोमय जिगरस,  
नाग चोन लिवुहा तुलिमुलि बुय।  
किशमिश कन्दु मूल ख्यावथ लोलु बावय॥  
म्योन यितय सालय,सालय लो॥०॥

शुस्य बाँच चोन्च चय निश छ्येनु गोमुत्य,  
च्वन तरफन तिमय छँकरुनु आमुत्य।  
अडुकजि ज़बॉन्च छिय दिवान नालय॥  
म्योन यितय सालय,सालय लो॥०॥

चुय छख आदि तय अन्त मौज पानय,  
चुय व्वलुसनस अनान छिहन शिवनाथ।  
बोज़तु सोन ज़ारपार हालि दिल हय बावय॥  
म्योन यितय सालय,सालय लो॥०॥

छख कुच तीज़वान ही जगत माता,  
प्रज़लान ज़ोतान सेन्द्रि रंगुरूप चोन।  
अन्न-धन बँखत्यन बाँगरान पानय॥  
म्योन यितय सालय,सालय लो॥०॥

असि चोन आसुर चय सोन नख डोख,  
असि बोज़ पँगरियाद कास साँरुय व्याद।  
नादन “बिमस” कन दार में लाग डलकावय॥  
म्योन यितय सालय,सालय लो॥०॥





## वर्शुन कोरनम पनुनि लोलु सुत्य्

यॅचकॉल्य् मातायि दर्शुन द्युतनम,

वर्शुन कोरनम पनुनि लोलु सुत्य्।

मेति व्वन्य् दासा गॅन्ज़रुन ह्योतनम॥

वर्शुन कोरनम पनुनि लोलु सुत्य्॥०॥

भक्ति भावुच लय तमिय करुनॉवनम,

लक्ष्मी, सरस्वती हुन्द द्यान करुनोवनम।

मन तिथु शिवु शम्भू बोलुनोवनम॥

वर्शुन कोरनम पनुनि लोलु सुत्य्॥०॥

लोलु साज़ सेतारु कनव बोज़ुनोवनम,

शिव शिव शिवु नाद बोज़ुनोवनम।

अमि हीतु लोलु सत्संत बोज़ुनोवनम॥

वर्शुन कोरनम पनुनि लोलु सुत्य्॥०॥

मनस मंज़ कैलास कोह हावुनोवनम,

तति शिव पार्वती हुन्द वास होवनम।

नन्दी, गुवनु सुत्य् मन शोलुनोवनम॥

वर्शुन कोरनम पनुनि लोलु सत्य्॥०॥

सतुकुय गाश ध्यथ चनुनोवनम,  
डोलुमुत सत व्यचार फीरिथ ओननम।  
शिवनाथुन्य पाद थरि थावुनोवनिय॥  
वर्शुन कोरनम पनुनि लोलु सुत्य॥०॥

बम बम भोले मनु बोलुनोवुथम,  
डम डम डमरु वायिनोवनम।  
भावु रंगु चरुचन बोश अनुनोवनम॥  
वर्शुन कोरनम पनुनि लोलु सुत्य॥०॥

शिव शक्ति रूपस मंज दर्शुन द्युतनम,  
गुत्य गॅन्डिथ रुजुस दया करतम।  
पूजा करान तस त्रेशवुय जगत हॉविनम॥  
वर्शुन कोरनम पनुनि लोलु सुत्य॥०॥

अष्टादश बुजा वुछुम बतु बॉगरान,  
शिवनाथ तस वनान अन्नपूर्णा।  
पार्वती नावुक ध्यान दारनोवनम॥  
वर्शुन कोरनम पनुनि लोलु सुत्य॥०॥

सादु भावा मंज रोजुन वोननम,  
नाद बूजिथ कन दिथ तथ रोजुन।  
लोलु रेहँ सुत्य “बिमस” अज्ञान ज़ोलुनम॥  
वर्शुन कोरनम पनुनि लोलु सुत्य॥०॥



## आयिसय येलि येलि बेक्षाये

आयिसय बु येलि येलि चे बेक्षाये,  
चे माँजी नु तेलि तेलि खॉली सूज़थस  
यि छा शूबान वोरु तोन वरुतुन ।  
पनुन्यन शुस्यन सुत्य जगत माताये  
बु आयिसय येलि येलि बेक्षाये ॥०॥

आयम काँत्याह खुर्य कर्मलॉनिस,  
प्रथ रंगय माँजी मन्दछावुन आयस ।  
काँत्याह शाफ तय पाफ व्वतल्याये ॥  
बु आयिसय येलि येलि बेक्षाये ॥०॥

वनय माँज कोताह मेति चोलुम,  
सु मा ओस मे ताम यी भूगुम ।  
फेशलस तय फ्रुचिस माँज तूजहस येतिये ॥  
बु आयिसय येलि येलि बेक्षाये ॥०॥

ऑसथम ओरय खॉल्य ख्वन सूज़मुच,  
अवलादु सथ माँज नय जांह सूरमुच ।  
छुम लोलु ग्रेकि वछस दोद वोथुमुतये ॥  
बु आयिसय येलि येलि बेक्षाये ॥०॥

दम-फुट्छ छस मॉज गॉमुच अँन्दरी,  
किथु चाख दिमु सीनस हावय नेबरी।  
दामानु त्रोवुम नु चानि आशाये॥

बु आयिसय येलि येलि बेक्षाये॥०॥

यि माजि लोलु होल चूरि ललुवुम,  
कॉन्सि नय बोवुम वठ कोरनम।  
कुनिरस मॉज्य करतु अथुरोट मेतिये॥

बु आयिसय येलि येलि बेक्षाये॥०॥

वनय कोताह मॉज पनुन गुदरुन,  
लूख प्रारान आसान छिमहय हीतन।  
ह्यन सुतायि कुच अँगनि परीक्षाये॥

बु आयिसय येलि येलि बेक्षाये॥०॥

चु छख जगत अम्बा म्यॉनी मॉजी,  
क्याजि छखनु वॉस्य दिवान मे बुति बनु मॉजी।  
“बिमलायि” अदु हान चलि जिन्दु पानये॥

बु आयिसय येलि येलि बेक्षाये॥०॥





## यि रिशतु मा गव व्वन्य् प्रानि प्रोन्युय

मे कूत काल गव व्वन्य् चै प्रारान मॉजय ।

वुछान छसय थलि थलि हय चै मॉजय ।

यि रिशतु मा गव व्वन्य् प्रानि प्रोन्युय ।

दितम लोलस दाद मे व्वन्य् मॉजय ॥

मे कूत काल गव व्वन्य् चै प्रारान मॉजय ॥०॥

छेलिम छोकिम त्रेशवुय बॉनु मलुकिय,

सु काम हूध मोह पथकुन हय त्रोवुम ।

ह्यमथ वॅरिथ ब्रौह पकुन मे ह्योतमय ।

दितम अछन गाश पनुन मे मॉजय ॥

मे कूत काल गव व्वन्य् चै प्रारान मॉजय ॥०॥

गाहे बुलावान छख वैष्णव माता ।

गाहे बुलावान छख बावे माता ।

पनुन गरु द्वहॅदिश छॅहम बुलावान ।

मे निशिति यितु व्वन्य् अख राथ मॉजय ॥

मे कूत काल गव व्वन्य् चै प्रारान मॉजय ॥०॥

चुय छख अम्बा चु छख दुर्गा,

चुय छख कॉली चुय पानय रॉगिन्या ।

चुय छख मे अन्दर बिहिथ बिन्दा

तुल पर्द थोद अज़ म्वख हाव मॉजय ॥

मे कूत काल गव व्वन्य् चै प्रारान मॉजय ॥०॥

च छख पायि बँड ही जगतच मौँजय।

छुनु कांह दोयुम च़ेय ह्यवुय मौँजय।

जुचु चानि च्वन तरफन गाह त्रावान।

अनिगोट व्वन्य पानु कासतम मे मौँजय॥

मे कूत काल गव व्वन्य च़े प्रारान मौँजय॥०॥

गछान चुय मेहरबान छख पनुन्यन बँखत्यन।

यिम अकि लटि चोनुय दामानु रटुनय।

“बिमन” तँथ्य दामानस थफ कँरनुय।

लोलु सोज़ बोज़नाव कनव व्वन्य मौँजय॥

मे कूत काल गव व्वन्य च़े प्रारान मौँजय॥०॥



## यँचकॉल्य सु आव गरु म्योन

यँचकॉल्य सु आव गरु म्योन,

खबर येति ठँहराव करिमा।

सखरुन छु मेति लोलु सान।

प्रुछ्यतोस त्युथ ख्याल छुसा॥

यँचकॉल्य सु आव गरु म्योन॥०॥



होखुमुत ओसुम लोलु बाग,  
ओन्द पोख सोरुय वडदार।  
लोलु चूर चूर तथ दी मा।  
सब्जु सब्जार फेरिमा॥

यँचकॉल्य सु आव गरु म्योन॥०॥

पेमुत्य छिम वँथुर पथर,  
ग्वलाब थरिनय छेनेमुत्य।  
मुश्क सोरुय चोलुमुत।  
कन्द्यन ग्वलाब फोलुरिमा॥

यँचकॉल्य सु आव गरु म्योन॥०॥

भावु ही मसवल शोंगिथ,  
नेन्दुर गोब ज़न छख पेमुच।  
ज़ेरि अकि खबर वुज़िनाविमा।  
वुछतोस त्युथ ख्याल छुसमा॥

यँचकॉल्य सु आव गरु म्योन॥०॥

भावु कोस्तूर नचनि लोगुम,  
हिकचि करनि यँम्बुरज़लि सुत्य।  
थदि थदि वनुवुन हैयिमा।  
हेन्जेहस कन सु दारिमा॥

यँचकॉल्य सु आव गरु म्योन॥०॥

सियाह सियाह सियाह,

बागस चवापौर्य ओसुम।

सियाहस सेन्दरि रंग दीमा।

खबर त्युथ नूर हाविमा।।

यँचकॉल्य सु आव गरु म्योन।।०।।

प्रारान रुज़ुसस वुम्बरे,

द्वहय अज़ पगाह कोरुनम।

मेति अज़ लोलु बेडि छुनिमा।

न कारुस व्यस्तार छुसमा।।

यँचकॉल्य सु आव गरु म्योन।।०।।

सुबहस दिगरुन तु शबस,

रातस नबस ति ज़ोगमस।

गिन्दनि “बिमु” द्रायि तारक नबस।

तसु आबताब रुद मा।।

यँचकॉल्य सु आव गरु म्योन।।०।।





Gandhi Memorial College of Education Bantalah Jammu  
श्री राम युथ नसॉ म्योन रटख मलालु

श्री राम युथ नसॉ म्योन रटख मलालु,

यिहा ओस त्रिया चरित्रुक बवाल।

येम्य नु ज़ोन चुय छुख पानु ज़गिपाल॥

श्री राम युथ नसॉ म्योन रटख मलालु॥०॥

कैकेई माजि म्यानि ब्बद गँयि हॉरिथ,

दशरथ राजस गँयि प्राणन पॅरिथ

स्व हा ऑस दीवन हुंज अख चाल॥

श्री राम युथ नसॉ म्योन रटख मलालु॥०॥

दीवव ज़ारुपारु कोर सरस्वती,

कैकेई माजे हरतु बुधी।

मन्दुबुधी मंथरायि गिन्ज़ुनय स्व चालु॥

श्री राम युथ नसॉ म्योन रटख मलालु॥०॥

दीवता पानु ऑसिस ज़ानान,

आमुत छु ज़न्मस पानु भगवान।

हरनि आमुत कष्टन सु पानु रक्षिपाल॥

श्री राम युथ नसॉ म्योन रटख मलालु॥०॥

येम्य ज़ोन छुख चुय पानु नारान ।

मे ना गछि राज, ध्यानस रोज़ुम दीनदयाल ॥

श्री राम युथ नसॉ म्योन रटख मलालु ॥०॥

क्याज़ि ज़ास कैकेई माजे बो नारान ,

येमि नु ज़ोन छुख चुय विष्णु राम ।

भक्ति बावय नॉल्य़ त्रावय म्वख़्तु मालु ॥

श्री राम युथ नसॉ म्योन रटख मलालु ॥०॥

संतोषि स्वख यी “बिमस” येलि यिख दुबारु,

भूगुन यि ओसुम भूगुनोवथस ।

लूभ डमबु के व्वदरु कैकेई ओन ज़वालु ॥

श्री राम युथ नसॉ म्योन रटख मलालु ॥०॥



## वेसिये लालु आमय बेयि दुबारु

गोसु गिलु त्रॉविथ पोत नज़र दिचुन वारु,

वेसिये लालु आमय बेयि दुबारु..

मे हय आव लोलुबागस बेयि बहारु ॥

वेसिये लालु आमय बेयि दुबारु ॥०॥



अछि पोश शरि लागिमस हय वारु वारु,  
 टारि तस खँतिम तय वारु थँवनस।  
 दतुरय पोशस ति रंग खोतु येमि बहारु।,  
 वेसिये लालु आमय बेयि दुबारु॥०॥

कुमुद पोशक्य पौढ्य फोलुरोवनस बु वारु,  
 नतु कति फवलुहा गँमुच ओसुस बु बरु।  
 थरु थरु कौसुनम वाव रोदुन म्वछि अंदरु॥  
 वेसिये लालु आमय बेयि दुबारु॥०॥

वोनमस कनस तल चुय बालु यारु,  
 चारु करतु म्योनय म्यानि दिलदारु।  
 कौसिनम यितु गछकी मेय अरुसरु॥  
 वेसिये लालु आमय बेयि दुबारु॥०॥

ज्ञानु यूग लँर ओसुम गँमुच वुजारु,  
 दारि बर नविसरु हय गँस्यनम।  
 ओगनुय लोल दोगुनोवनम वारुकारु॥  
 वेसिये लालु आमय बेयि दुबारु॥०॥

दुबराय हय गँयम येलि लालु आम गरु,  
 वूननम मोह जाल आत्म व्यचारु सुत्पु।  
 तँम्यहय वुरनौवनस नवि सरु म्वख्तु लरु॥  
 वेसिये लालु आमय बेयि दुबारु॥०॥

वपसाधि वासुजाधि हय कौसुनस आवाह  
दूर कोहव चॅल्य चॅल्य बु पॅतय लारान ।

छूट छूट कौसुन “बिमस” तॅर अदु भवुसर ॥

वेसिये लाल आमय बेयि दुबार ॥०॥



## सु म्योन बोज़िहे छेसस सवाॅली

बु लालस बरुहा लोलु मसु प्यौली ।

सु म्योन बोज़िहे छेसस सवाॅली ॥

बु वतन वथुरहस हय अँछर वाॅली ।

सु म्योन बोज़िहे छेसस सवाॅली ॥

बु लालस बरुहा लोलु मसु प्यौली ॥०॥

सु थॅज़रय प्यठु अख नज़र करिहेम ।

नॅहविथ छुनिहेम हॅल्य अछर साॅरी ॥

बु वतन वथुरहस पोशु गुलाॅली ।

सु म्योन बोज़िहे छेसस सवाॅली ॥

बु लालस बरुहा लोलु मसु प्यौली ॥०॥



फोलुरीवनम तमिय लालु गुलाब रंगय ।

बु चॉवनस सुय ज़नतु चैयम बंगय ।

बु लोलु आपुर तस किशमिश तु खॉली ।

सु म्योन बोज़िहे छेसस सवॉली ॥

बु लालस बरुहा लोलु मसु प्याँली ॥०॥

सु रोज़िहेम अँन्दुर्य तय नेबुर्य सुत्प ।

मनु वारि फवलुहन पोश मेय कृत्प ॥

बु भाव फोलमुत म्वख्तु लागस नॉली ।

सु म्योन बोज़िहे छेसस सवॉली ॥

बु लालस बरुहा लोलु मसु प्याँली ॥०॥

सु चथ कडिहेम नँव्य साक्षात्कारी कँरिथ,

मे गिन्दान गिन्दान गुज़रुहन दोह सॉरी ।

तु यूग ज्ञानकी बानु फुटनुहम सॉरी ॥

सु म्योन बोज़िहे छेसस सवॉली ॥

बु लालस बरुहा लोलु मसु प्याँली ॥०॥

मे छम गॉमुच किताब वर्कु वर्कय,

बु क्याह ह्यथ गछस छिम अथु ज़ुय खॉली ।

छे “बिमस” सुत्प बस यँहय लोलु डॉली ॥

सु म्योन बोज़िहे छेसस सवॉली ॥

बु लालस बरुहा लोलु मसु प्याँली ॥०॥



## जय श्रु रामोय

हतय वेसिये राम गरु आमोय,  
श्रु राम गरु आमोय ।  
वतन बु पोश वथरावसोय - - - -  
जय श्रु रामोय

लोलु बागस सब्जार द्रामय  
सब्जार द्रामोय  
पोशि थरुचन पोश छावुनि आमोय ——— - -  
जय श्रु रामोय

कौशल्या यि राजु पोत्र ज़ामोय  
राजु पोत्र ज़ामोय  
पालुनि मॅर्यादा वनवास द्रामोय - - - - -  
जय श्रु रामोय

अवधपुरी प्यठु श्रु राम आमोय  
श्रु राम आमोय  
जनकपुरी प्यठु सीता ह्यथ द्रामोय- - - - -  
जय श्रु रामोय



परशुराम अहंकार ज़ोलनसय  
अहंकार ज़ोलनसय  
राज़ ज़नकन लोला बोरनसय- - - - -  
जय श्रु रामॉय

ऋषेण तु मुनियन द्वख हरनि ज़ामय  
द्वख हरनि ज़ामय  
अहिल्यायि शाफ कौंसिथ द्रामॉय - - - - -  
जय श्रु रामॉय

भवसर तारुनि तैपीश्वरन आमॉय  
तैपीश्वरन आमॉय  
राक्षस दुथ असुर मौरिथ द्रामॉय- - - - -  
जय श्रु रामॉय

जगतुच पालना करने आमय,  
पालना करने आमय  
पवनु पौत्रस वरदान दिथ द्रामय- - - - -  
जय श्रु रामॉय

वेषय भूग तृप्ती दिनि आमय,  
तृप्ती दिनि आमय।  
पदमु पादन नेथुरुय वथरावसय- - - - -  
जय श्रु रामॉय

राम गरु आमय

‘बिमु’ वतन चेश्मु वथुरावसय

जय श्रु रामाँय

हतय वेसिये राम गरु आमाँय,

श्रु राम गरु आमाँय ।

वतन बु पोश वथुरावसाँय - - - -

जय श्रु रामाँय



## त्वहि मा साँ श्याम लालय वुछवोन

मोहन मोहन मीरा दिवन छे नालय,

त्वहि मा साँ श्याम लालय वुछवोन ।

यस कोरमुत छुम दिल मे हवालय ॥

त्वहि मा साँ श्याम लालय वुछवोन

मोहन मोहन मीरा दिवन छे नालय ॥०॥

युसहा काँदखानस अंदर ज़ावुय,

वसुदीवन नन्दु गोस्चुन वातनोवुय ।

यस जसुदा आपुरान थनि प्यालय ॥

त्वहि मा साँ श्याम लालय वुछवोन

मोहन मोहन मीरा दिवन छे नालय ॥०॥



येम्य हा तबुलाव्य मथरायि गूर्य बालक,  
तिमय गूर्य बालक मेथुर बनोंविन।  
युसहा लोलु छुम चवान द्वदु प्यालय॥  
त्वहि मा सॉ श्याम लालय वुछवोन  
मोहन मोहन मीरा दिवन छे नालय॥०॥

युस हा गूपियन सुत्य् रास छु गिन्दानय  
अन्जस तु मंजस राधायि सुत्य्।  
यस पथ गूपियि गयि दीवानय॥  
त्वहि मा सॉ श्याम लालय वुछवोन  
मोहन मोहन मीरा दिवन छे नालय॥०॥

युस हा वरनि द्राव रखुमनि पानय,  
तस मेघुरूपु श्यामु वर्ण हा छुम।  
मेहा प्रेयमु रसय बॅरिथ छिस प्यालय॥  
त्वहि मा सॉ श्याम लालय वुछवोन  
मोहन मोहन मीरा दिवन छे नालय॥०॥

राजु साणन सूजनम सर्फु पिटारय,  
यि जॉनिथ जि सरुफ कालय बन्यम।  
येम्यहा सर्फन बनोंवुम पोशि मालय॥  
त्वहि मा सॉ श्याम लालय वुछवोन  
मोहन मोहन मीरा दिवन छे नालय॥०॥

राजु साणिन सृजनम ज़हरु प्यालय,

सु न्यूम कृष्णन छुनुनम दारिथ ।

ज़हरस बनोवुन अमर्यतु प्यालय ॥

त्वहि मा साँ श्याम लालय वुछवोन

मोहन मोहन मीरा दिवन छे नालय ॥०॥

छय “बिमला” दिवान हे कृष्ण नालय,

संसारुक्य मे भ्रम ब्रॉन्त्य कासतम ।

भवसरु तारुनुक चु करनावतारय ॥

त्वहि मा साँ श्याम लालय वुछवोन

मोहन मोहन मीरा दिवन छे नालय ॥०॥



## मारुमते मे लोल आम

बालु वनतम छुख चु कते,

मारुमते मे लोल आम ।

यारु रटुहथ नालुमते ॥

मारुमते मे लोल आम

बाल वनतम छुख चु कते ॥०॥



वावन वोनुम छुख चुय वते,

बुथि द्रायसय नयसुफ रॉच ।

पीरि दस्तुगीरय यितम अथे ॥

मारुमते मे लोल आम

बालु वनतम छुख चु कते ॥० ॥

छसथ छान्डान निगीनु वते,

डल झीलस पय ह्योतमय ।

कोह सारव वोनुहम छुनु सु कते ॥

मारुमते मे लोल आम

बाल वनतम छुख चु कते ॥० ॥

पोज़ अपुज़ वॅरिथ गरि बो द्रायस,

मायि चाने हा दिलबरो ।

युथना लोल लोस्यम अडवते ॥

मारुमते मे लोल आम

बाल वनतम छुख चु कते ॥० ॥

द्रुय च़ेय छय पनुनि कुनिरुची,

कासतम गटुज़ोल मेय ।

हावतम दीदार मनु वते ॥

मारुमते मे लोल आम

बाल वनतम छुख चु कते ॥० ॥

छुमा लोलस पुन्धयन जोश,

बेयि ह्यसय होश पुर जोश।

लोलु जाम चावतम ल्वति ल्वते॥

मारुमते मे लोल आम

बाल वनतम छुख चु कते॥०॥

फोलुरावतम च्युतुकुय बाग,

छावनावतम ज्ञानु पोश।

सोन्तु फुलय हावुम वति वते॥

मारुमते मे लोल आम

बाल वनतम छुख चु कते॥०॥

छसया गौमुच मस्तानय,

अस्तानय मे पय मौगुय।

“बिमु” आलुविही पान तते॥

मारुमते मे लोल आम

बालु वनतम छुख चु कते॥०॥





## बु छारुने नेरुहय तँथ्य वते

मे शामु वनतम छुख चु कते  
बु छारुने नेरुहय तँथ्य वते ।  
बु लालु रटथ व्वन्य नालुमते ॥  
बु छारुने नेरुहय तँथ्य वते ॥०॥

मे बूजुम चु छुहम बिन्द्राबनय,  
बु द्रायिसय लालो तिमन वतुनय ।  
चु वुछमख गिन्दान रास तते ॥  
बु छारुने नेरुहय तँथ्य वते ॥०॥

येलि बूजुम चु छुहम मथुराये,  
बु द्रायिसय सुत्य ह्यथ गूर्यबाये ।  
द्वद मँनदिथुय गुरुस आमो अथे ॥  
बु छारुने नेरुहय तँथ्य वते ॥०॥

येलि बूजुम चु छुहम गूकलय,  
वॉचुस तूर्य निर्मल निष्कलय ।  
आलुनोवमय पनुन पान चे तते ॥  
बु छारुने नेरुहय तँथ्य वते ॥०॥

गूर्य वारणस्य चोहम छुग छारिकाये,

वौचुस ननुवौरुय बु चानि माये ।

तोत द्वद चोम लोलु बस्तु खचु मेते ॥

बु छारुने नेरुहय तँथ्य वते ॥०॥

छारुन कूत छुहम हुते येते,

पाद लूसिम फेरान वति वते ।

येमि वांगुजि वारि मंज कडतम येते ॥

बु छारुने नेरुहय तँथ्य वते ॥०॥

छुम फोरमुत रागु चूर मेति येते,

दिम त्यागु वैरागुक दान मेति ।

प्रय बर “बिमस” ज्ञान प्रकाशि वते ॥

बु छारुने नेरुहय तँथ्य वते ॥०॥

मे शामु वनतम छुख चु कते

बु छारुने नेरुहय तँथ्य वते ।





## छसय प्रारान बु आरुहते

दुबारु यिखना मे मारुमते ॥०॥

छसय प्रारान बु आरुहते ।

चु द्राख सँती श्री रामुनि वते ॥

दुबारु यिखना मे मारुमते ॥०॥

मे राह क्याह ओसुम ती वनतम,

त्रॉवथस पथकुन बु नेन्द्रिहँचुय ।

चोपुम मछि माज़ हुते तु तते ॥

दुबारु यिखना मे मारुमते ॥०॥

छुम ताज़ु ताज़य अथन मे मंज़्य,

कपॉरुच पोरेय जुदॉयी पँज़ुय ।

छ्योन अथवास हो असि अडुवते ॥

दुबारु यिखना मे मारुमते ॥०॥

चु द्राख वनवास सुत्पु सुत्पु रामस,

रोदुथ चे दामानु पानु माजे ।

वनु तु सुय मीळ्य दियि कथ वते ॥

दुबारु यिखना मे मारुमते ॥०॥

पानु चैय ज़ोनुथ छे ज़गतमाता ।  
 पोकहख सुत्य सुत्य रँटिथ अथे ॥  
 दुबारु यिखना मे मारुमते ॥०॥

द्राखो चु त्रॉविथ पथकुन मे येते,  
 दिज़्यम मे शक्ती युथनु मन्दुछावुहम ।  
 ज़न्मुचि घटु कासतम मेति येते ॥  
 दुबारु यिखना मे मारुमते ॥०॥

युथनो चिकुचाव ल्वकुचारुक तम्बुलाव्यम,  
 युथनो समसॉरय भूग भ्रमुराव्यम ।  
 दिज़्यम व्रत सन्तोषुक मेति येते ॥  
 दुबारु यिखना मे मारुमते ॥०॥

द्राहम चु वनवास च्वदुहन वॅरियन,  
 ताबुय मे दिज़्यम सोर्यम यावुन ।  
 रसु रसु “बिमु” ति पकि चानि वते ॥  
 दुबारय यिखना मे मारुमते ॥०॥





# श्रु राम यि कथ व्वन्य पलि पावतम

मे अँन्दुस्य नेबुस्य ह्युवुय थवतम,  
श्रु राम यि कथ व्वन्य पलि पावतम।  
पाखन्दन बुथ मतु वुछनावतम॥

श्रु राम यि कथ व्वन्य पलि पावतम॥०॥

येति कौत्याह मेय मकार वुछिम,  
पाखन्दस अपजिस ललुवान वुछिम।  
अथ पाखन्दस व्वन्य बुथ नँहनावतम॥

श्रु राम यि कथ व्वन्य पलि पावतम॥०॥

नेबुर्य किन्य अपुज जाल वोनान छिय,  
अँन्दुर्य कपटु मेकराज वायान छिय।  
अमि कपटु निशि मन दूर थावतम॥

श्रु राम यि कथ व्वन्य पलि पावतम॥०॥

कम रंग संसार बदलान छुय,  
वावुचि ग्रायि त्राय बदलान छिय।  
यिथय् जामु नौल्य मतु त्राय लागुनावतम॥

श्रु राम यि कथ व्वन्य पलि पावतम॥०॥

मन्थरायि हिंशि क्वबजि निशि मेति रछतम,

शिबरी हुन्द पोज़ शोद लोलाह दितम ।

कमज़ोर ब्वदि कैकेई मतु मन्दुछावतम ॥

श्रु राम यि कथ व्वन्य पलि पावतम ॥०॥

गाटुलिस पानस मतु गाटु पावतम,

गाटय प्यनु लगुनम बानन वाठुय ।

वाटु लद् बानु नविसरु थुरतम ॥

श्रु राम यि कथ व्वन्य पलि पावतम ॥०॥

गोन्डनम अज्ञानु नार रुमन रुमन,

रेह खँचमो हेरि ह्योर छमनु शमन ।

अथ मोहस मदस लुरपार करतम ॥

श्रु राम यि कथ व्वन्य पलि पावतम ॥०॥

मनु मंज़लिस मंज़ चुय बिहिथ रोज़तम,

ओमकार शब्दुक आकार भासतम ।

“बिमलायि” ज़न क्वबजायि पाप कासतम ॥

श्रु राम यि कथ व्वन्य पलि पावतम ॥०॥





## चेय म्यानि सीरुच छय खबर

म्यानि साहिबु क्याह वनय खबर अतर,

चेय म्यानि सीरुच छय खबर।

छुम पेमुच दलि जिगरस तबर॥

चेय म्यानि सीरुच छय खबर॥०॥

व्वन्य मे वनतम कूताह करु सबर,

छुम मे गोमुत ज़ेरस ज़बर।

छुम सेद्यन हर्फन गोमुत वर हजर॥

चेय म्यानि सीरुच छय खबर॥०॥

छस आवलुन्यन मंज़ ह्यनु ऑमुच,

कूत्य वावलुन्य छिम बुनि चालुन्य।

अथु रँटिथुय कडुतम व्वन्य मेय न्यबर॥

चेय म्यानि सीरुच छय खबर॥०॥

छुख चु सान्यन सीरन सरपोश,

थवतम पूरन ह्यस तय होश।

म बनाव गँब छस शेरे बबर॥

चेय म्यानि सीरुच छय खबर॥०॥

छम मन ओईतु मात्व गोमुत

छुस लँजमुच च्वपॉरी खय ।

मान्जुनावुतम लोलु सुत्यन नतु छसय दरबदर ॥

चेय म्यानि सीरुच छय खबर ॥०॥

अटि खँत्यमुत्य छिम कर्मन्य बॉस्य,

नट मंज छिम तिम कँडुन्य न्यबर ।

छम तम्बलावान नफसुन्य बम्बुर ॥

चेय म्यानि सीरुच छय खबर ॥०॥

स्यठाह काल वोतुम मे प्रारान,

मुचुरतम बरन्यन व्वन्य तॉस्य ।

व्वन्य कडुन 'बिमु' हँरिथ मलु न्यबर ॥

चे म्यानि सीरुच छय खबर ॥०॥



## अज्ञान यनय बूजुम कनय

अज्ञान यनय बूजुम कनय ।

कनव बूजुम अल्लाह अल्लाह ॥

कलाह छम तनय रुमन रुमन ।

बस चोनुय लोल म्यानि अल्लाह ॥

अज्ञान यनय बूजुम कनय ॥०॥



Gandhi Memorial College of Education Bantalab Jammu  
येलि ओसुस बु माजि शिकमस अन्दर ।

सु कुस ओस येमि थँवुनम नज़र ॥

खोचान येलि ओसुस अनिगोटिस ।

कुस ओसुम हावान नूरे अल्लाह ॥

अज़ान यनय बूज़ुम कनय ॥०॥

मे येलि ओसुम ब्वछि लगानय ।

कुस ओसुम चावान दूद दामाह ॥

कुस ओसुम चावान त्रैशगोलाह ।

मे सुय वनतम म्यानि रसूले अल्लाह ॥

अज़ान यनय बूज़ुम कनय ॥०॥

कॉत्याह व्वलगतुन्य् अँन्दुर्य लँगिम ।

कॉत्याह हुठ्य तु ज़ीठ्य सफर वुछिम ॥

क्ववत दिचँ कँम्प तस माजि म्याने ।

वुठन प्यठ ओसुस बस बिसमल्लाह ॥

अज़ान यनय बूज़ुम कनय ॥०॥

बु येलि ओसुस माजि शिकमस मंज़ुय ।

कॉत्यहन खाबन तौबीर तमि कोरुम ॥

कॉत्याह नाव सुबह शामु कॅरिनम ।

गाहे 'रसूल' गाहे 'हवा' ॥

अज़ान यनय बूज़ुम कनय ॥०॥

बुधेलि ओसुस माजि रत्ननि अन्दर ।

रोटनस वछस सुत्प द्युतनम दामा ॥

मुदय गॅन्डुम माजि बुथिस वुछिमस ।

नूरय नूर नूरे अल्लाह ॥

अज्ञान यनय बूजुम कनय ॥० ॥

कृत्याह तीर लॅगिमो मे सीनस ।

द्रायसुय छारुनि बो परदीनस ॥

ज्ञोनुम युसुय राम सुय अल्लाह ।

वल्लाह वल्लाह रसूल अल्लाह ॥

अज्ञान यनय बूजुम कनय ॥० ॥

करान युस छुख रहमतुच नज़र ।,

बखशान छुख तस स्यज़र पज़र ॥

कॅरुथ “बिमलायि” ति अख नज़र ॥

बिलाह परनोवथन अल्लाह अल्लाह ॥

अज्ञान यनय बूजुम कनय ॥० ॥





# मे सत्ग्वर पनुन गोछ मनस मंज आसुन

मे सत्ग्वर पनुन गोछ मनस मंज आसुन,  
 च्वर्पोर्य सुय मे बासुन सु द्वर्गत मे कासुन।  
 सु ग्वर गीता सार गोछुम बोझुनावुन॥

मे सत्ग्वर पनुन गोछ मनस मंज आसुन॥०॥

सुय म्योन साई राम सु पानय महेश्वर,  
 सु म्योन साईनाथ छुम पानय योगेश्वर।  
 सु म्योन मनु बुलबुल गोछुम बोलुनावुन॥

मे सत्ग्वर पनुन गोछ मनस मंज आसुन॥०॥

छु म्योन साई राम पानय वालमीकी जी,  
 छु म्योन साई राम पानय पनुन व्यास जी।  
 गोछुम सु श्री राम बीजु मन्त्र परुनावुन॥

मे सत्ग्वर पनुन गोछ मनस मंज आसुन॥०॥

खोद्व कर्म लॉनिस गोछुम नॅहनावुन,  
 बाँजीगर संसार पलि गोछुम मे पावुन।  
 कवछि मंज अछि पोश गोछुम फोलुरावुन॥

मे सत्ग्वर पनुन गोछ मनस मंज आसुन॥०॥

मे येलि आसि नेरुन येमि संभारय।  
मे ग्वर पनुन गोछ वनुन चु यिखनु दुबारय।  
मे अतगथ ज्यनु मरनुक गोछम कासुन॥

मे सत्ग्वर पनुन गोछ मनस मंज आसुन॥०॥

मे प्राण येलि दीहि मंज आसन नेरुवन्त्य,  
मे सत्ग्वर पनुन गोछुम सुत्य आसुन।  
मे यमलूक ग्वरु दर्बार गोछुम बासुन॥

मे सत्ग्वर पनुन गोछ मनस मंज आसुन॥०॥

सु चावुन गोछुम अमस्यतुकुय सरोवर,  
सु मुचरुन गोछुम ज्ञान भवनुक्य दारि बर।  
सु सन्तोषि स्वख “बिमलायि” गोछ दिवुनावुन॥

मे सत्ग्वर पनुन गोछ मनस मंज आसुन॥०॥



## सदा शिवस व्यनथ

ही सदा शिवो व्वन्य दया करतम,  
विलुजारन व्वन्य कन दारतम।  
हो हो ज़ारन व्वन्य कन दारतम॥  
मदु प्यठु पानय ब्वनकुन वालतम॥

विलुजारन व्वन्य कन दारतम॥०॥



जगतसि छुथ त्रिवर्मुत शीतल सायबानय,

अनुग्रेह छुखना अथ करानय ।

हो हो अनुग्रेह छुखना अथ करानय ॥

अनुग्रेह चोन कासि असि फिह तय गम ॥

विलुजारन व्वन्य कन दारतम ॥०॥

ताजदार तारुक छुख हा कॉलासय,

सुत्थ ह्यथ पार्वती पानय छय ।

हो हो सुत्थ ह्यथ पार्वती पानय छय ॥

गणीशस वाहन मूशक थावतम ॥

विलुजारन व्वन्य कन दारतम ॥०॥

ही शिव मे प्यठ दया व्वन्य करतम,

शिवु नाव जेवि प्यठ खारतम ।

हो हो शिवु नाव जेवि प्यठ खारतम ॥

पनुनि लोल स्मरनि भवसरु तारतम ॥

विलुजारन व्वन्य कन दारतम ॥०॥

ही शिवु पूजि कित्य व्यनु पोश चारुयो,

पादि कमलन पोशि वरशुन करयो ।

हो हो पादि कमलन पोशि वरशुन करयो ॥

“बिमस” व्वन्य दासा चुय गॅन्जरावतम ॥

विलुजारन व्वन्य कन दारतम ॥०॥

पालनां करुणुं तु द्रुयं कालं संहारं,  
बैखत्यन् पनुन्यन् रछान छुख द्रुय ।  
हो हो बैखत्यन् पनुन्यन् रछान छुख द्रुय ॥  
मेति व्वन्य् मुक्ती द्वार मुचरावतम ॥  
विलुङ्गारन व्वन्य् कन दारतम ॥०॥

जटन छय गंगा वसान जटादारो  
तने भस्मा चै मॅलिथ छुय ।  
हो हो तने भस्मा चै मॅलिथ छुय ॥  
हर म्वखु शिव शंकरो नोन बासतम ॥  
विलुङ्गारन व्वन्य् कन दारतम ॥०॥

खोट छुय सौरुय व्यवहार म्योन्य,  
पापन क्षमा करतम साँ ।  
हो हो पापन क्षमा करतम साँ ॥  
न्यरविकार, न्यर्मल, नेशबोद्ध थवतम ॥  
विलुङ्गारन व्वन्य् कन दारतम ॥०॥

ही सदा शिवो व्वन्य् दया करतम,  
विलुङ्गारन व्वन्य् कन दारतम ।





## शिवनाथस व्यन्थ

युस छु दीवन हुन्द बोड दीव पानय,  
सुय दयावानय छु सर्वशक्तिमानय ।  
युस छु कासान द्वख दौद्य बेयि हानय ॥  
सुय दयावानय छु सर्व शक्तिमानय ॥०॥

सु छु दीवन हुन्द बोड दीव पानय,  
कासान अज्ञान पनुन्यन बैखत्यनय ।  
छुख दया करान यिथ पानु सनिदानय ॥  
सुय दयावानय छु सर्व शक्तिमानय ॥०॥

छुख प्रेयमुचि वति सुय लागानय,  
पोज लोल सु प्रजुनावानय छुय ।  
येम्य छुय रोटमुत नन्दीगण पानय ॥  
सुय दयावानय छु सर्व शक्तिमानय ॥०॥

डेकि छुस चॅन्द्रमु क्याह शूभानय,  
नौल्य छुस वासुक क्याह लूभुवन ।  
अथस क्यथ डमरु छुस वज्ञानय ॥  
सुय दयावानय छु सर्व शक्तिमानय ॥०॥

ख्वनि मंज सेद्धिदाता गणेशय छुस ।

पापन सान्यन नाश सुय करानय ॥

सुय दयावानय छु सर्व शक्तिमानय ॥०॥

दीह अभिमान मद सुय छु वालानय,

रामु रामु शामु शामु परनावान ।

अन्तु समयि भवसरु सुय तारानय ॥

सुय दयावानय छु सर्व शक्तिमानय ॥०॥

संसोर्च्य भूग भूगन सुत्यन

चन्यचल आसान मन गोमुत ।

कठिनस भवसरस “बिमस” तार तारानय ॥

सुय दयावानय छु सर्व शक्तिमानय ॥०॥

हा म्यानि न्यर्मल नेष्कल शम्भू लालय,

लगुहय पौर्य चान्यन चरण कमलन ।

पाद चोर्न्य छस हृदयस मंज ललुचानय ॥

सुय दयावानय छु सर्व शक्तिमानय ॥०॥

हावतम दर्शुन पनुन हा शिवु नाथय,

स्वखु म्वखु लोलु ओश छुम वसानय ।

नादु ब्यन्दु हंसु रूपु अन्दरय छुख बिहानय ॥

सुय दयावानय छु सर्व शक्तिमानय ॥०॥





# तम्बलॉविथ ग्वडु मेय रोय हॉविथ

जानानय कोत चु द्राख पोत फीरिथ,

तम्बलॉविथ ग्वडु मेय रोय हॉविथ ।

पतु लबिकुन होरकुन मेय त्रॉविथ ॥

तम्बलॉविथ ग्वडु मेय रोय हॉविथ ॥०॥

नाना रंगय मेयहा थाल बॅरिमय,

छॅलिमय छोकिमय मॉन्जिमय नॉविमय ।

चु द्राख पोतुय हय मे मॅशरॉविथ ॥

तम्बलॉविथ ग्वडु मेय रोय हॉविथ ॥०॥

छुम वुनिक्यन सोरुय शीरिथ तु पुरिथ,

मतु करतम गर्दि बुज्य हा जानानय ।

त्रोपरॉविथ बर छुनिम मुचरॉविथ ॥

तम्बलॉविथ ग्वडु मेय रोय हॉविथ ॥०॥

ऑसिम दीह अभिमानु जामु पुरिथ,

नॉर द्युमख चानि अमार दिलबरो ।

सारिनुय गोहम पान पनुन मॅशिरॉविथ ॥

तम्बलॉविथ ग्वडु मेय रोय हॉविथ ॥०॥

यिथ नेरुहम चुय अडवते फीरिथ।

कॉत्याह म्वख मेति गोख चुय हॉविथ॥

तम्बलॉविथ ग्वडु मेय रोय हॉविथ॥०॥

व्वन्य नो त्रावय दामानु यारय,

कर साँ व्वन्य म्योनय चुय चारय।

फर्शि प्यठु “बिमलायि” अर्शस खॉरिथ॥

तम्बलॉविथ ग्वडु मेय रोय हॉविथ॥०॥

मेति लॉगिमय पोशि कनि मन प्राणय,

चेति वादस नो व्वन्य डलुन पज़िय।

लोलु मंदोर म्याँनी रथि खॉरिथ॥

तम्बलॉविथ ग्वडु मेय रोय हॉविथ॥०॥



## मे दिलबरस सोज़म डालि डाले

यनय मनुसरस पोशे फुलय लॅज,

मे दिलबरस सोज़म डालि डाले।

लवुहँत्य ग्वलाब थरि यनु फोलिमय॥

मे दिलबरस सोज़म डालि डाले॥०॥



मे लोलु तसुन्दे ह्य बापह बनोवुन, Education Bantalab Jammu

फव्वार सगु बापथ लॉगिनॉविम  
रंगा रंगय पोशि चमन बनॉविमय॥

मे दिलबरस सोज़म डालि डाले॥०॥

मे तारु वायम मनसेतारु सुय,  
द्यतुम मिज़राब लोलुकिस रँबाबसुय।  
लये मे चोंग मनुक प्रज़लयामय॥

मे दिलबरस सोज़म डालि डाले॥०॥

सोज़स तुसुन्दिस मे साज़ रोटसुय,  
साज़न्दरन तँम्य क्याह नाज़ तुलनमय।  
रसु रसु ह्यसु ह्यसु दामु दामु चोवमय॥  
मे दिलबरस सोज़म डालि डाले॥०॥

वुज़्योम लोलुक नागुरादाह अँन्दुस्य,  
मे व्वठ लॉयिम च्रँकिस वँछुसय।  
वुछिथ हाल तति पनुन दिल शाद गोमय॥  
मे दिलबरस सोज़म डालि डाले॥०॥

अज्ञान कौंसिथ गटि नाश कोरनमय,  
स्व प्रकाश च्वन तरफन त्म्य होवनमय।  
वीगिस खँसिथुय नचुना मे कोरमसय॥  
मे दिलबरस सोज़म डालि डाले॥०॥

मे काँदखानन बर वैथ्य गँयिमय ।

रवनि दामनुक अज़ श्रवन्य बूज़मसय..

मे दिलबरस सोज़म डालि डाले ॥०॥

बागस मे फुलया बरजस्त द्रायमय,

पोशिनूल तु बुलबुल ग्यवनि आयमय ।

कुमिर्य कोस्तूर्य विगिन्यव वनुवुन लोगमय ॥

मे दिलबरस सोज़म डालि डाले ॥०॥

वुछिथ हाल म्योनय तँम्य लोल बोरनमय,

मे शर द्रामय दर्शुन द्युतनमय ।

दयासागरन “बिमस” कँर दया पानुहय ॥

मे दिलबरस सोज़म डालि डाले ॥०॥



## मे पान सखरोवमय सरि शामय

यनय वेस्य बूज़म सु यार वात्यम,

मे पान सखरोवमय सरि शामय ।

बुथि आम रोटमस हय दामानय ॥

मे पान सखरोवमय सरि शामय ॥०॥



पनुन्य अन्दुरिम कथ वॅरमस बयानय ।

चावन नट्यव नार्यव लोलु मय पानय ॥

मे पान सखरोवमय सरि शामय ॥०॥

बु लौचि करय थफ तस लॉन्य चूरस,

छस्यव अथव क्याह दिमु कोहि नूरस ।

वन्दस बु जुवु जान करस क्वर्बानय ॥

मे पान सखरोवमय सरि शामय ॥०॥

लोलु नामु कॉत्याह लीख्य लीख्य थॅविमय,

मनु मंजलिस मंज सु चूरि ललुनोवमय ।

तारुख अज जूनि सुत्य गिन्दने द्रामय ॥

मे पान सखरोवमय सरि शामय ॥०॥

ल्वति ल्वति यारसुन्द पकुनुय मे च्यूनम,

वॉलिंजि दुबुराय तु दुबु दुबु गोमय ।

ह्यस व्यसरयोम तय दिल तम्बल्योमय ॥

मे पान सखरोवमय सरि शामय ॥०॥

अज ब्रौह ति कुचि लटि सु यार आयामय,

तोगुम नय ललुवुन वापस सु द्रामय ।

वटुस्य गोमुतं लोल अज व्वलस्यामय ॥

मे पान सखरोवमय सरि शामय ॥०॥

काम, लूध मोह लूभ दुनिथ त्रोवमय ।

“बिमस” लोलु नज़रा करनि हय आमय ॥

मे पान सखरोवमय सरि शामय ॥०॥

अमस्यथ नोन द्राम मनुक्यन नागुनुय,

फुलया लँजम लोलुक्यन बागुनुय ।

रास गिन्दने कृष्ण मेय सुत्य आमय ॥

मे पान सखरोवमय सरि शामय ॥०॥



## तँमिय बेआरन तूल लोलुय छोन

त्रुकरि परमानस वठ थोव तँमिये,

तँमिय बे आरन तूल लोलुय छोन ।

म्यानि विज़ि फुटुजेन गंड छनुनुये ॥

तँमिय बे आरन तूल लोलुय छोन ॥०॥

बागस फुलय द्रायम ब्योन ब्योनये,

नादस सोज़ुमस चरि हारे ।

डलकाव लोगुनम रूद दूरि दूरे ॥

तँमिय बे आरन तूल लोलुय छोन ॥०॥



नागस प्यठ बिहिथ वुछमस थलि थलि,

न्यथनोन यावुन होवमस रचि रचि।

बेमॉल लोगुनम द्राम यारबलु बँठिये॥

तँमिय बे आरन तूल लोलुय छोन॥०॥

आलमस फीरुच फीरुच ग्यूर व्वन्य आमय,

यी गोम ती ह्योकुम नु बॉविथ कॉन्से।

रुम गॅयम बानस बेगुर गोम बानय॥

तँमिय बे आरन तूल लोलुय छोन॥०॥

वछिकिस कुठिस मंज़ जाया मे शीरमस,

अँतलास मखमल वतन व्वथुरमस।

ब्रॉहनय सु यार आम द्राम पोत पोतये॥

तँमिय बे आरन तूल लोलुय छोन॥०॥

आमुताव कॉत्याह लॅगिम यथ पानस,

ज़ोलुम पनुन पान गथ कॅरिथ यारस।

टारि लोल छुनु खसान वुनि जानानस॥

तँमिय बे आरन तूल लोलुय छोन॥०॥

कान्ह वॅन्यतोम क्याह छुम करुनुये,

इयकु मा पद्यन तल तस छुम थावुनये।

“बिमलायि” लोलस शेहलय पेयि किथये॥

तँमिय बे आरन तूल लोलुय छोन॥०॥

शंकराचारस हेरन छुमा खसुनये ।

वोनुनम ओमची समरण छु मा फिरिये ॥

तँमिय बे आरन तूल लोलुय छोन ॥०॥

वॉन्स गॅयम नीरिथ तस पतु पतु फीरिथ,

रोय पनुन नय होवुनम तँम्य दिलबरन ।

व्वन्य लोल आस म्वल खोरुन मेतिये ॥

तँमिय बे आरन तूल लोलुय छोन ॥०॥

त्रुकरि परमानस वठ थोव तँमिये,

तँमिय बे आरन तूल लोलुय छोन ।





# दोयुम बोग

( गज़ल तु नज़्म )

# यि क्युथ रंग बदल्योमुत यथ जहानस

यि क्युथ रंग बदल्योमुत यथ जहानस,  
छु ज़न बोनि वेंथरन सोसन्यार फ्यूरमुत ।  
छु हर्दु ब्रोंठय ज़न ज़ज़ुरेर गोमुत ॥

यि क्युथ रंग बदल्योमुत यथ जहानस ॥०॥

छि लवुहेंत्य ग्वलाब सुलि थरि वेंस्य पेमुत्य,  
छि लतुम्वन्जि गॉमुत्य कॅन्ड्य ऑत्य म्वचेमुत्य ।  
पानय बागवानन छु नार द्युतमुत शबाबस ॥

यि क्युथ रंग बदल्योमुत यथ जहानस ॥०॥

फेक्यन प्यठ कोतह गोब बोर ह्यथ तिम,  
सुबु प्यठु शाम ताम दोरान वुछिम यिम ।  
च़वापॉस्य वुछुम युथुय गटुकार ज़मानस ॥

यि क्युथ रंग बदल्योमुत यथ जहानस ॥०॥

छु हर कांह यछ़ान ब्रोंह नेरुन बेयिस निश,  
छि ग्वबि बारु फोतु बनावान म्वख़्तस पनुनिस ।  
वुछुम गाटु गोमुत छु येति गाटुजारस ॥

यि क्युथ रंग बदल्योमुत यथ जहानस ॥०॥



छि लॅग्यमुत् सौरी लॅक्ष्मी थापि अननस,

गुलन मूल प्रॉटिथ तर्फातन सोज़नस।

छे मा रुकान लॅक्ष्मी मगर कुनि ठिकानस॥

यि क्युथ रंग बदल्योमुत यथ जहानस॥०॥

वुछुम व्वशलुन खोतमुत अज़ आसमानस,

छु माजि हुन्द वछ बारव दिनि गोमुत तस।

लॅगिमुत् सौरी जिगरकिस त्यवंगलु तावस॥

यि क्युथ रंग बदल्योमुत यथ जहानस॥०॥

छु लोल मस मलुस्यन व्वन्य फटनस आमुत,

सु कर यियम फीरिथ छुमा किन्ही नन्योमुत।

वजूदुय 'बिमय' सारिनुय लोगमुत दावस॥

यि क्युथ रंग बदल्योमुत यथ जहानस॥०॥

छुमा सौरुय संसार तमाशा बन्योमुत,

येति ज़न सौरुय लोल छुख चुहिथ न्युमुत।

येति ज़न छु लोगमुत नार शेहजारस॥

यि क्युथ रंग बदल्योमुत यथ जहानस॥०॥



# बॉल् यितय म्योन गरु सॉलिये लो

बु हय सोज़य लोलु पोशि डॉलिये लो,

बॉल् यितय म्योन गरु सॉलिये लो ।

चे हय लागय नॉल् कनु वॉलिये लो ॥

बॉल् यितय म्योन गरु सॉलिये लो ॥० ॥

वलु यितु चूरि चूरि जून डबि तॉलिये,

बु हय प्रास्य पोशि थरि छायि हॅलिये ।

लोलु जाम हय करव खॉलिये लो ॥

बॉल् यितय म्योन गरु सॉलिये लो ॥० ॥

मय कन दार वेसिये लूकु कथनुय,

तिमहय ज़ागान आसान छिय हितुनुय ।

सुलि छावुव पोश लवु हॅतिये लो ॥

बॉल् यितय म्योन गरु सॉलिये लो ॥० ॥

प्रॉन् य पॉट्य फेरुना पानुवॉन् हय करव,

आकॉशय खसव तु पातॉल् वसव ।

बोस लोचरुव अँस्य यँचकॉल् यये लो ॥

बॉल् यितय म्योन गरु सॉलिये लो ॥० ॥



तोसु पशमीनु वँथुरय हय वतुनय लो ।

चयथ मॉर्यफत फेरव बॉल्य् बॉलिये लो

बॉल्य् यितय म्योन गरु सॉलिये लो ॥०॥

अछु पनु दावु पानय थवव अबुसाँविथ,

नय गछव दूनिस् तु नय कॉन्सि वोवुरिस ।

तोसु पशमीनस वोनि 'बिमु' पोंबुरिये लो ॥

बॉल्य् यितय म्योन गरु सॉलिये लो ॥०॥

बु हय सोज़य लोलु पोश डॉलिये लो,

बॉल्य् यितय म्योन गरु सॉलिये लो ।



## यी पज़्या?

यारु म्याने नहकु तम्बुलुन हावबावस यी पज़्या ?

फुलुयि बागस डोठ त्रावुन हर्दु वावस यी पज़्या ॥

कँडिथ गाडय आबु मंज़ु न्यबर बँठिस त्रावुनि पज़्या ।

द्वन जुदॉयी करुनावुन्य वन रफीकस यी पज़्या ॥

फोलिथ चण्दरजलि नु वटु कानु सौंथ लावुन पज़्या ।  
हर्द ब्रोंठु ज़र्दी फिरुन्य नव बहारस यी पज़्या ॥

त्यम्बुर त्रावुन्य गास डारस वेहे नार ह्यावुन वन पज़्या ।  
पोशनुय हुन्द ख्वश यिवुन बहार रोशिनावुन यी पज़्या ॥

जामु सरि आम कडनावुन्य कोरवन मंज़ सभाये पज़्या ।  
गाश ऑसिथ ओन लागुन गांधारी यी पज़्या ॥

पोज़ अपुज़ वेंरिथ धर्म पालुन कर्मस नु पोरुन वन पज़्या ।  
दारि बरु दिथ गाटुल्य मारुन्य अथ समाजस यी पज़्या ॥

त्रॉविथ नेरुन यार अडवति ल्वकुचारस ज़ाह पज़्या ।  
पर मस च्यथ ह्यसु रावुन बालु यारस यी पज़्या ॥

चूरि थफ दिन्य म्वख्तु मालन पनुपनु करनी पज़्या ।  
अतुर वेंरिथ युस नु मटि हेयि एतुबारस यी पज़्या ॥

लोलु वतन वेंन्ड्य वथुरुन्य वुद्य करुन्य पेंद्य यी पज़्या ।  
बोल बोश करुवुन्य 'बिमु' हॉर दम फुट्द्य करुन्य यी पज़्या ॥

यारु म्याने नहकु तम्बुलुन हावुबावस यी पज़्या ॥



# पनुन पान आलुवय बो

लालु अमिहा चानि लोलय,  
पनुन पान आलुवय बो ।  
छालु मारान यितमो लालय ॥  
पनुन पान आलुवय बो ॥०॥

चानि वेरि बाग लोगुम,  
शालुमार फोलुनोवुम ।  
अमिच मुश्कु दिल तम्बलावय ।  
पनुन पान आलुवय बो ॥

लोलु मसुक्यन आबशारन,  
साज़ लोगमुत छु वज़ने ।  
सोज़ु अमि दिल रंज़ुनावय ॥  
पनुन पान आलुवय बो ॥०॥

लालु ज़ारन मंज़ बु मसवल,  
वेरि चाने फोज़मुच छसय ।  
फ़्रेचमु रस चमव मस प्यालय ॥  
पनुन पान आलुवय बो ॥

हिय तु त्वलसी मालु करय,  
नॉल्य़ च़ेय तिमु त्रावयो ।  
चु तु बु रोज़ुहव नॉली नालय ॥  
पनुन पान आलुवय बो ॥०॥

दूहस रातस चोन ध्यान दारय,  
करबा म्योनुय चारय हो ।  
येमि संसारुक च़ठ मे ज़ालय ॥  
पनुन पान आलुवय बो ॥

कृष्णा कृष्णा श्री कृष्णा,  
दोह तु राथ नाम ह्यमुयो ।  
सुय कृष्णु लोल चोम दामय ॥  
पनुन पान आलुवय बो ॥०॥

वति वति फ्यूरुस बुम्बरि वॉन्से,  
पय नो वोनुनम कॉन्से ।  
'बिमलायि' कड व्वं गमु तु गोसय ॥  
पनुन पान आलुवय बो ॥

लालु अमिहा चानि लोलय,  
पनुन पान आलुवय बो ।  
छालु मारान यितमो लालय ॥  
पनुन पान आलुवय बो ॥०॥



त्राँविथ गव यनय सु लोलु बेमारस,

प्रावुन्य थँवुनस इन्तिज़ारस ।

तिय प्रुछितन कावस तु वावस ॥

प्रावुन्य थँवुनस इन्तिज़ारस ॥०॥

दाग जिगरस काँत्याह दितिनम,

ज़ख्मन नून छिरकाव कोरनम ।

पस्युन कोरुन वाँचुसनु नय जिगर पारस ॥

प्रावुन्य थँवुनस इन्तिज़ारस ॥०॥

वथुराँविनम वतुनुय वॅन्ड्य कुत्याह,

उफति मा कोरुमस वनतम ज़ांह ।

लशि नार द्युतुन लाँविस अमारस ॥

प्रावुन्य थँवुनस इन्तिज़ारस ॥०॥

व्यतरिम साँरी लोलु छवख अँन्दरी,

बाँविम मा फुटुल्य कॅरिम अँन्दरी ।

लोग नार व्वन्य अथ गाटुजारस ॥

प्रावुन्य थँवुनस इन्तिज़ारस ॥०॥



शीरिनि पुरिनि अकि अकि लोलु खाब,

ललुनॉविम अँछन मंज़ ज़ोनुम सवाब ।

चोटनम पन तमि अँथ्य् म्वख्तुहारस ॥

प्रारुवुन्य् थँवुनस इन्तिज़ारस ॥०॥

लोलु मस प्यालन बरुन तोगुम ना,

दोद अँशकुन वेसिये प्यतरुन तोगुम ना ।

शेहजार कोत गव लोलु विरि वारस ॥

प्रारुवुन्य् थँवुनस इन्तिज़ारस ॥०॥

ओसुम कौँछमुत पोशुन गोछुम लोल,

फोलिथ बागस वटुस्य गव ब्योल ।

छ्यनु गँयि 'बिमस' तारु लोलु सितारस ॥



## कूत डलकाव लोगनम क्याह वनय

कूत्य् आलव दितिम तस बे आरस,

कूत डलकाव लोगनम क्याह वनय ।

छुम रुम-रुम गम ज़दु मे गोमुत ॥

कूत च़ोलुम दग दोद क्याह वनय ॥०॥

लोलु पूरुगुल ओलुगुल लुनिलि ओलुगुल, Jammu

होलु नय चोलुम बोरनम येलिनु लोलुय ।

मँच छस गँमुच वानु वानु फेरानय ॥

कूत चोलुम दग दोद क्याह वनय ॥०॥

ऑसुम लँजिमुच प्रेयमु वारे रुच फुलयाह,

वुछतु बागवान कोत चोल स्व मनुसॉविथ ।

कोर बुलबुलन परवाज चोल वुडानय ॥

कूत चोलुम दग दोद क्याह वनय ॥०॥

वुछतु लोलुक खानु किथु कस्योम आबाद,

गव वुजारय वनु कस गव मे बेदाद ।

पेयि छेन्थ छेन्थ थरिनय ग्वलाबुय ॥

कूत चोलुम दग दोद क्याह वनय ॥०॥

यसनु लोलु बाग तगि ज़ांह रँछरोनुय,

वनतु तस कति तगि सोंथ छावोनुय ।

शौक योछमुत कोरनम वॉरानय ॥

कूत चोलुम दग दोद क्याह वनय ॥०॥

लालु यियिहे फीरिथ बेयि यपॉरी,

नालु रटुहन करस खॉतिरदॉरी ।

‘बिमस’ ब्रम दिथ द्राव सुय बॉज्यगारय ॥

कूत चोलुम दग दोद क्याह वनय ॥०॥

CC-O. Agamigan Digital Preservation Foundation



यि मा तौ सौर यावुननि लोसुनुक छुय,  
छु मा कौन्सि ताम वख म्वछि मंज़ रटुनुय।  
यिय मे वौनुनम वावु मॉल्क कनस तलय॥  
कूत चोलुम दग दोद क्याह वनय॥०॥

कुत्पु आलव दितिम तस बे आरस,  
कूत डलकाव लोगनम क्याह वनय।



## बु लगय बलायि मतु रोशतम

बु लगय बलायि मतु रोशतम,  
वौन्सि तय वुम्बरि लालु बस चु पोशतम।  
लोलस म्यौनिस चुति लोल बरतम॥  
बु लगय बलायि मतु रोशतम॥०॥

कमि आयि छुम व्वथुन किथु छुम ब्युहुन,  
कमि आयि साज़ु सिंगारु छुम करुन।  
तिय करु यिय आसि चोनुय हुकुम॥

बु लगय बलायि मतु रोशतम॥०॥  
Digital Reservation Foundation

छा यिवान जवॉनी बेयि फीरिथ ।

पानुसुय सुत्य् अथुवास थावतम ॥

बु लगय बलायि मतु रोशतम ॥०॥

स्वख तु द्वख यिकुवटु गुजरावुन,

कर्म भूगस तँथ्य वनान जुवनुक लुतुफ तुलुन ।

यहय कथ यिकुवटु अज़मावनम ॥

बु लगय बलायि मतु रोशतम ॥०॥

यी असि गुदस्यव ती कस वनव,

गौरन वनुनु सुत्य् क्याह मेल्यव ।

सीरन सरपोश पानु लागतम ॥

बु लगय बलायि मतु रोशतम ॥०॥

यी मे चे वोनुमय ती मोनुथम,

पोतु छायन वुम्बरि चेति वुछथम ।

रवनि दामनु श्र्वन्य् बेयि बोज़ुनावतम ॥

बु लगय बलायि मतु रोशतम ॥०॥

म्युल ओस कोरमुत कर्मलेखाये,

अथवासस अथु दोर 'बिमलाये' ।

तँस्य हिशि जोरि सुय अन्द वातुनावतम ॥

बु लगय बलायि मतु रोशतम ॥०॥



# यारन यारन अँम् टाँक्य यारन

यारन यारन अँम् टाँक्य यारन  
 आदुनक्य सीरु बाँज दोसदारन  
 काँत्याह कँरिनम मलालय  
 ज़ाँह नय छुम थवान खयालय  
 वादु तँम् नय ज़ाँह पूर मे कँर्यनम  
 बोज़तम हा स्वन्दर मौलीये  
 प्रारुनाँवनस स्वन्दर मौलीये

यारन यारन अँम् टाँक्य यारन ॥

दूहँदिश छुम वनान स्वन तु रवफ गरय  
 बोज़तय म्यॉन्व वन हॉरिये  
 स्वनर वानव प्यठु वापस फेरान  
 वेसिये अथु ह्यथ खॉलिये  
 यिथिय वादु छुम करान बाँलिये  
 वादु तँम् नय ज़ाँह पूर कोरनम  
 प्रारुनाँवनस स्वन्दर मौलीये

यारन यारन अँम् टाँक्य यारन ॥

हटि चफकँल्स दूर जूस्याह ह्यथ आम  
 लाजेम कालु कालय सुबहस ताम  
 सुबहुक्य वावन शेछ वँन्व पहलगामु लागुन छु मौलय

पाहें छुम यि स्वन्दर मौलीये

प्रारुनौवनय्यँच कौलिये

वादु तँम्य जांह नय पूर मे कॅरिनम

प्रारुनौवनस स्वन्दर मौलीये

यारन यारन अँम्य टाँक्य यारन ॥

शुबहन नीरिथ वादु क्याह छुम करान

दिगरन यिमु तँथ्य व्वमेदवार बु रोज़ान

नीरिथ तस नु ज़ांह रोज़ान ख्यालय

येलि यिवान तेलि छुम वनान मे लौलुय

हीलु बहानु कॅरिथ हु बाल येमि बौली

पर मसुनुय कोरमुत मतवौलीये

द्वहय प्रारुनौवनस स्वंदरमौलीये

यारन यारन अँम्य टाँक्य यारन

चेशमु लोसुनाविनम वतु वुछौनी

कलनय तस छे रछ म्यौनीये

वँद्य वँद्य मे व्वज़लान छि टौरीये

कालु पगाह छुम ब्रंग हावौनीये

मनुनौव्य मनुनौव्य छुस न अनौनी

वादु तँम्य नय ज़ांह पूर मे कॅरिनम

प्रारुनौवनस स्वन्दर मौलीये

यारन यारन अँम्य टाँक्य यारन ॥



कम कम रग अँम्य रगु रीद्य हाँव्यनम  
 असलियत ज़ांह ति नय बाँवनम मे  
 फकत वनान आरुक बाल योरुक बालुय  
 हर दका यिहय चमचा छुय बस  
 अपज़िस ग्वड नु ज़ांह ओसुये  
 दिल अख ज़्यव ब्याख छस आसवुनिये  
 प्रारुनॉवनस स्वन्दर मौलीये  
 यारन यारन अँम्य टॉट्य यारन ॥

यार तय दिलदार हेन्य गछन आसुन्य  
 हेत्य गछन नेरुन्य वुम्बरि वॉन्सि सॉर्य  
 हम ख्याल, हम नवाह यक ज़बां आसुन्य  
 तेलि छि लोलु मन गछान मालामालय  
 “बिमु” वुनि तारन प्रानिवय तारव  
 सेद्य तु शोद्य लुख बारव दिवाँनीये  
 प्रारुनॉवनस स्वन्दरमौलीये  
 यारन यारन अँम्य टॉट्य यारन ॥



# म्वख्तु हारन पन छ्यनन

सनतु पानो यिमव हालव म्वख्तु हारन पन छ्यनन,  
 लोलु बानन ठानु वॅथ्य गछन मेज़मान हो ती वुछन ।  
 गुमु सगुव्यमुत्य् बाग ताम ठखन बागबान डींशिथ पशन ॥

सनतु पानो यिमव हालव म्वख्तु हारन पन छ्यनन ॥०॥

रंगु रंगुक्प्यन जानावारन कोतर बाज़ुय पखु च़टन,  
 बुलबुलन तय बेयि कुमिस्थन मोदुर बोलबोशिय मशन ।  
 बोम्बुर यॅम्बुरज़ल तय पोशिनूल यारु मारमति वॅकल्य् गछन ॥

सन तु पानो यिमव हालव म्वख्तु हारन पन छ्यनन ॥०॥

छ्यनु गछनय बॉय तु बारुन्य गाटुजारस होट च़टन,  
 माल्य्न माजेन वति प्यठ त्रावन श्रवण कुमारन खश करन ।  
 चुवॅतिस प्यठ लाल तोलन त्रकरि परमानु लागन ॥

सन तु पानो यिमव हालव म्वख्तु हारन पन छ्यनन ॥०॥

वासनायि पतु पतु लारन बद कारन नु मन्दुछन,  
 द्रोत वॉयिथ मूलन पनुन्य्न व्यपर बागन सगुवन ।  
 असलस नो म्वल ज्ञानन फोतु मालु नॉल्य् लागन ॥

सन तु पानो यिमव हालव म्वख्तु हारन पन छ्यनन ॥०॥



पोशि डोरयन मूल प्राटन अरुखील नौवरावन,  
 म्यव कुल्यन लंगलंजि ठलन रॉछ लाचार सपदन ।  
 पोशि वॅथरन पस्युन करन दॅदुवनस ललखोल करन ॥  
 सनतु पानो यिमव हालव म्वख्तु हारन पन छ्यनन ॥०॥

सोरुय ऑसिथ पनुन्यन गरन बेयि पर गरन यिमय फरन,  
 शुहुल शेहजार पथकुन त्रावन तापु चुन्जन वछ दारन ॥  
 थफ छुनन पुचि लौचि 'बिमलायि' वोडनॅन्य व्वड तस करन ॥  
 सनतु पानो यिमव हालव म्वख्तु हारन पन छ्यनन ॥०॥



## कॉल्य् मा गछन गरु खॉल्य्

कॉल्य् मा गछन गरु खॉली यार योदवय चलन,  
 लुरपार करन तय लोलस फरन ।  
 दिलदार चशमव अदु खून हारन ॥  
 लुरपार करन तय लोलस फरन ॥०॥

खॉल्य् असमानन थलि थलि वुछन,  
 छारन कोहसार दिन वॅन्य आरन ।  
 पतु लारन वुडुवनन्यन जानावारन ॥  
 लुरपार करन तय लोलस फरन ॥०॥

खोल मा ओबरुन मंज पनुन्यन पंजन।

रजु लायन जूनि तय गाशि तारकन॥

लुरपार करन तय लोलस फरन॥०॥

गरु नाजनीनन खरीदार चलन,

गमखार मरन दोसदार गलन।

बरु बुकु यिनु लोलु बेमार मरन॥

लुरपार करन तय लोलस फरन॥०॥

लोलु ज़ॉन्यानन बिन्दरि तु चूनि जरन,

तोसु पशमीन वतन वतन वथुरन।

बालु यार चाख दिन म्बख्तु लरन॥

लुरपार करन तय लोलस फरन॥०॥

फीरिथ यावुन तु ल्वकुचार अनन,

शेरन पनुन पान पौरावन।

‘बिमस’ ज़ॉल्य् वॉन्कु जुम्बक शुबुरावन॥

लुरपार करन तय लोलस फरन॥०॥

कॉल्य् मा गछन गरु खॉली यार योदवय चलन।

लुरपार करन तय लोलस फरन॥



# येलि भाव चरस्यन पखु आयम

येलि भाव चरस्यन मे पखु आयम,

वलु वलु कोरहम यी यी यी।

हास्यव बूजहम टावस तुजिहस॥

अपुजुय सौरुय छुय छुय छुय॥

चरस्यन हुन्द चुर्यग्युश कावव बूजहम,

टाव टाव लोगहम छी छी छी,

कुकिलु कोस्तूस्यव सुय बूजहम॥

वोनहम ब्योलय होख गोस रय॥

येन्द्रियव पनुन्यव येलि ति बूजहम,

असुना कोरहम खी खी खी,

दबु दबु लॉजिख दमॉल्य् वॅरहम॥

पॅथरिस पोवुहस लिथुनोवहस बुय॥

दबव दुस्यव पतु ति मा छोंडहस,

सुचुनि सनेयम लरि लरि लरी।

व्वलामु ओनुहम विषयव पनुन्यवुय॥

नाहकय बास्योम लोत छु यी॥

साला कोरुहम दुबारु यी यी  
येलि भावु चरुचव मे ती बूजहम  
थू थू कोरहम छी छी छी

तापु चन्जव सुत्य आमताव लोगुम,  
तौत त्यूत लोगुम हू हू हू  
नागरादस मंज व्वठ दिथ वँछुस  
आबु रोस ओस सुय सुय सुय

मन्दुछेयस अद नाहकु बोवुम तिय,  
चरुचन हासुचन पनुनि दिलुक लोलय  
पनुन प्यतरुन ओसुम पानुसुय  
अँन्दस्य व्यतरुन ओसुम ती ती ती

कोस्तूस्य वीदन हुंज बूल्य वँनिनम,  
चन्दन कुलिस तल आराम यि यी  
चन्दुन अन्दस्य रन्दुनु येलि यि यी  
मुशका च्वन तरफन वातीय ती ती

भावु चरे फीरिथ वोनुनम  
त्वलि मंज ललुनावुन छुय भाव सुय  
जपुचि हारे तु छ्वपि द्वे  
भगवत नावु माला 'बिमु' फिरुन्य ज्ञानी  
व्यछुनावी तिय जि ती



## मे लोलु प्यालु बॅरिमस

छावुन द्युतुम मे यावुन पनुन बेदर्द जानानस,  
येम्पु नु म्वल ज़ोन म्योनुय कॅडनस बाज़ुर्य वानस।  
यारान लॉगिथ द्राव ओसुम सुय प्यठ ठगुनस॥

मे लोलु प्यालु बॅरिमस ठॅहस्यवनु द्राव सु पानस॥०॥

छायन वुछान रुज़ुस सुय सर्विकद मे यियम कर,  
मंगिहेम यिथ तिय दिमुहस कलु पेशकश थवुहस।  
छुनु वोन्था भावु सॅदरस लॅहरन छिपि बिहिथ सु सनिरस॥

मे लोलु प्यालु बॅरिमस ठॅहस्यवनु द्राव सु पानस॥०॥

कस वनु बु लुयि लोसम वॅद्य वॅद्य अॅछन स्वत्योम गाश,  
ज़न छु दॅल्य् दुनिथय द्रामुत पेयिहे खयाल तस काश।  
छावन सु सब्ज़ज़ार लॅजिमु बु हर्दु वावस॥

मे लोलु प्यालु बॅरिमस ठॅहस्यवनु द्राव सु पानस॥०॥

अॅछिवुय अॅछव सु चोवुम करिना मे मलरि खॉली,  
गॅयि छलु छांगरि अर्मान सीनस वॅथ्य्ना पर गॉली।  
अख दानु श्रेह नय रुदुस फेरान छु नागरादस॥

मे लोलु प्यालु बॅरिमस ठॅहस्यवनु द्राव सु पानस॥०॥

बदल्योव रवरवुय जमानस तस छन तिय प्यवान पलि,  
 ह्यनर ग्रजन ठखन क्वलु पथ कालि वन्य्व यिय 'ललि' ।  
 कुत्पु आयि कुत्पु येति गँयि छुख रॉछ कथ ठिकानस ॥  
 मे लोलु प्यालु बँरिमस ठँहस्यवनु द्राव सु पानस ॥०॥

प्रेयमु मस चॉवनस क्याह नशि खोरनम डॅलिम ह्यस,  
 मॅशरॉवनम मेय हन हन रुदुय नु होश 'बिमस' ।  
 च्वशवुन्य अंदन मे बासान सुय छस तवय स्यठाह मस ॥  
 मे लोलु प्यालु बँरिमस ठँहस्यवनु द्राव सु पानस ॥०॥



## तस इन्तिज़ार रोज़्या

हय वेस्य् वुछतय तस यारस,  
 म्यानि पतु करार रोज़्या  
 थफु थफु करिमा छा़यनु  
 तस म्योन इन्तिज़ार रोज़्या

दोहदिश वॅथिथ सुबहन  
 गुलन रायि त्रायि वुछिना  
 सगुनावुहख लोलु सुत्पु  
 तस त्युथ खयाल रोज़्या



हंगु मंग गछि मा वैथिथय

Gandhi Memorial College of Education Bantalab Jammu

मंज बाग सालु सबन

सति सिनि बैरिथ थालुय

दफ ख्यनुक मौल तस रोज्या

न्यथुनोन दवि मा न्यबर

वुछनि तारख नबस

व्वठ मा लायि असमानस

खबर तस शोवूर रोज्या

खाबन करिमा थफु थफ

दोहली नेन्दुर त्रॉविथ

वुशनेर नालमुत्यन हुन्द

चेनुवुन प्रथ हालु रोज्या

फना करिमा सु सोरुय

चॅलिथ दूर कोहँ सारन

व्यगलाविमा सु पनुन पान

लोलस त्युथ वुशनेर रोज्या

कुन ज़ोन गॅछिथ मेय रोस

सु मा चैयि जाम सरिआम

गछन मय खानु खॉली

पतव जाम लोलुक ति रोज्या

पोतुय मा पेयम फेरुन

Gandhi Memorial College of Education Bantala Jammu

तस रछि करनि यारस

प्योमुत मा आस्यम सरिआम

पतु आबि ज़म ज़म रोज़्या

तेलि कोनु चावन ग्वडय

मस मलरि लोलु बॅरिथुय

युथ 'बिमनि' नेरनु सुती

लोलु आबशारन ग्रज़ ग्रेज़्या

हय वेस्य् वुछतय तस यारस,

म्यानि पतु करार रोज़्या



## सीर हय रावान वति प्यठ प्यवान

येलि लोलु फुटजन गंड डेल्य् गछान,

सीर हय रावान वति प्यठ प्यवान ।

यिमन कथन लूकन लज़्जथ यिवान ॥

सीर हय रावान वति प्यठ प्यवान

येलि लोलु फुटजन गंड डेल्य् गछान ॥०॥



अपजुय यित गछ लूख छिय लागान,  
Gandhi Memorial College of Education Bantala Jammu  
सीरन छारान तु मुश्कस प्रारान ।

च्चन तरफन यि छु नगार वायान ॥

सीर हय रावान वति प्यठ प्यवान

येलि लोलु फुटजन गंड डेल्य गछान ॥०॥

येलि लोलु रिश्तन गंड डयोलुय गछान,

द्वन सीनन अँन्दस्य दोद नवान ।

सोसुन फेरान मोसूम पशान ॥

सीर हय रावान वति प्यठ प्यवान

येलि लोलु फुटजन गंड डेल्य गछान ॥०॥

दवि दवि शेछ च्वन तरफन पँहलान,

लूकु गेलुन ज़नतु हय मोथ बासान ।

द्वशवय बॉच अख अँकिस छिय छावान ॥

सीर हय रावान वति प्यठ प्यवान

येलि लोलु फुटजन गंड डेल्य गछान ॥०॥

यिम पनुनि मेथुर तिम तिहय मारान,

कथु तीरव तय मिज़गानव सुत्य ।

येलि लोलु रिश्तय नंगु तु नयथुनँन्य गछान ॥

सीर हय रावान वति प्यठ प्यवान

येलि लोलु फुटजन गंड डेल्य गछान ॥०॥

सिर वति प्यठ दोनुनस लुत्फा तुलान ।

लोलु रिशतन नाहकय छ्यन छु लगान ॥

सीर हय रावान वति प्यठ प्यवान

येलि लोलु फुटजन गंड डेल्य गछान ॥०॥

पँजि ह्यसस तु होशस रटुनी लाकम,

कमज़ोर नय द्युन गछनुय रिशतन ।

‘बिमलायि’ पँजि सीरुय सीर थावुन ॥

सीर हय रावान वति प्यठ प्यवान

येलि लोलु फुटजन गंड डेल्य गछान ॥०॥



## सु नय दिलदार छुये

यसुन्द यार चूरि ओश हरे,

सु नय प्वख्तु दिलदार छुये ।

तसकति यार म्वख्तु हार दिये ॥

सु नय दिलदार छुये ॥०॥



तु द्दु क्वल तँतिथुय कडे ।

सु फरहाद शीरिनि कति प्रारे

सु नय दिलदार छुये ॥०॥

पोंपरिन्य गथ युस नय करे,

शमहस पथ पान पनुन ज़ाले ।

सु मारु मोत जानानु नय छुये ॥

सु नय दिलदार छुये ॥०॥

युस न फोतु ब्योन ब्योन करे,

तु लोल म्वख्तु चॉस्य चॉस्य कडे ।

सु ज़ॉविज म्वख्तु माल कति गरे ॥

सु नय दिलदार छुये ॥०॥

आदुनुक लोल युस हय मँशरे,

तु वारि पनुनि पानय फरे ।

हर्दुन वाव ज़र्द तस करे ॥

सु नय दिलदार छुये ॥०॥

युस नु पनुनिस बागस राछ करे,

लोलु सगुवान रोज़्यस मूलन ।

बोन्यन सोन्तु वाव तस फरे ॥

सु नय दिलदार छुये ॥०॥

ऑव्युल त जॉव्युल युसन कते,  
Garidhi Memorial College of Education Bantalab Jammu

जॉव्यजारुचि लरु किथु वोने ।

वॅक्त्य वॅक्त्य आछुर गछे ॥

सु नय दिलदार छुये ॥०॥

युस नु लोलु नावुक ज़हर चेये,

तस मीरायि कति अमस्यथ गछे ।

स्व मा ज़ांह कृष्णस खरे ॥

सु नय दिलदार छुये ॥०॥

युस द्वह राथ कृष्ण नाव स्वरै

कृष्णा कृष्णा श्री कृष्णा परे ।

कृष्णाय “बिमस” ख्वपरिय महल करे ॥

सु नय दिलदार छुये ॥०॥

यसुन्द यार चूरि ओश हरे ।

सु नय प्वख्तु दिलदार छुये ॥





कख वेंछ प्रथ अंदु लोग ज़न नार,  
 कर्म लीखाये छुय नमस्कार ।  
 लारुक दार लोग दारुक लार ॥

कर्म लीखाये छुय नमस्कार ॥०॥

परमीश्वरी येलि बनेयि परवीन अखतरु,  
 खून दॅरियाव बनेयि ज़न समन्दर ।  
 खान्दर तसुन्द कॉत्यन बन्योव शाहमार ॥  
 कर्म लीखाये छुय नमस्कार ॥०॥

ज़ातुक तु टेकिन्य् रुद्य लबि ताकस,  
 कोरि नेचिव्य द्रामुत्य् पानु बाज़रस ।  
 च्वशवुन्य् तरफन छु हाहाकार ॥  
 कर्म लीखाये छुय नमस्कार ॥०॥

ब्रह्मणकोरि पानस क्युत वुछ चंडाल,  
 कर्मस ओसुस तु द्रायिदिथ डाल ।  
 पामु पामु दिचुहस मगर नॉल्य् म्वख्तुहार ॥  
 कर्म लीखाये छुय नमस्कार ॥०॥

वँज छस बु गॉमुच कथ करिहेम ।

यँचकॉल्य ह्योछुन व्वन्य करुन नमस्कार ॥

कर्म लीखाये छुय नमस्कार ॥०॥

फेशिलस तु फ्रुचिस लोग यि टकराव,

त्रकरि तोलुन ह्योतुख लोलु व्यवहार ।

लोलु जोस्चन छेयन करान लवन नु खँन्ड हार ॥

कर्म लीखाये छुय नमस्कार ॥०॥

गाटुल्य छु गाटुजार मँशरोवमुत,

जिन्दु इन्सान छु येति म्वर्दु गोमुत ।

खान्दर बन्योमुत व्वन्य छु बापार ॥

कर्म लीखाये छुय नमस्कार ॥०॥

कुस वनि कस कुस दियि कस पाम,

सबि गँयि रब तय रब तुसब आम ।

“बिमु” वनान यिथिस लोलस दियिव नार ॥

कर्म लीखाये छुय नमस्कार ॥०॥





# ऑही पोत्रस

लीछिमय गोबरो अख नॅव नज़म,  
मे चानि लोलय चु कन दारतो ।  
फोलिमो ग्वलाब अज़ चॉनिस बागस ।  
छावुन्य् यॅछिनय च़े म्यानि गोबरो ॥

फोलिमो ग्वलाब अज़ चॉनिस बागस ॥०॥

येलि प्योख थनय माजि गिरजस,  
नूर नोन बुथिस द्राव माजि बिमस  
द्वन बबन माजन हुन्दे अँछ गाशो ॥  
ऑही सॉनी पूशिनय हा अकनन्दनो ॥

फोलिमो ग्वलाब अज़ चॉनिस बागस ॥०॥

चु छुख असि योछमुत त्रेशिकुलुय,  
चुय छुख ऑखुर तु चुय अवलय ।  
चानि सुत्प्य् अँस्य् भवसरु तरवो ॥

फोलिमो ग्वलाब अज़ चॉनिस बागस ॥०॥

गाशि तारुख छुख सानि क्वलुकुय,  
प्रज़लवुन तु गाहँवुन रोज़तो चुय ।  
ज़िन्दु अँस्य् ति चानि नावु सुत्प्य् छियो ॥  
रुमु रेपुनुय आय ऑसिनय गोबरो ॥

फोलिमो ग्वलाब अज़ चॉनिस बागस ॥०॥

छुख गोमुह सोन नाव नेछनावुने,  
Sardar Memorial College of Education Bantalab Jammu

‘सिमस’ ‘सानस’ ‘बोनस’ बेन्यन हेछनावुने ।

लोल बैरिज्यख नखु डोख रुज्यज्यख हो ॥

युथनु मालिनिचि वत ज़ांह मशनखो हो ॥

फोलिमो ग्वलाब अज़ चॉनिस बागस ॥०॥

युस लोलु बाग द्युतुय “सुप्रियाये”,

फोलिनव तथ पोश बरजस्तय ।

शबनमु शेहजार ऑसिन रुषुल तु तनीशोय ॥

ऑही माजि ‘बिमलाये’ वॅरनयो ॥

फोलिमो ग्वलाब अज़ चॉनिस बागस ॥०॥

अथवास रुज्यनव बेन्यन तु बॉयिस,

ओगुन लोल दोगनिनव प्रथ क्वतस ।

रुतुय रुत ऑसितनव तुहंदिस बख्तस ।

ऑही पूशिनय बखतावार गोबरो ॥

फोलिमो ग्वलाब अज़ चॉनिस बागस ॥०॥





# नखि डखि अख अँकिस छि ताबेदार

अँस्य् छि बेनि बाँय पानुवाँन्य् शूबिदार,  
नखि डखि अख अँकिस छि ताबेदार।  
पानुवाँन्य् छु ल्वकचारु प्यठु मिलचार॥

नखि डखि अख अँकिस छि ताबेदार॥०॥

ज़ामुत्य् आँसिय शूबिदार माँलिस,  
माजि लोल पाकुवमुत बोरमुत थालस।  
द्युतमुत प्रथ अँकिस ह्युवुय गाटुजार॥

नखि डखि अख अँकिस छि ताबेदार॥०॥

माजि माँल्य् ल्वलि ललुवमुत यि अमार,  
छ्यनु गछिनु गछुनुय रोजुन मिलुचार।  
सुय लोल व्वलसावि कर प्वख्तुकार॥

नखि डखि अख अँकिस छि ताबेदार॥०॥

विज़ि विज़ि अख अँकिस सुत्य् रोज़ान,  
रुतुय रुत साँरी अख अँकिस यछान।  
नय कावु टाव टाव न ग्रावु बिसियार॥

नखि डखि अख अँकिस छि ताबेदार॥०॥

सुहय ओस गोमुत कर्म भूगस बन्द ।

ख्वनि ख्वनि ललवुख मोहनटोठ सरदार ॥

नखि डखि अख अँकिस छि ताबेदार ॥०॥

मान तु अवमान लोब कुन त्रावान,

प्रथ कारस ज़िठिस बाँयिस ब्रौठकुन थवान ।

ळोलाह बोरुस सारिवुय बिसियार ॥

नखि डखि अख अँकिस छि ताबेदार ॥०॥

धनु दौलत नय त्रकरि तूलुख,

ज़िछर कांछरा कति मोनुख ।

लोलु सान व्यतुरुख पानुवाँन्य कार ॥

नखि डखि अख अँकिस छि ताबेदार ॥०॥

दय सारिनुय दीतन युथुय व्यवहार,

ज़्युठ कूँछ मानुनु ज़ानुनुक गाटुजार ।

हतस वँरियस रूज़ितन यि लोल मिसाल ॥

नखि डखि अख अँकिस छि ताबेदार ॥०॥

मोहन टोठ बोय सोन ओस भाग्यवान,

ख्वनि ख्वनि रोछुख ज़नतु पानु भगवान ।

आँही करान द्राव त्रवुन यि संसार ॥

नखि डखि अख अँकिस छि ताबेदार ॥०॥



येछितनख सारिनय रुत्य संस्कार।

‘बिमस’ पनुनि गरि रूजितन यवहय व्यवहार॥

नखि डखि अख अँकिस छि ताबेदार॥०॥



## गरु अचुनस ओही नेचविस

युस छु द्वन माजन हुन्द सरमायि लो लो,

तँम्य बनोव गरु मंज द्वारिकायि लो लो।

योतहय आमुत्य् सौरी पजि मायि लो लो॥

असि बनोव गरु मंज द्वारिकायि लो लो॥०॥

छुय ज़ामुत श्रीनगरु सोन राजे,

सुय वोत पतु जोम ह्यथ बाजे।

पजि लोलु ललुनोव जसदायि लो लो॥

असि बनोव गरु मंज द्वारिकायि लो लो॥०॥

छुय युस द्वन माजन हुन्द अँछ गाश,

आसु प्रारान कर गछि पूर आश।

बाग फोलुरुनस माजि अम्बायि लो लो॥

असि बनोव गरु मंज द्वारिकायि लो लो॥०॥

फोलिथय तस आमय लोलु सबज़ार।

दय पानु रछि रेषुल तनीशायि लो लो॥

असि बनोव गरु मंज़ द्वारिकायि लो लो॥०॥

दूरि प्यठ अंग ऑशनाव आयि मुबारकस,

छु मुबारक गरु अचनस तु काहनेथरस।

लोलु बॉगरॉव मॉन्ज़ सुचित्रायि लो लो

असि बनोव गरु मंज़ द्वारिकायि लो लो॥०॥

छुय उज्जवल सानि क्वलुक त्रेशिकुल,

छुय योछमुत असि सुय फोलिनस गुल।

लगि तार तहँन्दि सुत्य 'बिमलायि' लो लो॥

असि बनोव गरु मंज़ द्वारिकायि लो लो॥०॥



## असि छि लालस अज़ मॉन्ज़ेराथ

लालस वुछव थलि थलि अज़हय दहानस,

असि छि लालस अज़ मॉन्ज़ेराथ।

यिछ खुशी यीतन कुलि ज़हानस॥

असि छि लालस अज़ मॉन्ज़ेराथ॥०॥



एवपु डुलिनुय मंज मॉन्ज ऑडरावव ।

प्वफु जिगुर जूल करि शमाहदानस ॥

असि छि लालस अज मॉन्जेराथ ॥०॥

येंजमन बायि अछिदारि ग्वडन्युक छु कार,

रथि सुय खेंसिनस छुस चिकचाव ।

फोलितन लोलु जूर मंगव ईशानस ॥

असि छि लालस अज मॉन्जेराथ ॥०॥

यि गोबुर जामुत छु विजि तय वखतय,

येलि येति ओसुय राजु तख्तय ।

अजहय मॉन्ज लागव तस वख्तावारस ॥

असि छि लालस अज मॉन्जेराथ ॥०॥

वंथिवी बेन्यव जंगि यियिव महाराजु लालस,

लोलु सान लॉग्यज्योस शूभिदार मॉन्ज ।

युसहय युथ वुछस तस छु त्युथ पानस ॥

असि छि लालस अज मॉन्जेराथ ॥०॥

मॉन्ज लागुनि आयि निचि निचि कोरे,

हुपॉर्य यपॉर्य छय बिहिथ जोरि जोरे ।

विगिनि नचुना लोगुख मॉन्ज तरानस ॥

असि छि लालस अज मॉन्जेराथ ॥०॥

वेलु वाति लालस कर मॉन्ज लागनस ।

नियाज व्वन्य सोजिव अकक्षेश्वरी थानस ॥

असि छि लालस अज मॉन्जेराथ ॥०॥

अँमिस गोबरुनि ज्यनु पोश हय फोल्स बागस,

रॉछ करोस मागस बैयि त्रागस ।

आँही 'बिमु' करोस तुलिमुलि नागस ॥

असि छि लालस अज मॉन्जेराथ ॥०॥



## मालिन्यन शॉद्य काहनेथुर

वँथिवी बेन्यव जोरे जोरे,

लोलाह बँर्यतव मालिन्यन ।

यँचकॉल्स मालिन्यन शॉद्य हय आये

लोल बँर्यतवे मालिन्यन ॥०॥

हेन्जे वँरिथुय वनुवुन हेयतवे,

रुत्स फल दीवी मँन्गितवे ।

काहनेथरस वनुवुन हेयतवे ॥

लोल बँर्यतवे मालिन्यन ॥०॥



ग्रायि मारुवोन अटुहोरये ।

हूल, च्वचि तय वरि वॅरितवे ॥

लोल बॅर्यतवे मालिन्यन ॥०॥

यॅचकॉल्य् असि गटु च़जिमुच़य,

शुस्य उज्जवलस आमत्य ।

रैषुल तनीशायि ऑही वॅस्यतवे ॥

लोल बॅर्यतवे मालिन्यन ॥०॥

वॅथिवी मासव जोरे जोरे,

ख्वरु पॅल्य् यिमन छेलितवे ।

यिसबन्द तय वुद ज़ॉलितवे ॥

लोल बॅर्यतवे मालिन्यन ॥०॥

वॅथिवी मामुन्यव जोरे जोरे,

वुज़स लोलु सान लिवितवे ।

तुम्बकनास्यन सोज़ खॉरितवे ॥

लोल बॅर्यतवे मालिन्यन ॥०॥

यिहन्दे ज़्यनुय प्यव गाह बालन,

अॅस्य् पॉर्य लगव क्वलु तारुकन ।

गाशि तारख व्वन्य् प्रज़लॉव्यतवे ॥

लोल बॅर्यतवे मालिन्यन ॥०॥

वँथिवी प्वफव जोरे जोरे,

हूल काहनेथुरस खोरितवे।

सुप्रियायि ति हेन्जे वँगरितवे॥

लोल बँर्यतवे मालिन्यन॥०॥

बोय प्यामुत बा पँथुर ज़ामुतये,

मॉलियुन्य आमुत छु नवॉनीये।

यथ शादियानस विगिनि नँच्यतवे॥

लोल बँर्यतवे मालिन्यन॥०॥

सिमी सोनू बोनू बेन्यव वँथितवे,

वरि तय खिर बॉगरॉविवे।

लोलु नचुना दिलु तोह्य वँगरितवे॥

लोल बँर्यतवे मालिन्यन॥०॥

मोरु ताज दिथ राज कोरयन,

अँस्य छि ड्यकु बजि सारेय।

बेनि बॉय सॉरी तोह्य फोलितवे॥

लोल बँर्यतवे मालिन्यन॥०॥

गटु चँलिथय गाशा आम व्वन्य,

लोलु वँगरिमख मीळ्य तय म्वन्य।

वुम्बरि वॉन्सि 'बिमलायि' पूशीतवे॥

लोल बँर्यतवे मालिन्यन॥०॥





# मेखलायि सालस यिनस

वेलु वोत मेखलायि सोन सालु यीतवो,  
 अथ रुतिस कारस दस तुलितवो ।  
 'वेनियस' 'शिवस' तय आशुहस' ऑही वॅरितवो ॥  
 अथ रुतिस कारस दस तुलितवो ॥०॥

नवि नेछिपॅतरे रुत साथ वुछि हो,  
 गोरन तय पंडितन ति प्रुछयो ।  
 कृष्ण तु बलराम जंगि यिमन यिनमो ॥  
 अथ रुतिस कारस दस तुलितवो ॥०॥

स्वनु कोरि साने पोशि बाग फोलिमो,  
 मुश्का च्वन तरफन फ्यूरयो ।  
 अॅश्कु चूरन मुश्क बागुक छावुन येछितनो ॥  
 अथ रुतिस कारस दस तुलितवो ॥०॥

मॉन्जि कुल खोरमय द्वदु सुत्य् सॅगिवो,  
 दानु दानु व्वजलि रंगु मॉन्ज फोजमो ।  
 तनिकस तु चैतन्यस मॉन्जि गुल्य् फोलिमो ॥  
 अथ रुतिस कारस दस तुलितवो ॥०॥

यँजमन बाय टेकितालु लॉगितनो ।

रुमु रेषिनुय आय यिमन कॉन्छतवो ॥

अथु रुतिस कारस दस तुलितवो ॥०॥

दुर्यबतु ह्यथ मातामाल ओरु आयिमो,

व्वलसुनस आमुत्य् लोलु सुत्यो ।

दुर्यबतु ट्रन्क गाह त्रावान छुयो ॥

अथु रुतिस कारस दस तुलितवो ॥०॥

सालुरन ऑशनावन दोरु दोर लँजियो,

मेखलि हुन्द संज करनि लँग्य् साँरी ।

सोर सामान पंडितस पिलनोवुखो ॥

अथु रुतिस कारस दस तुलितवो ॥०॥

शम्भूनाथन कलशुक यँगनि मण्डुल वोहरुयो,

वेनियस तु शिवस मेखलि पन त्रावुन ।

‘बिमलायि’ पूस्य किन्य् सिरिय ज़न खोतयो ॥

अथु रुतिस कारस दस तुलितवो ॥०॥





हतय म्याँनी कूरिये बजाह रोज़तय वॉरिवे,  
 वेलु रुतहय वोतुय व्वथि खसतय डोलिये।

हतय म्याँनी कूरिये बजाह रोज़तय वॉरिवे॥०॥

छख चुय खानुमॉज राज़ु बबस ज़ामुच़,  
 चानि ज़्यनु ओसुय यकबाल आमुत।  
 दून बायन हॅन्ज़ हय कुनी बेनिये॥

हतय म्याँनी कूरिये बजाह रोज़तय वॉरिवे॥०॥

व्वस्तुकार बोय छुय वुछान थलि थलि चे,  
 लोलु लॅदिनय सोठकव्य चीनिये।  
 म्वख्तु हार कॉत्याह लॉगिनय चे नॉलिये॥

हतय म्याँनी कूरिये बजाह रोज़तय वॉरिवे॥०॥

छोन्डुमय माहराज़ु च़ेय क्युत मै रुतये,  
 ज़नतु सरु मंज़य रॅत्न कोडमुतये।  
 लोलु बॅर्यज़्यस शोलुरॉविज़ि सोन ढोनये॥

हतय म्याँनी कूरिये बजाह रोज़तय वॉरिवे॥०॥

छय चे हॉल खसुनस मोटर कारनुय,  
 कुत्पु बलु वीर डॅल्सु समयिकि हालय।  
 कोरि वोल सुह ऑसिथ बनान शॉलिये॥

हतय म्याँनी कूरिये बजाह रोज़तय वॉरिवे॥०॥

आयख बागन्य स्यठाह दूर करिये,  
Gandhi Memorial College of Education Bantalab Jammu

कर्म लीखायि चैय अथु डोलुये।

लोलु मस चाँवजेख बॅर्य बॅर्य टूरिये॥

हतय म्याँनी कूरिये बजाह रोज़तय वॉरिवे॥०॥

छिहम तीचाह स्वन्दर हय सोनू कूरिये,

चश्मु चाने ज़नतु छय पोशि टूरिये।

ड्यकु बजर नीरिनय हय 'बिमुन्य' कूरिये॥

हतय म्याँनी कूरिये बजाह रोज़तय वॉरिवे॥०॥

लोलुय लोल बॅर्यज़ि पनुनिस बागस,

तनु मनु सगविजे दूहस रातस।

अदु हय बागस नेरन मुश्क अदुफ़ँरिये॥

हतय म्याँनी कूरिये बजाह रोज़तय वॉरिवे॥०॥

यवसु कूर शुबुरान नाव मॉलिस माजि हुन्द,

तस ऑशीर्वाद आसान दीवन हुन्द।

योछनुय भूगुन राजि रेनि तोनुये॥

हतय म्याँनी कूरिये बजाह रोज़तय वॉरिवे॥०॥





वोवुम लोलु ब्योल मे तर तथ द्राम,  
मे माँजय व्वन्य् यि बाग फोलुराव ।  
चु वॅरिज्यम रॉछ बु छस नादान ॥

मे माँजय व्वन्य् यि बाग फोलुराव ॥०॥

मे छम वॉलिंजि गछान दुबुराय,  
कनव बोज्ञान छसुय टासुरॉय ।  
मे पोशुनूलन विचुन बोज़ुनाव ॥

मे माँजय व्वन्य् यि बाग फोलुराव ॥०॥

मे हारि चुर्यग्युश माँजय बोज़ुनाव,  
मे बुलबुल सुन्द ह्योर वुडुन वुछि नाव ।  
मे ह्यसु होशदार पोश फोलुराव ॥

मे माँजय व्वन्य् यि बाग फोलुराव ॥०॥

प्यठय बानय च़ेय वठ कोरथम,  
मे नय तोति त्रोव चोन दामन ।  
दया करुम व्वन्य् मे ओश व्वथुराव ॥

मे माँजय व्वन्य् यि बाग फोलुराव ॥०॥

सु मोनुम ओसुम कर्म भूगुय ।

व्वन्य् मु थाव ग्राव मे मय मन्दुछाव ॥

मे मौजय व्वन्य् यि बाग फोलुराव ॥०॥

छसय मौजय स्यठाह तरसान,

चु क्याजि छख लागान जॉनिथ अनजान ।

मे कुकिलि कुमरि हुन्द सोज़ बोज़ुनाव ॥

मे मौजय व्वन्य् यि बाग फोलुराव ॥०॥

स्वय छय टॉठ कूर स्यठाह तरसान,

व्वन्य् मौजय तस ति कासतम हान ।

छय 'बिमला' चूरि ओश हारान ॥

मे मौजय व्वन्य् यि बाग फोलुराव ॥०॥

मे वुछमख मौजय सोपनस मंज़,

सु ऑसुय नवरात्रा दोयिम मौजय ।

बिहिथ कूरा मे ख्वनि भावु सान ॥

मे मौजय व्वन्य् यि बाग फोलुराव ॥०॥





युस राजस म्यॉनिस राज थव्यम,  
 त्युथ राजदार मॉजॉय वुछतम ।  
 युस साजस म्यॉनिस सिंगार कस्चम ॥  
 त्युथ साजदार मॉजय वुछतम  
 चु नेरुतय मॉज लोलु बाज़रस  
 मे क्युत त्युथ खरीदार वुछतम ॥०॥

अलाव येति हेयम मे अँश्कु नारस  
 वातुनाव्यम मे सुत्य् कारुवानस  
 युस शेस्तुर हॉन्कुलि सुत्य् गंड्यम  
 त्युथ खारु वान मॉजॉय वुछतम  
 चु नेरुतय मॉज लोलु बाज़रस  
 मे क्युत त्युथ खरीदार वुछतम ॥०॥

प्वरुतय वॉरिथ मंज़ नारु बछि मंज़,  
 स्वनर कॉन्टस प्यठ तोलेयम  
 गॅरिथ चॉरिथ युस नॉल्य् त्राव्यम  
 त्युथ स्वनुराह मॉजय वुछतम ॥  
 चु नेरुतय मॉज लोलु बाज़रस  
 मे क्युत त्युथ खरीदार वुछतम ॥०॥

युस लोल बरि म्याँनिस लोलस

Gandhi Memorial College of Education Bantalab Jammu

म्वल करनि नेस्यम बाज़रस

युस द्रोपदी ज़ांह नु लाग्यम दावस

त्युथ ह्युव श्री कऋष्णा वुछतम ॥

चु नेरुतय मॉज लोलु बाज़रस

मे क्युत त्युथ खरीदार वुछतम ॥०॥

युस रॉछ कस्यम वावस तु कावस,

रछम युस त्रेटि तूफानस

युस छटि निशि रछि हरदु ग्वलाबस

त्युथ कॉर्यगर बागवान वुछतम ॥

चु नेरुतय मॉज लोलु बाज़रस

मे क्युत त्युथ खरीदार वुछतम ॥०॥

नय छस ग्वलाब तु नय क्वंगय

मुश्क फेस्यम अदु अंगु अंगय

युस पनुन्य प्रज़नथ मे बखशम ।

त्युथ गुलोकार 'बिमलायि' वुछतम ॥

चै नेरुतय मॉजु लोलु बाज़रस

मे क्युत त्युथ खरीदार वुछतम ॥०॥





# बु हय यिमय सालु चोनुये

दोपनम नॉगरायन चु छख हीमालु,

बु हय यिमय सालु चोनुये ।

नतु व्वलु मेय निश तलपाताल ॥

बु हय यिमय सालु चोनुये ॥०॥

नॅजदय वनस मंज़ कुनज़ोन छुस,

अनज़ान वतनुय फेरान छुस ।

मजनून रुसवा बैयि वुफलवाल ॥

बु हय यिमय सालु चोनुये ॥०॥

हिय तु मसवलि हय लोल बोरुनम,

पोशि नूलन ति ओश व्वथरोवनम ।

व्यसुरस यि मा छम नॅव कांह चालु ॥

बु हय यिमय सालु चोनुये ॥०॥

बालु पानु प्यठय च़ेय लोल बोरुमय,

होशि प्रेम पोशि डालि च़ेय सोज़ुमय ।

लोलु रस चावहथ बॅर्य बॅर्य बु प्यालु ॥

बु हय यिमय सालु चोनुये ॥०॥

व्वल गछव शालमॉर गिन्दने दुबार,

Gandhi Memorial College of Education Bantalab Jammu

कुमुर्य कोस्तूर्यन ति साल करव ।

प्रेम रस गुतुल चमव रोज़ि यिनु मलालु ॥

बु हय यिमय सालु चोनुये ॥०॥

वॉन्सा गॉयि असि लोल ललुनावान,

पोज़ अपुज़ वॅर्य वॅर्य गरु पकुनावान ।

हॉन्कलु वछु त्रॉविथ यि मारान छाल ॥

बु हय यिमय सालु चोनुये ॥०॥

जामु शामु रंगुकिय पॉरावोन,

लूकु कथा व्वन्य् नॅव अॅस्य् थावव ।

‘बिमला’ ति लॅसितन ह्यथ पनुन अयालु ॥

बु हय यिमय सालु चोनुये ॥०॥



## फ्रट्य वॉलिंजि गोम डुबडाँस

बडि बडि बुडो मो कर चास,

फ्रटय वॉलिंजि गोम डुबडास ।

ज़न छुय लोगमुत कथु बकवास ॥

फ्रटय वॉलिंजि गोम डुबडास ॥०॥



असिहा येति छुय वांगुजवोर ।

दबव तु दुस्यव कोरहम डास ॥

फ्रटय वॉलिंजि गोम डुबुडास ॥०॥

मे कोतुय गोव सु पनुन लरि छाख,

कॉमिय छटुनोवनस वति प्यठ बाख ।

चॅल्यमुत्य बुलबुल ऑलिस कोरुख ग्रास ॥

फ्रटय वॉलिंजि गोम डुबुडास ॥०॥

यि कुसुय तावन बुडिथुय प्योम,

गरु मंजु दकुविथ नेरुन प्योम ।

मदतस तति ऑसुम प्वफ तु मास ॥

फ्रटय वॉलिंजि गोम डुबुडास ॥०॥

सीरु फुटजन हय गन्ड यलु गोम,

शुस्यन हुन्द गिन्दुन ताम हय ज़ायि गोम ।

दारि दजि बुज़ि प्रोन अथवास गोम ॥

फ्रटय वॉलिंजि गोम डुबुडास ॥०॥

पंडित बटा ओसुस बु खास,

यज़ुथा ओहदा तु लोलाह खास ।

खॉली अथन कत्यन रूद अथवास ॥

फ्रटय वॉलिंजि गोम डुबुडास ॥०॥

वक्त मॉर्य लोल गोव अडचोट,  
Gandhi Memorial College of Education Bantalab Jammu

व्वन्य कुस कससना करि अथुरोट।

पनुन्यव हय कोड लबि कुन रास॥

फ्रटय वॉलिंजि गोम डुबुडास॥०॥

व्वथि बुजी व्वन्य बोजी यि कथ,

यथ व्यवहारस हय दिमव लथ।

“बिमसु” तय शिबनजियस रूज़िन अथवास॥

फ्रटय वॉलिंजि गोम डुबुडास॥०॥



## सु हय छुम चवान सरि शामय

वेसिये दिलुक दोद कस बो बावय,

सु हय छुम चवान सरि शामय।

छु व्वन्य सीर कथ गयि आमय॥

सु हय छुम चवान सरि शामय॥०॥

वेसियेदोदकूत चूरि ललुनोवुम,

बोवुम नय सीनस दफुनोवुम।

ढख व्वन्य हय गयि शहरु गामय॥

सु हय छुम चवान सरि शामय॥०॥



चफक्कल्य ति कुनिनम फोतु म्वलय।

खुलु डुलु चोनम खून दामु दामय॥

सु हय छुम चवान सरि शामय॥०॥

येलि मे दोपुमस मतो चतो लालो,

वोनुनम दि बैर्य बैर्य लोलु प्यालो।

पकु ऑसिथ क्याज़ि द्रायस बु खामय॥

सु हय छुम चवान सरि शामय॥०॥

द्वहँ अकि वोनुनम तँमि मदनवारन,

वाद् अख म्योन करुन छुय पूर्ण।

गंगु ज़लु विज़ि ति दिज्यम अख जामय॥

सु हय छुम चवान सरि शामय॥०॥

येलि आयस बागुन्य बु तस यारस,

पशपान ओसुम नूर बुथिसुय।

रवपु तन हय व्वन्य सपज्म त्रामय॥

सु हय छुम चवान सरि शामय॥०॥

रुमन रुमन लोल यारु सुन्द छुमय,

छस नु ज़रान लोल छुम जिगरस।

चीरु रोट दामानु 'बिमन' यि पानय॥

सु हय छुम चवान सरि शामय॥०॥

दूहँ अकि वादा ह्योतुन गोबरस,  
Gandhi Memorial College of Education Bantalab Jammu

ऑखुर श्रान येलि आसि करुन मेय ।

आबस मिलनॉव्यज़ि सासुबॅद्य जामय ॥

सु हय छुम चवान सरि शामय ॥०॥

अमि बिदतु कौत्याह गरु गॅयिय वुजारु,

कौचहव लंजव प्यठ बुलबुल चॅलिय ।

कैह गयि अडुफोल्प् कैह रूद्य खामय ॥

सु हय छुम चवान सरि शामय ॥०॥

वैसिये दिलुक दोद कस बो बावय ।

सु हय छुम चवान सरि शामय ।



## तला मालि यिय बेयि वनतम

वलय मॉजय मे निश बेहतम,

तला मालि यिय बेयि वनतम ।

मेहा गोबरो अँन्दरी छुम दम ॥

तला मालि यिय बेयि वनतम ॥०॥



तनय बू शिगनुनु हो आयस ।

छस वदान करू नेस्यम यि दम ॥

तला मालि यिय बेयि वनतम ॥० ॥

छुम मे गिन्दान फुटुबाले ज़न,

छसस बू फेरान च्वन तरफन ।

जल गछान छुस रोशुन खत्म ॥

तला मालि यिय बेयि वनतम ॥० ॥

मेहा तति कोताह डोलुवुन ओस,

येतिहा बायन लँजवु ठोसुठोस ।

छसु यछान वापस नीहम यम ॥

तला मालि यिय बेयि वनतम ॥० ॥

छेनिमा तार लोल सेतारस,

साज़ छेन्यम कति व्वन्य् वायस ।

लोलु रागुय गँयम पनु पनु ॥

तला मालि यिय बेयि वनतम ॥० ॥

लूख छिम वनान बटनि रोव ओल,

यनय मूद सुय हो चोन मोल ।

छुम गछान अमि कथिय ज़म ॥

तला मालि यिय बेयि वनतम ॥० ॥

हारि होखिमा वारि साँरी पोश,  
Gandhi Memorial College of Education Bantalab Jammu  
चॅलिमा दूर गॅयनु रोपोश।

छस वदान कस बु बावु गम॥

तला मालि यिय बेयि वनतम॥०॥

छमनो मशान वुनि स्वय गटय,

आकाशि पेयि येलि स्व त्रटय।

लार वॅरुख असि ओसुख चमु खम॥

तला मालि यिय बेयि वनतम॥०॥

छस यछान गरय बु गछुहा,

तमि दर्शनु शबनम फ्वलुहा

‘बिमलायि’ यि कथ दुबारु वनतम॥

तला मालि यिय बेयि वनतम॥०॥



## बु यनय द्रायस पनुने गरय

बु यनय द्रायस पनुने गरय,

मे ओसुम लोगमुत मरु मरय।

फीरिथ गछुहा पनुन गरय॥

बु यनय द्रायस पनुने गरय॥०॥



व्वथ कर सखर वॅशीरि चकरस गछव ।  
तिमन वतन लजम अँछ मे दरय ॥

बु यनय द्रायस पनुने गरय ॥०॥

बु वॅशीरि वॉचुस सरि शामय,  
थख कोड डलगेटु निशि पानय ।  
हाउस बोट ओस सानि रोजुनुक गरय ॥  
बु यनय द्रायस पनुने गरय ॥०॥

नारु ऋख ज़न गॅयि बटन्य आयि,  
शायद व्वलुसनस आयि प्रानि मायि ।  
सानि बेह, म्यानि बेह, लॅज दरु दरय ॥  
बु यनय द्रायस पनुने गरय ॥०॥

हाउस बोट मॉलिकेनि ओस पथुकुन गरय,  
यूत ह्योकमुत त्यूत लूटमुत डलय ।  
डलुक्य पॉन्य वोनुनम च़े रोस मरय ॥  
बु यनय द्रायस पनुने गरय ॥०॥

सु म्योन डलु कूत श्रवकनुय आमुत,  
ज़न दम फुट्च गोमुत क्यु मॅशमुच़ ।  
तसुन्द पोन्प डीशिथ गोम ज़रु ज़रय ॥

बु यनय द्रायस पनुने गरय ॥०॥

सुबहस द्रायस नावि सॉलस

Gandhi Memorial College of Education Bantalab Jammu

पंबचन तु ख्यलवॅथरन बुथ वुछुहख ।

अथव सुत्प सॉरिम अँछ लजम दरय ॥

बु यनय द्रायस पनुने गरय ॥०॥

वोनुम हॉन्जबॉयिस पजर वनतम,

यिम ख्यलुवॅथुर त पम्पोश कोत गॅयम ।

वोनुनम तिमन ति लोग मरु मरय ॥

बु यनय द्रायस पनुने गरय ॥०॥

विनीयन वोन शिवस नानी बोड गरय,

अँस्य येतिय रोज़व गछव नु वापसुय ।

“बिमु” नानी वदान अनु कति पनुन गरय ॥

बु यनय द्रायस पनुने गरय ॥०॥

मे ओसुम लोगमुत मरु मरय ।

फीरिथ बेयि गछहा पनुन गरय ॥





# गाडु छो गाडु मा हेयिव

जॉनु वॅदलु गाडु हॉन्ज़न्या ऋख दिवान,  
 द्रायि हो  
 गाडु हो गाडु हो  
 गाडु मा हेयिव हो  
 ऋख दिथ गाडु हान्ज़न्य  
 जॉन देदि हुन्द चायि हो  
 गाडु गाडु साँदुरवार गाडु छवो  
 जून द्यद अँन्दरु प्यठ दवि आयि हो  
 वोननस गाडु टठुल ब्वनकुन थव तु यो  
 गाडु हान्ज़नि वोननस वॅदलु तलुच छे हो  
 चाँनी द्रुय छम चानि लोलु अनिमयो  
 साँदुरवार गाडु हो  
 लोलु मायि हेय तवो  
 जूनि वोननस त्रकरि संग मय छुयतयो  
 म्यानि कनि छुय ख्वदाय हय लो  
 तोलि व्वन्य शे किलो सुत्प पँठुर तु यो  
 वनी गाडु हान्ज़ने कुचु र्वपयि दिमु बो  
 गाडु हान्ज़नि फीरिथ वोननस  
 जूनि बाह शत हो  
 जूनि गोव फ्रठ, वँस्य पेयि तँतियो  
 हतय मे नय सारि टठुल्युक म्वल प्रछमयो

गाडु हो गाडु हो, गाडु मा हेयिव हो  
हान्जन्त्य ऋख दिवान द्रायि हो  
दोरि दोरि दवि दवि जून हान्जुनि निश आयि हो  
वोननस चोर किलो शीरिथ त्रावि हो  
जून देदि अँछ दुव्य दुव्य वुछान न्वशि हो  
यि कवसय त्रठ पेमुच यथ वखतस हो  
स्वनु म्वलस छख गाडु हेवान हो  
यीनय खानदार तस सोरुय वनय बो  
मुशरॉन्य अयाश, जूनाना गरु अनिमुच छथन हो  
जूनि द्रायि न्वश डालु मॉरिथ खोवुर हो  
वोननस चु छख वँछमुच यँचकॉल्य नेन्दरि हो  
गाडु छय द्वयि हेति तु माज त्रैयि हेति हो  
व्वन्य मय जून देद्य पाम दिख मेति हो  
असि क्याजि न पूरान छुयो हो  
व्वन्य त्रावख गाडु खेनि च ति हो  
ख्यख हाकु नल हो हो  
गाडु हान्जेन ब्रौहकुन ऋख दिथ द्रायि हो  
गाडु मा गाडु मा गाडु मा हेयिव हो





# तानु तानु पानुबॉन्य

(लडीशाहस तु लडीशाह बायि हुंद वादवाद)  
 चु कथुय मालिन्यन करान फॅरियाद  
 हॅज वॅज ऑसिथ छख थ्यकान बाद  
 तोति छुसय वनान गछ च आबाद  
 यि छु म्योनुय बजर दितु अथ दाद  
 बु ति हा ज्ञानु चोन ओल वांगुन  
 खॉली छुख खबर क्याह छुय चै बॉगरुन  
 बान्ड पॉथुर वॅरिथ हेछथ नचुन  
 ती छुहम थ्यकान छुसय बोड म्यूजिशन  
 गरु गरु फेरान तु दॅहरु वायुन  
 तुलि व्वन्य अडवॅज चै गोयय दम  
 बख बख मय कर कथुय प्योय बम  
 क्याज़ि विज़ि विज़ि पाम दिवान छिहम  
 मे हय आयि गामु शहरु रिशतु कम कम  
 अॅम्य रॅहिम बांडन गटु वॉजिनम  
 मोल मॉज कथू प्यठ द्रायिय बाज़र  
 डिशिकॉनिस कति बनिहेख खांदर  
 अॅमिय रॅहिम बांडन नियि असि चादर  
 खोद्व सिक्कु ह्यथ तिम ऑस्य दर बदर  
 बॅल्य मेहा बनिहे कुस रून बय फादर  
 हतय अडकॅजी मय कर बख बख

बुहय फुटरावय मुश्त सत्य त्रख

Gandhi Memorial College of Education Bantalab Jammu

यिनय वख बंदुलाविह पनुन र्वख

अडवॅंजी तिति छय रोखस ड्वख

बु हय छुनथ त्रॉविथ अदु वसी फ्वख

हतो डिशिकान्यो मो दिम पाम

मे हा आयि रिशतु शहरु तय पहलगाम

कर्म लेखायि यि चोनुनम व्यडाम

तनु मे ब्रॉहकनि छुय क्याह चु दाम

प्वखतुकारस अगादि वॅंरहम खाम

य्वहय प्यव तावन यथ वक्तस

क्वकस्यव दिच बांग बेछि तखतस

चे हय छुय जय जय कार बख्तस

वलय यूर्य कुन मीढ्य हय करय ड्यकस

दिय व्वन्य गोश मतु खसतु नखस

लडीशाह बायि दम गव कलु नोमरुन

लोत पॉढ्य बेयि तस पाम पिलुवान

छैन्य मॅट छुख वज्ञान

तोसस छा नर्मी पोट फुहुर आसुवुन

मय हाव मे लॉज़ तलु बेह लोब कुन

“बिमन” वोन शिभन जियस छुहम खानुमोल

ओल रोव सुती बेयि रॉव्य टोठ मॉज मोल

बोबूजियन वोनमुत ऑसय छिय दतात्रेय कौल

ऑस्य मायि बेयनहुन्ध्य पॉढ्य तिलुवां कौल

ऑमव तु मिसस्यव पोज़ रिशतु पोल



बोझि वेसिये दिलबर गरु आमय  
दिलबर गरु आमय  
प्रानि लोलु नवि शौकु आमय  
यार हय आम, यार हय आमम ।  
बोझि वेसिये दिलबर गरु आमय ॥

लोलु मोत सु लोल छावुनि आमय  
लोलु छावुनि आमय  
साज़ु सिंगार नवि आयि करुसय बो  
यार हय आम, यार हय आमम ।  
बोझि वेसिये दिलबर गरु आमय ॥

लोलु कुल्यन अज हय फल मै द्रामय  
अज़ हय फल मै द्रामय  
वोवमुत ब्योला अज़ खलि द्रामय  
यार हय आम, यार हय आमम ।  
बोझि वेसिये दिलबर गरु आमय ॥

यँचकॉल्य् अज़हय दीदार होवुनमय  
अज़ हय दीदार होवुनमय  
जलुवय हॉविथ तंबुलावुनि आमय  
यार हय आम, यार हय आमम ।  
बोझि वेसिये दिलबर गरु आमय ॥

वोनूनम ल्वति पॉठ्य रोज़य दूह तारय

Gandhi Memorial College of Education Bantalab Jammu

रोज़य दूह तारय

सरु करनि सु हय यार आमय

यार हय आम, यार हय आमम ।

बोज़ि वेसिये दिलबर गरु आमय ।।

सँन्यचूर सन दिथ वापस हय द्रामय

वापस हय द्रामय

त्रेशिवय मल अभिमानुक्य हँरिथ द्रामय

यार हय आम, यार हय आमम ।

बोज़ि वेसिये दिलबर गरु आमय ।।

प्रानि लोलु नवि शौकु आमय ।

यार हय आम, यार हय आमम ।।



**बेयि करुहव अख लोलु मुलाकात**

सख लोल आमुत छुम प्रोनय वेसिये,

बेयि करुहव अख लोलु मुलाकात ।

बोस फॉन्फलॉविथ गुदुरुन बावहय वसिये

बेयि करुहव अख लोलु मुलाकात ।।० ।।

CC-O. Agamnigam Digital Preservation Foundation



यिमवय अँन्दस्य वठ कोरमुत छुम

फ्रठ छुम गोमुत दूर करतम वेसिये ॥

बेयि करुहव अख लोल मुलाकात ॥०॥

कोताह मेछर असि लोलस ओस,

स्वखु सान पानुवॉनी रोज़ान ओस्य ।

लोल मूलन वॅम्प द्रोत वोय वेसिये ॥

बेयि करुहव अख लोल मुलाकात ॥०॥

काँत्याह खाब यिकुवटु ओस्य वुछिमुत्य,

लसुव बसुव बेयि हय बजाह रोज़व ।

लोह रोवमुत तॉमीर नोव खारव वेसिये ॥

बेयि करुहव अख लोल मुलाकात ॥०॥

दारि दजिनय त्रॅप्य यलु छिम गॉमुत्य,

यिमन असि ल्वकचारु ग्युंदुमुत ओस ।

त्रोप रोफ वॅरिथ नविसरु सुवतु वेसिये ॥

बेयि करुहव अख लोल मुलाकात ॥०॥

लोल बागस यिमु वॅन्ड्य खँत्य मुत्य छिम,

वलु यिकुवटु मीलित्थ चारव तिम ।

मिलुचार तु लोल बाँगरावव वेसिये ॥

बेयि करुहव अख लोल मुलाकात ॥०॥

गरय छु पनुन ऑखर स्वर्ग आसवुन।

डुडुनय यिमय दुर्यबतु साल करमि वेसिये॥

बेयि करुहव अख लोलु मुलाकात॥०॥

तलय ह्यतु साम लोलस यि क्यासना गव,

लोलु म्वख्तु मालि क्याज़ि सना छ्यन लोग।

व्वथ लोलु म्वख्तु मालि यिकुवट्ट वुरव वेसिये॥

बेयि करुहव अख लोलु मुलाकात॥०॥

नेरान नेरान 'शफीकय' चे वोनथम,

गछि 'बिमय' स्यथ खंड गरु च्य त्राव।

रामचन्द्रुन वनवास ति पथ गोम वेसिये॥

बेयि करुहव अख लोलु मुलाकात॥०॥



## दग ( नज़्म )

वह्य यि क्युथ दोद

वाह्य यि किछ दग

जिगर छुम ज़न छ्यनान

अमाह सु सीनस वेंडुरमुत दोद

व्यस्थापनुक तु बेयि कुस



ओह! सु वक्त  
येम्य वलगनुत द्युतनम तु  
कोहन बालन लॉजनस  
न, न  
सु कपॉर्य यियि बेयि पोत फीरिथ  
मे हय सु पानय वॅडुरोव  
दफन कोर  
वक्तुचिय कबरि मंज़  
उफ! मसॉ कर पानाह सु वक्त  
चिह्य तिम हॉदिसु  
तिमु लाचॉर्ययि तु मजबूरियि सानि  
सॉन्य ज़िन्दु रूद्यमुत्प ब्रुन्ज्य यिम वॅरी वाद ऑसिम बासान  
ज़ान्यम पान तिमव कूत वदनोवहस बु  
कॉत्याह ज़ख्म दितिहम  
न, न यि छेनु स्व दग  
यि कति छु सु दोद  
तेलि आसुहेन ना मे अथस क्यथ

सामानु फुटजि गॅन्डिथ  
ज़ि बु कत्यथ त्रावु डेरु यपॉर्य लोच लोच दग  
हुपॉर्य बुथिस प्यठ क्वसताम खोशी  
यि हवाहन ति ज़न अज़ मीठ मीठ  
ज़न तु नालुमॅत्य करान  
मे वुछ वुन्य वुन्य ऑनस मज बुथ

मे ज़न त बुथिस नोवुय नूर पशपान

Gandhi Memorial College of Education Bantalab Jammu

यि क्याह नोवुय श्वगरफ पशपान

कनव ज़न ह्योत कुसताम साज़ बोज़ुन

टोठ लूकु बॉथा रँस्युल

हु कुस बु कुस

तेलि वन चु कुस

बु बोज़हा बॉय बु चमुहा यि स्नेहुल हवा

तु दिमु हा यथ पॉनिस कुनुय दाम

बु निमहा यि सोरुय सब्ज़ार अँछनमंज़

ति क्याज़ि व्वन्य छुनु मे शायद- !

हटरि हटरि फेरुन

यि वक्त रुकिहे येतिय

तु अनिहे सारिनुय बेयि वापस

लूख छिना थँकिमुत्य छेनिथ पेमुत्य

वति वति फीर्य फीर्य अनज़ॉन्य वतव

ओ बु छसय नादान च़े तु रुकुन नु हिशरुय अवय

छु गम नच़नावान हुपॉर्य यपॉर्य तु च़वापॉर्य

अमापोज़ यि दग !

द्वहली वुछिनावनावान कम कम खाब

गरु वापसी हुन्द मन व्वलसावान नाहकय

म्यानि भगवानु च़े क्याह ओसुय

असि क्याह ओस यूत कोरमुत जि ऑस्य

छुनिथ पनुनि ज़्यनु जायि मंज़ न्यबर छकरिथ

तु तापु च़ंजन कनि वटन लॉगिथ

यि दोदमुत जिगर ह्यथ !



# वृद्धस्य गौमत्य् खाब

अँछन मंज नैन्द्रि ज्वलि हुन्द खुमार  
 ह्यथ मोदुर नोव म्यूठ अमार  
 अँछर वालव शेरांन ज़ून डब  
 मखमँल्य् फर्शस दिवान ऑस छठ  
 शेरांन जाय ज़न पनुनिस यारस नूरि जहानस  
 प्रारान ऑस स्वय पनुनिस जानानस  
 हमेशि बहारस ज़नतु स्व मसवल  
 ग्वलाब थरि तय जाफुर्य पोशन  
 यिमन ज़न सारिनय सोसुन फ्यूरमुत  
 किस्मिज्य रंग  
 मे वुछमस थलि थलि  
 अमाह यि कँम्य वदुनॉवमुत्य्  
 यि छे अँछन मंज शबनँमी ओश बँर्य बँर्य  
 नोवुय अख ताज़ु तॉमीरा  
 नवि आयि बनावनुच सखर करान  
 तामथ गयि ज़ोरु गगुराय  
 मुदय डँजिम  
 सु हुहुन कुटुकाल  
 ओबरु लॉग वुछुम बाम्बरिलद ह्युव  
 काह चँटिथ ओस दवान  
 तस ज़न ऑस्य् पतु लारान

सह शाल वनहन्य त हांगल

Gandhi Memorial College of Education Bantalab Jammu

खबर कति अँनिन रँटिथ नरि वँरिथ स्व वुज़ुमल

मखमँल्य चमनस मंज़ द्युतुन थख

हुशार गँयि यँम्बरज़ल

मोदुरि नेन्दरि मंज़

सु कति सु खाब

स्व किछ सँन्यकेसर कुम्युर तु कोस्तूर

अति कुकलि तान्य कलु नोमरिथ

दिवान नालु तु छटान बाख

ब्रोहकनि प्योमुत ओस

अडदोद बोम्बूर

स्व आयि हुकु तु नालुमति रँटिथ दितिन व्यदाख

म्यानि दयि व्वन्य कौत्याह खाब

गछनम वटुस्य !

कम लोलु खाब !



**क्याह त्रौवुम क्याह प्रौवुम (नज़्म)**

चै प्रुछथम कवु छुख दम फुद्व्य म्यानि यारय

हना रठ कदम वलु बोज़ कथ तारय

वनय क्याह पनुन गरुबार त्रौवुम



मे ययि सुल्लोनुक कोरिथ गुलज़ार रोवुम  
 मे कौशुर बोलबोश ताम मॅशरोवुम  
 मॅशरुम मॉजि बूल्य् मॉल्य् मीरासु रोवुम  
 अथव सुत्य् रोज़नुक सु होल  
 नहनोवुम  
 खता छुम मे तम्मदुनी  
 मीरासु न्योवुम  
 अवय छस दमफुट्य् गॉमुच म्यानि यारय  
 अवय छिम अँछव वसान अशिक्य आबशारय  
 मे फोलमुत ओसुम गुलज़ार शूभिदार  
 सजॉविथ मे ऑसिम निशात तय शालुमार  
 हुपॉर्य आयि हर्दुन्य छठा कोरुन लुरुपार  
 नियन मूल प्रॉटिथ गुलन लॅज लारुलार  
 तुजिख दव तु चॅल्य् दूर येति नु दर तु देवार  
 लबख कति लालज़ार वुछख कति गुलज़ार  
 वह्य क्याह मे रोवुम  
 हय क्याह मे प्रोवुम



## संशय (नज़म)

खबर च़े कुस छुय वनान  
 चु छुख जान  
 ति वॅरिथ आसख ना  
 होश पोशनूल छि थख पानस नखु थॅव्यमुत्य्

पानस निश दँछिन्य तु खोवस्य  
 बु मानुहथ तेलि चु जान पँज्य किन्य  
 येलि असि सारिन्य होशि पोशि डालि मंजु  
 रछा रछा अथ तुलिथ यिहखु ज़ांह  
 ग्वडु छुख पानु चु ऑकाशस प्यठ  
 चे कुन वुछुन छु कठ्युन इन्सानस  
 यँहय छा नदामत, येहय छयि रहमत  
 दपान इन्सानस गछि नमी आसुन्य  
 मगर मे बासान  
 बु चानि खवतु जान  
 मे छम नदामत नर्मदिली छम  
 मे छु लूकन हुन्द  
 द्वख वदनावान तु स्वख असनावुन  
 चे क्याह खबर छय  
 कॉन्सि हुन्द वदुन तु असनुय  
 वदुन कवु तय असुन कथ प्यठ  
 मे मा वुछमख ज़ांह वदन वॉलिस  
 ओश व्वथरावान पानु ओश हारान  
 खबर वौनुम क्याह  
 ज़ुंहय न वुछमख असान व्वलसान  
 येम्सि तु हुम्य सुंज खोशी चु डींशिथ  
 कॉत्याह बुनिल्य चॉल्य तु सीनु दोरुन  
 येलि कृत्यन त्रटु तु तूफानन यॉग्य हमलन  
 अमि माजि कोताह ओश आसि होरमुत  
 मगर मे वुछमख नु ज़ांह चु



ज़ाह करान चु अथुरोट  
 तेलि कथ सना प्यठ चुय खँसिथ  
 असमानस तु कोहँ थ्वंग्यन प्यठ बेहान थज़रस  
 च़े क्याज़ि छिय लुख वनान  
 रहीम चुय तय शफीक दयालय  
 चुय छुख भगवान, अल्लाह तआला  
 वनान बु छुस ख्वर ज़ु ठीकराँविथ  
 छुस अवु बु इन्सान, बशर बुय छुस  
 बु छुस जान च़े खोतु वाराह  
 बनून तु छुखना बोज़ान  
 मे छुनु बरदाश गछान यि सोरुय  
 बु छुस कुनिय दोरि यिवान लारान  
 नालुमति रटान द्वखुज़द  
 अकार बकार तस यिवान वंदान रथ  
 मे वनतम वँगमिस च़ेय ओश व्वथरोवुथ  
 सु लागि मे विज़ि विज़ि बु छुस तस नखु फ्योक  
 करय वरी वादन च़े ज़फ तफ स्वकति छे फुर्सथ  
 थवान ज़्यनु ब्रोंठ मरुन चु लीखिथ  
 यि क्वस ख्वदाँयी, ख्वदावँन्दी किछ  
 अवय वौनुमय बु छुस इन्सान बँनिथुय स्यठाह जान  
 ही मूक्ष्य दाता ही बडि दयि परमात्माहँ  
 'बिमस'दितु यथ प्रश्नस व्वतर  
 मे राथ द्यन छुम यवहय संशय

कुनि कुनि रुत्य लाल छिय ज्यवान वुनिते  
अस्य क्याजि छिय वनान तिम गॅयि कोतये  
यिम गॅयि तिम कति दुबारु यिन योतये ॥

अस्य क्याजि छिय वनान तिम गॅयि कोतये ॥०॥

कोताह वदव व्वन्य नॉदिम छु कतिये  
द्राव सुति फोलुरॉविथ सोन बाग ।  
यवसय तॅम्य वथ हॉव अस्य पकव प्यठ तथिये ॥

अस्य क्याजि छिय वनान तिम गॅयि कोतये ॥०॥

‘ललदेदि’ ‘अर्यणि’ तय ‘रवपि’ यि शेछ वॅनिये,  
वाख वाख तिम कॉत्याहन सॅनिये ।  
‘बिमलायि’ तु चन्द्रायि हिरि तिथुय खॅतिये ॥

अस्य क्याजि छिय वनान तिम गॅयि कोतये ॥०॥

शूभिदार शुर्य सानि माजि ज़ामुतिये,  
‘कृष्ण जू’ ‘परमानन्द’ ‘ज़िन्दुकौल’ रुतिये ।  
‘सायिलन’ तय केवलन नालुमति रॅट्यमुतिये ॥

अस्य क्याजि छिय वनान तिम गॅयि कोतये ॥०॥



‘महजूर’ इकबाल ‘रही’ ज़ामतिये,

‘जौहर’ ‘गौहर’ ‘कुन्दन’ दित्यमतिये ॥

‘शाद’ सॉबुन्यव गज़लव शाद वॉरिमत्ये ।

अँस्य क्य़ाज़ि छिय वनान तिम गँयि कोतये ॥०॥

‘हताश’ गँछिथ मतु हेयिव ‘संयासये,

बालकृष्णस ज़ार पार वॉरितवे ।

‘मोहनन’ ‘नादानि’ ‘अन्ज़ानि’ लेखुन ह्योतये ॥

अँस्य क्य़ाज़ि छिय वनान तिम गँयि कोतये ॥०॥

द्रायि यिम फोलुरावुने सोन बाग येतिये,

दिलुक दोद सॉरीय छिय बावुनये ।

सुय ब्योल कॉशुर असि नोन कडुनये ।

अँस्य क्य़ाज़ि छिय वनान तिम गँयि कोतये ॥०॥

छेवुरावव हसदुक नार पानुवॉनिये,

फोलुरावव नोब बहार नवि नोवये ।

फवलुन ‘बिमस’ सॉदुरवार ग्वलाब रुत्य रुतिये ।

अँस्य क्य़ाज़ि छिय वनान तिम गँयि कोतये ॥०॥

मँशुरॉविव तिम ज़ख्म यिम दित्थ वख गोये,

पथकुन छिनु वुछान ,वुछान ब्रॉह कुनुये ।

दिल सम्बलॉविथ लीखिव ती यी असि व्यतुरये ॥

अँस्य क्य़ाज़ि छिय वनान तिम गँयि कोतये ॥०॥

तापु चन्जन विपुलि आनुव ह्यनुये, Andhra Pradesh Sahitya Akademi Award of Recognition Bantalab Jammu

यावनस सूर गोमुत छुय मेतिये।

वावु ग्रायव चॉन्य छ्य्तु वॅरिमुतिये॥

अँस्य् क्याजि छिय वनान तिम गँयि कोतये॥०॥



## मे माजि पनुनि मठि मठि दित्य्न्म

वतु व्यलायि पतु येति पान छोपनम,

मे माजि पनुनि मठि मठि दित्य्न्म।

रथि पान खॉरिथ अथि सोरुय ओनुनम॥

मे माजि पनुनि मठि मठि दित्य्न्म॥०॥

ओसुस अडुफोल पोश येलि गरि कोडहस,

कन्यन तय सेकि सँहरावन बोरहस।

फेक्यन सु गोब बारु फॅम्य त्रावनोवुनम॥

मे माजि पनुनि मठि मठि दित्य्न्म॥०॥

कम्पस मंज रुजिथ स्कूल बु सूजुहस,

अंग्रीज स्कूलस मंज बु अवुल आसस।

रातस तमि वॅशिर जवान हैछिनाँवुनम॥

मे माजि पनुनि मठि मठि दित्य्न्म॥०॥

CC-O. Agamnigam Digital Preservation Foundation



पनुन्यन प्रजनथ चय हावान जमानस ।

दिलुक गोब बोर तमि लोचुरोवुनम ॥

मे माजि पनुनि मठि मठि दित्यनम ॥०॥

वोनूनम ज्यनु जाय छेनु मँशुरावुन्य,

वोनूनम कॉशिर ज़बान छय फोलुरावुन्य ।

अथि लाल दी दी रथि खारनॉविनम ॥

मे माजि पनुनि मठि मठि दित्यनम ॥०॥

क्वछि मंज रँटिथुय माजि ज्यव परनॉवनय,

वोनूनम यिनु त्रावख मॉल्य मीरासय ।

कॉशुर छुस कॉशिर प्रजनथ तमि दिचनम ॥

मे माजि पनुनि मठि मठि दित्यनम ॥०॥

शूभिदार माजि ख्वनि ख्वनि ललुनॉवनस,

रातन गेव्य गेव्य 'कॉशिर्य' गज़ल बोज़ुनॉवनस ।

स्व दाम ज़बान यवस दूदु गल्यन सुत्य आपरॉवनम ॥

मे माजि पनुनि मठि मठि दित्यनम ॥०॥

वछि वॉलिंजि पनुनि ज़बॉन्य लोल बरुनुय प्योम,

मॉल्य माजि मीरासय ललुवुन प्योम ।

'नोव सोज़' छापुनॉविथ कर्ज 'बिमस' लोचुरोवनम ।

मे माजि पनुनि मठि मठि दित्यनम ॥०॥

छ्यनु कि थु कॅन्प गळव ऑस् लमिय जेवि मिशि,  
येमि असि दिचनय लल, रोफ, रुच, अरिण हिशि।  
‘बिमन’ नालुमति रॅट्य युथनय कांह थपि नियम।।  
मे माजि पनुनि मठि मठि दित्यनम।।०।।



## लोलु ब्वछि ( नज़्म )

सु आव दूरि वुडान वुडान  
तु कोडुन म्यानि चोकु दारि प्यठ थख  
मे ऑसु द्वशवुन्य दानु चार्यन प्यठ  
नाना प्रकॉस्य न्यामचु ग्रकान,  
मे तुल बानन ठानु थोद  
जि तस यि ख्वश करि ती खेयि  
तस ऑस्य् अँछटॉस्य व्वफरेमुत्य हिब्य  
तु ओश कोताह ओसुस बुकव बुकव वसान  
अमाह अँमिस क्युथ सु ख्यनुक तमाह  
यँचकॉल्य् ओस अज़ म्यानि चोकु दारि ब्यूठमुत  
सु ओस कुसताम अँन्दस्युम  
बोज़िहेस कुस ?  
बाविहे ति कस ?



युस दगि वीतिथ देवा करिहस  
 मे वुछ तसन्दिस बुथिस थलि थलि  
 हंगु तु गंगय ज़न तँहन्दिस  
 बुथिस अज्ञानुक अनहार ह्युव बास्योम  
 मे बोर जल जल प्यालन मंज़ मस  
 तु खास्यन बैरुम वॉलिंजि हुन्ज़ वस  
 तु आपुरावमस  
 सु ओसुम ना बुलबुल यँचकॉल्य  
 हुशार गोमुत तु लोलु ब्वछि मारुमति  
 पनुनि दारि प्यठ वापस ब्यूठमुत  
 तस ऑस ब्वछि सख  
 लोलु ब्वछि



## नारु त्यंगुल ( नज़्म)

मे छिम सॉरी प्रुछान  
 चु वन चे कुस दोद छुय ?  
 मरहम करोय ज़ख़न  
 चु वन चे कथ छय दग ?  
 बु क्याह वनु मे छि लोलु बानु  
 छँस्य गॉमत्य

मे छि बालन दातु जॅन्धाय्य तु लोल वॅसिथ प्रोमुत

छँकरुनु आमुत हुपॉर्य, यपॉर्य

खबर कपॉर्य कपॉर्य किन्य

यि सीर छसनु कॉन्सि ह्यकान बॉविथ

छस अँन्दरी पानस मंज़ दोबरावान

नाहकुक नोसूर छस पानस नोवरावान

मे छुम पानस अन्दर नार बुहान

नार हसदुक तु अहंकारुक

खबर क्याह गोम ?

लोलु शेहजारुच बून्य ज़न पेयि वॅसिथुय

तु गॅयि पनु पनु

मूल ज़न तु आयस प्राटुनु

मे ज़न प्रथ कॉन्सि हुन्द स्वख खरान

हुमिस क्याज़ि छु स्वख सुय छुसन जुर्वान

मगर मे ति मा छु पनुन स्वख कैह कम ति छुस न ज़ांह गॅज़रान

मेय गोछ सोरुय आसुन

मगर हुमिस न किंही

य्वहय नारु त्यंगुल छुम अँन्दरी ज़ालान नारुतँत्य छिम फहान

सु गोछ द्वहय लाचार मिसकीन अथु दारुवुन रोज़ुन

तस गॅछ्य नु ज़ांह फवलुन्य बागस ग्वलाब

य्वहय दोद छुम व्वतुलिथ आमुत

दपान छुस

हुमिसुन्दि बागुक्कन पोशि वॅथरन करुहा डोटु पस्युन

तसुन्धन लोलु आबशारन फिरुहा नस पथ कुन

तु थोप दिमुहख चांट्यन



यवहय त्थ्योगुल छुम मेनु नगरस राज करान  
अवय छिम द्वखुन्य नारुतैत्य यीत्य व्वजलेमुत्य  
यँहय तु छम दिलस दग  
अमिय छम नेन्दर तु नेह गँजमुच  
म्यानि भगवानु ?  
तिछ नेन्दरि ज्वला दिखना मे ज़ाह  
द्यवु मे गछिहे बु तु हु मँशिथुय  
तसुन्द स्वख मँशरिथ ह्यमु हा हुमिसुन्दिस द्वखस साम  
तँमिसुन्द द्वख दोद ललुनावुहॉ  
बु पनुनि ल्वलि मंज  
क्याह 'बिमलायि' बँलुरावखना यि दोद  
वह्य अँमिय दॉद्य आवरॉवनस !  
बस यवहय नारु त्थ्योगुल ।।



## यकुत छुय जान

यँकुत छुय स्यठाह जानो  
च्यतस थव तो चु इन्सानो  
यकति सुत्य् प्रज़नख पनुन पानो  
च्यतस थवतो चु इन्सानो

मचर अमान संसार तकर गछि चालुन

तचर गछि चालुन प्रचर गछि चालुन

बछि तावय स्वन बनख इन्सानो

च्यतस थवतो चु इन्सानो



म रोज़ थर फीरिथ वछस लागुख साँरी

नालुमति रठतख व्वपर पनुन्य साँरी

व्वलु व्वलु करनस बोड बजर इन्सानो

च्यतस थवतो चु इन्सानो



व्वथरख चु ओश लाचारन

मुफलिसन तय म्वहताजन

छय बँड इबादथ स्वय अथरोट

करख मिसकीनन

चली अदु साँरुय गांगल च़े हा इन्सानो

च्यतस थवतो चु इन्सानो



फव्लान कॉन्सि बागस

गुल फोलिथ मुश्कुन्य अदफर फेरान गुलिस्त्फस

वुछ वुछ बहार पोशन हुन्द

व्वलुसान छुय

बागवानो

च्यतस थवतो चु इन्सानो



यँकुत छय बन्द म्वठ सौम्बरिथ रँछरिथ थावान सोर  
लोल छँकुरुन नु दिवान होर योर समचारस छु आसान ज़ोर  
'बिमलायि' हुन्जि कथि करतु गोर  
हा गाटुलि इन्सानो  
च्यतस थवतो चु इन्सानो



# चुपँद्य

कुल त्रुहॉठ ( ६३ )



ग्वर दीवु म्योन गॅछितनय ज़रु ज़रु,  
 कुम्भी पाक नरकुच छम घरु थरु।  
 जिन्दपानय स्वरनावनावतम हरु हरु,  
 वख गछ्छम नीरिथ पुशरावु कति परु॥



युस ग्वरु दीवस पतु लारे,  
 होशुक पम्पोश फवल्यस मनु वारे।  
 तसनिश दीव अदु पानय हारे,  
 दर्शुन दियस पॅतिमे प्यारे॥



युस ग्वरदीवस पज़ि मनु पूजे,  
 सतग्वरस ज़ाने मॉज तय मोल।  
 बोर तसुन्द सतग्वरुय सारे,  
 लोलु नादन कति दियि कनुडोल॥



पानो मतु दितु तॅमिस पामय,  
 छोर तय छोन येम्य सूजुख योर।  
 पज़ि ही नेरुन लोतुय पानय,  
 कथक्युत सोम्बरान छख गोब बोर॥



द्युतनय शूभिदार च्यथ तय दीह ।  
य्वहय च्चु पानो च्यतस थावतो,  
लूब तय मोह नेर मुछिथ यिह ॥



संसॉस्य बंधुनव निशि युस पान मुछे,  
पान पनुन प्रथ विजि चेनि शिवस निशे ।  
अनुग्रेह शिवसुन्द पोशिस विजि विजे,  
अजपा जपुच माल प्रथ विजि फिस्च जे ॥



पॅजिस लोलस प्यठ य्वसु त्रय मरे,  
पनुनिस सॉमियस य्वस गथ करे ।  
गृहस्तुक बार य्वसु अटस तुले,  
स्व त्रय पर द्वारस नो ज़ांह फेरे ॥



युस दयस साविय पानस लरे,  
बरु वॅडिथुय अचेस बेयि दारे ।  
वुजुमलि नारु त्रेटि सुय मनुष दरे,  
होशि पोश फवलुनस वॅन्ड्य थरे ॥





लोलुपय वयनवैद्य कुनुने द्रायस,  
सरुक्क्यन नदस्थन भावुय खोत ।  
भावस म्वल दोगनॉविथ दोपमस,  
लोल प्योम वॅसिथुय ल्वत्योम फोत ॥



अॅन्दस्थ नैबस्थ तुलमस हुये,  
दोपमस सोरुय म्योनुय छुये ।  
च्यथ फीर लरि ऋख लॉजिनये,  
अख छुय सु तय सु छु ओमये ॥



हुमिसुन्द येमिसुन्द स्वख मा ज़ोरुम,  
पानस पनुनुय पाप फोरुम ।  
द्वख तस बडिहे व्वपवास कोरुम,  
मोह यज्ञस नु ज़ांह अज्ञान हुमुम ॥



नादान च्यतु गुर कोहन छुम दोरान,  
होरान छस कर्मन हुन्द सूद ।  
वीग्य् कॉत्याह त्रॉविम मनुसुय,  
लतुम्वन्जि वॅरनस मन कति मूद ॥



जगि मारनुक बस कुनुय छुम होश ।

पानो सँदुरच लँदुरमाल खार हुब,

कनि बारानय फवलनय पोश ।।



मोह ममतायि वुम्बरा जेठेयम,

नु मूद मन तय नय आशा ।

कायायि काँचाह त्रावेम तनुय,

मनुय नो आम वशस जांह ।।



मनु गुर कोहँ तेन्ताल्यन खारान छुम,

कमचा लायतस म्यानि साहिबो ।

अंहमबाव अंहकार बरहम करान छुम,

अमि भावु म्वकुलावतम साहिबो ।।



ओमचे काचि तल गर्दन रठ तु गुरिसुय,

होरु योरु दोरुनु सुत्य छ्यठ लारि मुरिसुय ।

लोसि हुन्जि त्राये बिहिजे हुरिसुय,

दुर्दानु पानय फवलनय मुरिसुय ।।





बेकलो कथ छुख वुलुमुन्यन खसान ।  
 विलिंज यी वॅसिथुय डोख गछि नीरिथ,  
 पज़रुचि हेरि खॅसिथ व्वलामुय च़लानय ॥



बु बु करान रुदस बुते,  
 सु छु सुय युस मॅशिथुय गोम ।  
 छिपि यिथ कालन न्यूनस बुते,  
 मोशमुत पानय च्यतस प्योम ॥



तगिहे इन्सानस सु ज़गि मारिहे,  
 बेयिसुन्दिस स्वखस मा ओश हारिहे ।  
 दय यस पानु रछि तस कुस मारे,  
 नादानु क्याज़ि यि गम च़े अटुबारे ॥



दुयी अँछन छे अन्युव वालान,  
 अँथर छे पलवस पस्युन करान ।  
 युस यँहय कथ मंज़ मनस रटे,  
 तरि भवसागरस नो ज़ांह फटे ॥



रातस लोगुम शिवु शिवु करुण,  
 दोहस वोतुस शिवालुन।  
 जेवि तोतु अपजय रटु लागुनोवुन,  
 फोतस म्वक्तय चोरुम नु जांह॥



द्वख स्वखु बाँगरान सु छु वारि वारे,  
 बेकुल दोरान स्वखस लरि लोर।  
 आँकुल मुर प्रथविजिय दारे,  
 ग्रटु वारि फेरुवुन छुय अनवारे॥



यस सु दँय गछि तस भय हरे,  
 सु कति विजि विजि येति मरे।  
 गटुजोल अनिगोट तस सुय हरे,  
 श्री नारायण युस क्षण क्षण स्वरे॥



यस लगान नार छुय पनुने तने,  
 चेनान सुय छुय तम्युक तपुचार।  
 दोयमिसुन्दिस नारस नत कुस सने,  
 ब्वद कति तीच छय काँन्सि हुशार॥





अडुक्कल्य तौतन ति हेछि बाशे,  
नतु ओस गोमुत सुति हाशे ।।  
ल्वति ल्वति खोरुन शिव कमि आशे,  
नूर बुथि ऋख दिचुन अविनाशे ।।



ग्वरु मॉलिस प्रुछ्योम बु कति प्रारय,  
नेबाह द्युतुम अस्थापनुक ।  
वौनुनम ग्वरद्वार मनस मंज दारय,  
हीतन नु प्रारुन प्रस्थानुक ।।



खसुवनिस शाहय ओमकार खोरुम,  
वसुवनिस वोलुम नमः शिवाय ।  
ब्बद डन्जि अँनिथ खून्टिस गॅन्डुम,  
ज्यव परनॉवुम नमः शंकराय ।।



अडुडन्जि पानय ऑसुस बिहिथुय,  
डन्जि तॅम्य् अँनिनस वारु पीठुस ।  
वरज़ुनिस वावुस तूफानस हॅरिथुय,  
अदु नाव लॅजिम मेति शाठस ।।



सोज़ाह पानय बूजुम नु ज़ांह ।  
माह तु मीढ्य दित्यमस वज़नि लोग साज़ाह,  
शूभिदार ख्योवुम राज़ वाज़वानह ॥



शिवस पादन तल पान त्रोवुम,  
बर आम मुचरनु अन्दर वॉचुस ।  
गाह त्रॉवुवुन ओमकार तति ड्युंठुम,  
बुछुम पनुन पान तनु कति ऑसुस ॥



ग्वरु दीवु लगुयो अथ वथ हावनस,  
सतचे मेचि सृत्य् मन लिवुनॉवथस ।  
ध्यानु गंगायि मंज़ श्रान करुनॉवथस,  
ग्वतु दिथ लेम्बि मंज़ु खारुनावुथस ॥



ख्वनि ख्वनि लाल ललुवुन हेछिनॉवथस,  
मनि वुहवुन नार शोलुनॉवथस ।  
हनि हनि मनि सूहम परुनावुनॉवथस,  
शिव ध्यानस मंज़ बुति फाटुनॉवथस ॥





मे गय बास पनुय जेरु, जेरु,

दप्योम बुति पर द्वहय हरु हरु ।

वक्तन बुथ फ्युर तु लोगुम मरु मरु,

चीनिम काँत्याह रंगु रंगु छ्वरु छ्वरु ॥



येलि सारेय त्रुयि आसुहन हिशय,

तेलि कति संसारस यियिहे किशय ।

कैह कैकियि कैह कौशल्यायि हिंशे,

श्री राम रछितन त्रुयि स्वभावु निशे ॥



गँयस ग्वरु मॉलिस निश कमिआशे,

जायि ऑसुस गॉमुच बेयि हाशे ।

ग्वरु मॉल्य वोनुनम हेछ ग्वडु बाशे,

तमि पतु कडय बु ति अदु वाशे ॥



त्युथ क्याह ओसुम कोरमुत सु दीयिहेम,

आत्म स्वरूपुक रुफ तु तीज दीयिहेम ।

मीन्य मीन्य तूल्य तूल्य मेति बाँगरमुत,

रँछिमुत्य ल्वलि मंज रचव तु पींत्यव रछिहेम ॥



छु यछान ब्याख क्याजि छु दोदमुतये ।  
येम्य् परव्वपकारु भाव मनस बोरुमुतये,  
बोंगरान कथुवुय ग्वलाब लवुहोतये ।।



येति यियि सोरुय पानय वेंसिथुय,  
वेंसिथुय यियि सोरुय संसार ।  
मूलु तंलु नीरिथ यी मन्दोर वेंसिथुय,  
छ्वपु वेंरिथुय वुछि पानु सरकार ।।



ज्ञानस अज्ञानस येति लागि जंग,  
नारुद पनुनि कथि बदलेस रंग ।  
ज्ञानु तिहिज बोठ पेयि तोति खसि बंगु,  
अज्ञान ब्योन ब्योन हावि नेंव्य् रंग ।।



गाटुल करान मूर्खस श्रमा,  
ख्वश तस मनुषस गछान उमा ।  
गाटु तस ज़ांह ति प्यवान छुमा,  
वाटुलद बानस अमृत गछान जमा ।।





येचकोल्य वोनुम गवरन वलु म्यान गरु,  
 ज्ञानु यूगचि लरि मुचरुनम हॉन्कल ।  
 थफ वॅरिथ नीनस अनजान सेदि बरु,  
 व्यतु क्वंडु छिरुकाव कोरुनम नेरमल ज़लु ॥



बेकुल पानो क्याज़ि लोगुख पतु चुय,  
 संसॉर्य वेशयन भूगन तय यशिसुय ।  
 पर व्वपकारस प्यठ पनुन पान मॉरिजे,  
 सतचे व्रॅच पथ वुम्बराह गुज़ॉरिजे ॥



लूबस, मदस, हूधस नार दिज़िहे,  
 बार फेक्यन हुन्द लोचरॉविजे ।  
 लोब रुज़िथ वुडुन ह्योर हेछिजे,  
 नखन तु पखनुय वाशा वॅडिजे ॥



शिवन वोनुनम शुन्याह लबतय,  
 लोबुय लोबुय क्याज़ि छुय रॉवानय ।  
 त्रोपरिथ दीह लरि, दारि बर बेहनय,  
 तेलि नय अथु मंज़ु लाल व्यसरनय ॥



चावुन लोल पानुनावुन सुय ।  
 पानु नावुन गव मनस वैपरावुन,  
 ओमस थफ वॅरिथ सूहम ज़पुनुय ॥



होशि पोशिनूलव कथु ह्यच कॅरिथुय,  
 बागस कर गॅयि फुलया लॅगिथुय ।  
 मूलय येलि पेयि काम, हूधस हॅरिथुय,  
 वॉरान जहानस गच्छि गुलज़ार कॅरिथुय ॥



जीवो शम तु दम बरतन देगे,  
 तमस रसु सुत्प बगारय बज़तस ।  
 हूधु नारु त्पवंगलव नारय ज़ालतन,  
 तथ सूरस नमस्कार करतस ॥



मोज़ूर गछनु सुत्प मोठुन गच्छियो,  
 हरकत करतो अदय व्वतलख ।  
 हरवॅच अँन्दरय बरकत छांडतो,  
 संज़ करतो तेलि ब्रॉह पक़हख ॥



खुर्य डेन्जन ह्यनु आमुत मन छुयो,  
 अमि मंज़ु नेरनुक व्यस्तार वुछतो ।  
 ग्वरुस ज्ञानु अमस्यतस अथु चुय दारतो,  
 यम, नियम, ध्यान कुनि वगि रठतो ॥





जरस जरस मज सुय महादेव लबतन,  
 अद चुय लबखो पनुनुय पान।  
 शिवनाथन्यन लीलायन सनतो,  
 इडा पिंगला सुषमनायि वथ गछ हेछान॥



नखि अटस खार तुजिमुच ओसुम,  
 पोत चलहा कति तथ वार ओसुम।  
 छेपि लॅगिथ अंह कुय खुमार ओसुम,  
 तस लालुन ज़ांह मा अनहार वुछुम॥



जिन्दु पानय मूदुस सु कति मूदुम,  
 भ्रमु बॉज्यगार दूहय ठरि रुदुम।  
 गुमु सगुविथ अज़ थरि पोश फोलुम,  
 भ्रम गॅलिथ ग्वरु ज़ानु मन पुरवुम॥



आदि प्रभातस पॅतिमिस पॅहरस,  
 शिव शक्ति सुत्य ह्यथ स्वख बॉगरान।  
 खय चॅलुरॉविथ चु ति लय गछतो,  
 लोलु सेतारस रोज़ सोज़ वायान॥



येति नो किन्ही छुयो चोनय ।  
आनन्द सागर अँन्दरय छांडतो,  
हूठ सफरा व्वन्य छोटुरावतो ।।



कटु फ्रठ गोम येति मरनु भये,  
नतु येति कुस दोयिमिस ज़रे ।  
त्रोपुरिम दारि बर बेहमु मनु गरे,  
सुहव तु शालव फुचरिहेम लरे ।।



अज़रवुन, चख, वॉर, हसद मँशुरतो,  
वछि वॉलिंजि राम बीज़ मन्त्र ज़पतो ।  
परतो हरे राम हरे कृष्ण परतो,  
तपचे तापु तयि सेकि प्यठ पखतो ।।



वोनुनम ग्वरु दीवन सु रँत्न मनुसुय,  
अनिगँट्य वतनुय हाविय गाश ।  
सु प्रकाश वुछिथुय नूर यी बुथिसुय,  
पम्पोश फवलनय चेति मनु डलुसुय ।।



कोरुम अर्पण सोरुय तस ग्वरसुय,  
पम्पोश हेतिनुम फवलुन्य मनु सरसुय ।  
लगुहस वन्दिथ अथ संतोष दिनुसुय,  
ग्वरु बँनिथ ब्यूतुम शिवनाथ मनुसुय ।।





कोरोहाह यितु गछ कोरुम आवागमनसय,  
 नॅट्य सारि नॅट्य सारान लॅजिस हेरि ब्वनय ।  
 ग्वरु समरणि मुक्ती मीज मनसय,  
 बोठ लॅजिस यीरान ऑसुय पां चॅकरसय ॥



यस ग्वरु दीव नेत्रन छांफ कासिय,  
 तस शिवय शिवय सोरुय बासिय ।  
 शिवनाथुन्य लीला तस यितु गछ कासिय  
 तेलि तस सु प्रकाश टाकारु बासिय ॥



लगय पादि कमलन वॅन्दिथ बबु भगवानय,  
 चानि सीवायि थोद कैह छुम न बासानय ।  
 मान अपमान त्रावुनॉविथ छुहम पकुनावानय,  
 “बिमलायि” म्वखस सरस्वती रोज़ तु दिवानय ॥



योर यिथ कोताह मेति प्यव च़ालुन,  
 च़ालुनि पेयम त्रटु तय वुजुमलुय ।  
 नय च़ालहस लायहेनम वटय,  
 कोरि मॉज ऑसुस स्वति बटय ॥



पतु वथ सॉरीय वॅलिमुत्प पोत्र मोहय,  
 ल्यकु थ्वकु मेति च़ाजम द्वहय ।  
 यनय जाय मेति माजि रॅट गर्भस,  
 अरबस ऑसिथ म्वल कोरुहम खरबस ॥



**रुत अन्द**

# LOAL'E DAEL

A collection of colouring Kashmiri  
lyrics by Bimla Aima Misri

Year - 2013

Price : 125/-



**Author**

नाव :- बिमला ऐमा मिसरी  
धर्म पत्नी :- श्री शिभन कृष्ण ऐमा  
असली पताह :- 105 - आज़ाद बस्ती नॅट्य पूर,  
श्रीनगर, कश्मीर।  
वुन्यक्युक पताह :- 72-E, भारत नगर तालाब तिलू जोम।  
फोन नं० :- लैंड लाईन - 2554595  
मोबाईल-9419197646, 9086597646,  
छापखानु :- 9419141499

J.M. College of Education  
Raipur, Bantalab  
Jammu

CC-O. Agamrigam Digital Preservation Foundation

184

Acc No. ....



Gandhi Memorial College of Education Bantalab Jammu

94191-12371

Gandhi Memorial College of Education Bantalab Jammu

Mr. Kewar

5 April 1969

Unggahan Jammu - 10





# LOAL'E DAEL

A collection of colouring Kashmiri  
lyrics by Bimla Aima Misri



**Author**

नाव :- बिमला ऐमा मिसरी  
धर्म पत्नी :- श्री शिभन कृष्ण ऐमा  
असली पताह :- 105 - आज़ाद बस्ती नैट्य पूर,  
श्रीनगर, कश्मीर।  
बुन्यक्युक पताह :- 72-E , भारत नगर तालाब तिलू जोम।  
फोन नं० :- लैंड लाईन - 0191 - 2554595  
मोबाईल-9419197646, 9086597646